

শ্রীদীনেন্দ্রকুমার রায়-সম্পাদিত

‘রহস্য-লেখনী’

উপন্যাস-মালার

১৩৬ নং উপন্যাস

ঝোপে ঝোপে নেকড়ে

[ প্রথম সংস্করণ. ]

২৮ নং শঙ্কর যোক্‌লেন, কলিকাতা  
‘রহস্য-লেখনী’ বৈদ্যুতিক মেসিন-প্রেসে  
শ্রীদীনেন্দ্রকুমার রায় কর্তৃক  
মুদ্রিত ও প্রকাশিত।

‘রহস্য-লেখনী’ কার্যালয়—

মেহেরপুর, জেলা নদীয়া।

রাজ সংস্করণ পাঁচ টাকা,—মূল্য সাধারণ, বার আন।

# বোপে বোপে বুকুড়ে

## প্রথম প্রসঙ্গ

### পীত ইস্তাহার

ব্রিগটনের কারাগারের একটি কক্ষে দুইজন লোক মুখামুখী উপবিষ্ট। হাজতের আসামীরা বাহিরের লোকের সঙ্গে এই কক্ষেই সাক্ষাৎ করে; সুতরাং এই কক্ষটিকে কয়েদীদের বৈঠকখানা বলা বলা যাইতে পারে। জেলখানায় ‘কয়েদীর বৈঠকখানা!’—একথা শুনিয়া পাঠক পাঠিকা হাসিয়া বলিবেন—‘পেয়াদার আবার স্বপ্তরবাড়ী?’—কিন্তু তাঁহারা স্ববর্ণ রাখিবেন, ইয়ুরোপের কারাগার আনাদের দেশের জেলখানা নহে, এবং সে দেশের কারাবাসীরা আমাদের দেশের কথের্দা নহে। এ দেশেও চোর সাহেবগুণা জেলখানায় কত সুখে থাকে, জানেন না কি? তাহারা যে রাজকুটুখ।

একজন কারারক্ষী সেই কক্ষের দ্বারে পাহারায় ছিল; কক্ষমধ্যে যে দুইজনের আলাপ চলিতেছিল—তাঁহাদের একজন স্কটল্যাণ্ড ইয়ার্ডের ইন্স্পেক্টর কুটস, দ্বিতীয় ব্যক্তি হাজতের আসামী সেপ্টিমস্ কস্।

ডিটেক্টিভ ইন্স্পেক্টর কুটস চেয়ারে ঠেস্ দিয়া তীক্ষ্ণ দৃষ্টিতে টেবিলের অপর পাশে উপবিষ্ট আসামীর মুখের দিকে চাহিয়া গভীর স্বরে বলিলেন, “দেখ বাপু কস্, সাইনস্ বা যাহাই তোমার নাম হউক, যদি তোমার ঘাটে এক বিন্দু বুদ্ধি থাকিত, তাহা হইলে তুমি সকল কথাই প্রকাশ করিতে। যতই চালাকি আর ধাপ্লাবাজি কর—শেষে আইনের জয় হুনিশ্চিত। তোমার এক ভাই আত্মহত্যা করিয়াছে, আর একজন ব্যাক-লুঠনে সাহায্য করিতে গিয়া ধরা পড়ায় কঠোর কারাদণ্ডে দণ্ডিত হইয়াছে; আবার তোমরা দুই ভাই গ্রেপ্তার হইয়াছ।

তোমাদের পরিবারের অবশিষ্ট যে কয়েকজন কারাগারের বাহিরে আছে, তাহাদিগকেও আমরা—শীঘ্র হউক আর বিলম্বে হউক—জেলে পুরিয়া নিশ্চিত হইব, ইহাও বোধ হয় বুঝিতে পারিয়াছ।”

আসানী কোন কথা বলিল না ; সে টেবিলের উপর দুই হাত রাখিয়া শুদ্ধভাবে বসিয়া রহিল।

ইন্স্পেক্টর কুটস বলিতে লাগিলেন, “তোমার পিতা পল সাইনসের মস্তিষ্ক বিকৃত হইয়াছে ; প্রতিহিংসার জন্ত সে ক্ষেপিয়া উঠিয়াছে। তাহাকে সাহায্য করিতে গিয়া তোমার নিজের, তোমার ভ্রাতৃগণের স্বাধীনতা কি জন্য নষ্ট করিতেছ ? হাঁ, তোমার পিতা সগাই ক্ষেপিয়া উঠিয়াছে ; এ জন্য পুলিশ তাহাকে তাহার কুকর্মের জন্য দায়ী করিতে অনিচ্ছুক। পল সাইনসের মাথা এখন চড়িয়াছে। তাহার প্রতি তদন্তব্যী ব্যবস্থা করিতে হইবে ; অর্থাৎ তাহাকে গ্রেপ্তার করিয়া কারাগারের পরিবর্তে হুডনুরের বাতুলশ্রমে প্রেরণ করিতে হইবে।—সেখানে তাহার পরিচর্যা চলিবে। ( he will be well cared for. ) কিন্তু পুলিশের এই সছন্দে প্রাধান্য প্রদান অন্তরায়—আমরা তোমার পিতার সন্ধান পাইতোছ না। তোমার পিতা এখন কোথায় লুকাইয়া আছে তাহা আমাকে বলিবে কি ?—আমার নিকট এই সংবাদ প্রকাশ করিলে বিচারে তোমার দণ্ডের লাভ হইবে—ইহা আমি অঙ্গীকার করিতে পারি।” ( I can promise you that the law will deal lightly with your case. )

প্রোফেসর সোপ্টমস্ কন্স পল সাইনসের পুত্রগণের অন্ততম। মিঃ ব্লেক তাহাকে কি ভাবে গ্রেপ্তার করিয়াছিলেন, তাহা পাঠক পাঠিকাগণের সুবিদিত। সেই ঘটনার বিবরণ ‘শব্দটে শব্দতালী’তে প্রকাশিত হইয়াছে।—সোপ্টমস্ কন্স মুখ তুলিয়া অচঞ্চল দৃষ্টিতে ইন্স্পেক্টর কুটসের মুখের দিকে চাহিয়া বলিল, “আমি অপরাধী কি না—বিচারক তাহা বিচার করিবে, আমি পুলিশের গোয়েন্দা, আমার দণ্ডের লাভ হইবে—কোন আধকারে তুমি এরূপ অঙ্গীকার করিবে ? বিচারক তোমার মুখ চাহিয়া আসামীর অপরাধের বিচার করিবে ? তোমার অন্তায়

অনুরোধও রক্ষা করিবে?—কিন্তু তুমি আমাকে কোন অঙ্গীকারেই প্রলুব্ধ করিতে পারিবে না। আমি তোমাকে কোন কথা বলিব না। পল সাইনস্ আমার পিতা—ইহাও আমি স্বীকার করি নাই; ইহা রবার্ট ব্লেকের অনুমান মাত্র, কিন্তু অনুমান প্রমাণ নহে। তুমি আমাকে এখানে বসাইয়া রাখিয়া সে সকল কথা বলিতেহ তাহা সম্পূর্ণ নিষ্ফল। নিজের সমস্ত নষ্ট করিতেছ—আমাকেও বিরক্ত করিতেছ। যদি পল সাইনস্কে গোপ্তার কারবার ইচ্ছা থাকে, গোয়েন্দা তুমি—তাহাকে খুঁজিয়া বাতিল কর; আমাকে লোভ দেখাইয়া তাহার সন্ধান লইবার চেষ্টা নিকোঁধ ইহরের কাজ। আমি তোমাকে এই মাত্র বলিতে পারি—পল সাইনস্ আজ লণ্ডনেই থাকিবে। হাঁ, সে তোমাদিগকে সম্পূর্ণ অগ্রাহ্য করিয়া লণ্ডনের পথে পথেই আজ ঘুরিয়া বেড়াইবে। সাধ্য হইলে তাহাকে গ্রেপ্তার কর। তুমি যাহাকে তাহার প্যাপার্সী বলিতেছ—তাহারই সাহায্যে সে স্কটল্যান্ড ইয়ার্ডেব সকল পাকা মাথাব সাম্মানিক শাস্তি কারয়া দিখাচ্ছে।—সে পুনঃ পুনঃ পুলিশকে অপদস্থ ও পরাসিত করিয়াছে—এ কথা তুমি স্বীকার করিতে লাজ্জিত হইতেছ—ইন্স্পেক্টর কুটস!—কিন্তু এই কাপুরুষসুলভ লজ্জা অপেক্ষা অধিক 'নল'জ্জতা কোন ভদ্রলোকের নিকট আশা করা যায় না।”

এই স্মৃতির তিরস্বারে ইন্স্পেক্টর কুটসেরও বোধ হয় লজ্জা হইল; তিনি মুখ লাল করিয়া উঠিয়া দাঁড়াইলেন। কিন্তু লজ্জা অপেক্ষা রাগই তাহার অধিক হইল; তিনি ঠেংগেঁজত স্বরে বলিলেন, “বিশ চেয়ে কম্বি দড়! বেশ, দেখা যাইবে—কে জয়ী হইবে।—যুদ্ধের কি এখনই শেষ হইয়াছে? তোমার নিকট কোন কথা বাতিল করিতে পারিলাম না, কিন্তু তোমার যে ভাই ম্যাল্‌কম বাটনের ছদ্মনামে একটা বীমা কোম্পানীকে ফেরার করিতে উত্তত হইয়াছেন—সে যুক্ত তর্কের খাতির রাখিবে। ( will prove more open to reason. ) তাহার স্ত্রী পরিবার আছে কি না? তাহাদের সুখের দিকে তাহাকে চাইতে হইবে ত?”

সেপ্টিমস্ কন্স পুনর্বার মুহু হাসিয়া বলিল, “তাহার যোল বৎসরের অভিজ্ঞতা বুঝা হইবে না। যদি তুমি ম্যাল্‌কমকে আমার ভাই বলিয়াই মনে কর তাহা

হইলে আমার নিকট যাহা জানিতে পারিলে, তাহার নিকট তাহার অধিক কিছুই জানিতে পারিবে না।”

ইন্স্পেক্টর কুটস গুঁঠ দংশন করিয়া মানসিক উদ্ভ্রা প্রকাশ করিলেন। সেপ্টিমস্ কসের কথা সত্য—তাহা তিনি তৎপূর্বেই জানিতে পারিয়াছিলেন; তিনি প্রথমে ম্যাল্কম বাটনকেই জেরা করিয়াছিলেন—কিন্তু তাহার পিতার বিরুদ্ধে একটি কথাও তাহার মুখ হইতে বাহির করিতে পারেন নাই। পিতার প্রতি ইহাদের ভক্তি ও নির্ভব অসাধারণ। পিতার আদেশে পুত্রগণ বিনা-প্রতিবাদে নির্বিকার চিত্তে প্রাণ বিসর্জন করিতেছে—একদিন ইহা প্রাচ্য ভূখণ্ডেরই মানব-চরিত্রের বিশেষত্ব ছিল; কিন্তু পুত্রগণের উপর পল সাইনসেব-প্রভাব এইরূপট অসাধারণ ছিল।

ঘারপ্রান্তে যে কারারক্ষী উপবিষ্ট ছিল—ইন্স্পেক্টর কুটস তাহাকে বলিলেন, “আসামীকে উহার কুঠরীতে লইয়া যাও।”

কম্ উঠিয়া তাহার হাজত-ঘরের দ্বারের দিকে অগ্রসর হইল; সে সেই কক্ষের ঘরের সম্মুখে দাড়াইয়া ইন্স্পেক্টর কুটসকে বলিল, “আমার অন্ত তিন ভ্রাতার সহিত যদি কখন তোমার সাক্ষাৎ হয়—তাহা হইলে আমার কথা তাহাদিগকে শ্রবণ করাইয়া দিও। তাহাদিগকে এ কথাও বলিও যে, নেকড়েবা দলবদ্ধ হইয়া শিকার করিবার সময় যেরূপ বিপজ্জনক হইয়া উঠে, কোন কোন মানুষ-নেকড়ে একাকীই তাহার শক্রদলের পক্ষে তাহাদের অপেক্ষা অধিকতর বিপজ্জনক।”

ইন্স্পেক্টর কুটস এ কথা শুনিয়া ক্রোধে জ্বলিয়া উঠিলেন, কিন্তু কোন কথা বলিলেন না। তিনি কারাগারের বিভিন্ন কক্ষের দ্বার অতিক্রম করিয়া অবশেষে কারাধ্যক্ষ কাপ্তেন উইচারের খাস-কামরায় প্রবেশ করিলেন। কারাধ্যক্ষ সেই কক্ষে বসিয়া প্রধান ওয়ার্ডারের সহিত কি পরামর্শ করিতেছিলেন। তিনি ইন্স্পেক্টর কুটসকে দেখিয়াই বলিলেন, “মিঃ কুটস, আপনি চলিয়া যাইবার পূর্বে আমার সঙ্গে দেখা করিবেন—এইরূপই আশা করিয়াছিলাম। ছইখানি পত্র আমার হাতে আসিয়া পড়িয়াছে। একখানি সেপ্টিমস্ কসের, এবং অন্তখানি ম্যাল্কম বাটনের নামে আসিয়াছে। উভয় পত্রেরই মর্ম্ম অন্বিল্লিত। পত্র ছইখানি পাঠ করিয়া

আপত্তিজনক মনে হওয়ায় আমি তাহা আসামীদের নিকট পাঠাই নাই।—  
তিনি টেবিলের দেওয়াল হইতে পত্র দুইখানি বাহির করিয়া ইন্স্পেক্টর কুটসকে  
দেখিতে দিলেন।

ইন্স্পেক্টর কুটস পত্র দুইখানি পরীক্ষা করিয়া উভয় পত্রের মাথায় নেকড়ের  
মুণ্ড অঙ্কিত দেখিলেন; হস্তাক্ষর দেখিয়া তিনি বুঝিতে পারিলেন—তাহা  
পল সাইনসেরই হস্তাক্ষর। পল সাইনসের হস্তাক্ষর তাঁহার সুপরিচিত।

প্রথম পত্রখানিতে লেখা ছিল—“প্রিয় সেপ্টিমস্, কারাগারে আবদ্ধ থাকায়  
তোমাকে আপাততঃ যে অনুবিধা সহ্য করিতে হইতেছে, তাহা দীর্ঘকাল স্থায়ী  
হইবে না। তুমি বিচারাধীন কয়েদী, এজন্য তোমার সংবাদ-পত্র পাঠের অধিকার  
আছে; (you are allowed the privilege of news-papers,) আগামী কলা বাগজ খুলিয়া একপ কোন বিষয় দেখতে পাইবে—যাণ্ড পাঠ  
করিয়া তুমি খুসী হইবে।

আটচাল্লিশ ঘণ্টার মধ্যে তোমাকে কারাগার করিবার ব্যবস্থা করিতেছি;  
এজন্য কর্তৃপক্ষের সম্মতি গ্রহণের প্রয়োজন হইবে না।

### পল সাইনস্ ।”

ইন্স্পেক্টর কুটস উত্তেজনাতরে নাক ঝাড়িলেন। পল সাইনসেব এই স্পীচী ও  
পৃষ্ঠা তাঁহার অসহ্য মনে হইল। তিনি মুগ্ধ অত্যন্ত গম্ভীর কণ্ঠে বলিলেন,  
“ক্যাপ্টেন উইচার, এই পত্রের মর্ম কিছু ব্যাঝতে পারিয়াছেন কি?”

কারাধ্যক্ষ বলিলেন, “চাল সকালে দৈনিকের ‘ব্যক্তিগত স্তম্ভে’ (Personal  
columns) সম্ভবতঃ একপ কোনও সংবাদ প্রকাশিত হইবে, যাণ্ডর  
সাক্ষাতিক অর্থ উভাদের দুইজনেরই সুবিদিত; কিন্তু আমরা তাহা বুঝিতে  
পারিব না।—এইজন্য আমি কাল উভাদিগকে কাগজ দেওয়া বন্ধ করিয়া দিব।”

ইন্স্পেক্টর কুটস বলিলেন, “সাইনসের উদ্দেশ্য অত্যন্ত গম্ভীর বর্ণনাই মনে হয়।  
আমার বিশ্বাস, চ.বশ ঘণ্টার মধ্যেই সে আবার কোন নূতন চাল আরম্ভ করিবে;  
তাহা হইলে আনাদের সকলেরই সম্বন্ধে অপরিহার্য। তাহার মনের ভাব  
বুঝিবার উপায় নাই!”

ইনস্পেক্টর কুটসের মন অজ্ঞাত ভয়ে পূর্ণ হইল; তিনি মন স্থির করিতে না পারিয়া কারাগারের বাহিরে যাইবার জন্ত ব্যাকুল হইলেন। তিনি কারাগারের ফটকের বাহিরে আসিয়া একখানি ট্যান্ডি ভাড়া করিলেন, এবং ত্রিভুজটন হিল অভিমুখে ধাবিত হইলেন। তিনি চঞ্চল চিত্তে গোর্ফ চুলকাইতে চুলকাইতে অক্ষুট স্ববে বলিলেন, “সাইনস্ আবার কি শয়তানী চাল চালিবার মতলব করিয়াছে—তাহা জানিতেই হইবে। সে শীঘ্রই আমাদের বিরুদ্ধে যুদ্ধ ঘোষণা করিবে। এবার তাহাকে গ্রেপ্তার করিতেই হইবে।”

বস্তুতঃ ইনস্পেক্টর কুটসের হুশিচল্য যথেষ্ট কাঁবণ ছিল। আট দিন পূর্বে পল সাইনস্ লণ্ডন নগরে যে ভীষণ অত্যাচার আরম্ভ করিয়াছিল—তাহার চিত্ত তখন পর্য্যন্ত বিলম্ব হয় নাই; তখনও লণ্ডনের বিভিন্ন রাজসংঘের দুই ধানে অনেক প্রকাণ্ড অট্টালিকার কাচের ঘাঘ জানালাগুলির ভাঙ্গা কাচ মেরামত হয় নাই; অনেক জানালা তখনও কাচহীন। কাঠের ও লোহার ফ্রেমগুলি যেন মুখবান্দান করিয়া পথের দিকে চাহিয়া ছিল। তখনও রাশি রাশি ভাঙ্গা কাচ পথের চারি দিকে বিক্ষিপ্ত ছিল।

পল সাইনস্ লণ্ডনের লক্ষ লক্ষ পাউণ্ড ক্ষতি করিলে (hundreds of thousands of pounds' worth of damage.) মিঃ ব্লেক পুলিশের সাহায্যে সাইনস্কে তাহার গুপ্ত আড্ডায় গ্রেপ্তার করিবার চেষ্টা করিয়াছিলেন, কিন্তু তাহার চেষ্টা সফল হইবার পূর্বেই সে পলায়ন করিয়াছিল। তাহার দুই পুত্র ধরা পাড়িয়াছিল, এবং তাহাব আড্ডায় কাচধ্বংসকারী যন্ত্রটিও তিনি অধিকার করিতে সমর্থ হইয়াছিলেন। প্রোফেসর সেপ্টিমস্ কসের আবিষ্কৃত অদ্ভুত বৈজ্ঞানিক যন্ত্রটি বিধ্বস্ত করিয়া মিঃ ব্লেক লণ্ডনবাসীদের আতঙ্ক দূর করিয়াছিলেন। কিন্তু পল সাইনস্‌র সাতপুত্রের মধ্যে তখনও কয়েকজন জীবিত ছিল; পল সাইনস্ তখনও ধরা পড়ে নাই। সে লণ্ডনের কোন স্থানে লুকাইয়া থাকিয়া, লণ্ডনে নূতন অরাজকতা বিস্তারের জন্ত সুযোগের প্রতীক্ষা করিতেছিল। শক্তিশালী অসংখ্য দস্যু নানা ভাবে তাহাকে সাহায্য করিবার জন্ত স্থানে স্থানে দলবদ্ধ হইয়াছিল, তাহার ইচ্ছিতে পুলিশের বিরুদ্ধে যুদ্ধ ঘোষণার জন্ত প্রস্তুত ছিল—ইহা

বসিতে পারিয়াও ইন্স্পেক্টর কুটসকে সম্পূর্ণ নিষ্ক্রিয় থাকিতে হইয়াছিল। স্কটলাও ইয়ার্ডের ডিটেইক্টভেরা পল সাইনসকে লণ্ডনের চারি দিকে খুঁজিয়া বেড়াইতেছিল।

পল সাইনস শীঘ্রই পুনর্জীব সমরক্ষেত্রে অবতরণ করিবে—এবিষয়ে কাহারও সন্দেহ ছিল না; কিন্তু এবার সে কাহার বিরুদ্ধে যুদ্ধ ঘোষণা করিবে? তাহার শত্রুগণের নামের তালিকায় সর্বপ্রথমে এবার কাহার নাম আছে?—এই প্রশ্নই সকলের মন আনোড়িত করিতেছিল। যাহারা যোল বৎসর পূর্বে পল সাইনসের বিরুদ্ধাচরণ করিয়া, বিনা-অপবাধে তাহার কাবান্দেগের সহায়তা করিয়াছিল—তাহাদের মধ্যে যাহারা এখন পর্য্যন্ত সাইনসের ক্রোধানলে ভস্মীভূত হইয়া নাই, তাহাদের সকলেই আতকে অভিভূত হইয়া মনে মনে বলিতে লাগিল, “এইবার আমার পাল্লা, সেই শয়তান এবার আমাকেই চূর্ণ করিবে। হায়, তাহার কবল হইতে আর আমার পরিত্রাণ নাই!”

যাহারা যোল বৎসর পূর্বে দায়রাব মামলায় সাইনসের বিরুদ্ধাচরণ করিয়াছিল—পুলিশ তাহাদের সকলেরই নাম জানিত। পুলিশ তাহাদিগকে অভয় দানও করিয়াছিল; কিন্তু তাহারা প্রথম হঠাতেই দেখিয়া আসিতেছিল পল সাইনস তাহাদিগকে বিধ্বস্ত করিবার জন্য ভীষণ যড়যন্ত্র-জাল প্রসারিত করিয়াছিল—পুলিশ যথাসাধ্য চেষ্টা করিয়া তাহাদের একজনকেও রক্ষা করিতে পারে নাই। সাইনসের কবলে নিষ্ক্রিয় হইয়া তাহাদের প্রত্যেকেই ক্ষতিগ্রস্ত, বিড়ম্বিত বা বিধ্বস্ত হইয়াছিল। এ অবস্থায় পুলিশের আশ্বাস বাক্যে বিশ্বাস স্থাপন করিয়া কে নিশ্চিত থাকিতে পারে? সাইনসকে গ্রেপ্তার করা পুলিশের অসাধ্য, এ ধারণা সকলেরই মনে বদ্ধমূল হইয়াছিল।

পল সাইনস তাহার গুপ্ত আড্ডা হইতে পলায়ন করিয়া কোথায় আশ্রয় গ্রহণ করিয়াছিল—পুলিশ যথাসাধ্য চেষ্টা করিয়াও তাহা জানিতে পারে নাই। তাহার গ্রেপ্তারের জন্য কয়েক সহস্র পাউণ্ড পুরস্কার ঘোষিত হইয়াছিল; কিন্তু এ পর্য্যন্ত কেহই সেই পুরস্কারের দাবী করে নাই। পল সাইনসের অন্তর্যবর্ণের অনেকেই এই ঘোষণার কথা জানিত; তাহাদের কেহ না কেহ সাইনসকে ধরাইয়া দিতে



পারিত ; কিন্তু তাহাদের কেহই পুরস্কারের লোভে তাহার প্রতি বিশ্বাসঘাতকতা করিতে সাহসী হয় নাই ।

ইন্স্পেক্টর কুটস ট্যান্ডিতে চলিতে চলিতে সম্মুখে মুখ বাড়াইয়া ট্যান্ডি-চালককে কি বলিলেন । ট্যান্ডি তখন রিজেন্ট ষ্ট্রীটের ভিতর দিয়া যাইতেছিল । পথের দুই ধারের দোকানগুলির ভাঙ্গা জানালা তখনও সম্পূর্ণরূপে মোরামত হয় নাই ; সেই অবস্থাতেই দোকানগুলিতে ক্রয় বিক্রয় চলিতেছিল । দোকান ও অস্ত্রাস্ত্র অটালিকাব অবস্থা দেখিলে মনে হইত—কেহ বোমা নিক্ষেপ করিয়া সেই সকল দোকানের দ্বার জানালা ভাঙ্গিয়া দিয়াছে !

ট্যান্ডি আরও কিছুদূর অগ্রসর হইয়া অক্সফোর্ড সার্কাসের নিকট হঠাৎ থামিয়া গেল । ইন্স্পেক্টর কুটস মুখ বাড়াইয়া দেখিলেন, সম্মুখে বহুসংখ্যক ট্যান্ডি, লরী, ব'স পথ বন্ধ করিয়া দণ্ডায়মান, আর এক ইঞ্চিও অগ্রসর হইবার উপায় নাই!—সেখানে এই ভাবে পথ-রোধের কারণ বুঝিতে না পারিয়া ইন্স্পেক্টর কুটস গাড়ীতে উঠিয়া দাঁড়াইলেন । তিনি এক পাশের একখানি ভাঙ্গা দোকানের সম্মুখে বিস্তর লোককে জটলা করিতে দেখিলেন, তাহাদের ভিড় ঠেঁয়িয়া গাড়ীগুলি কোন দিকে যাইতে পারিতেছিল না । ইন্স্পেক্টর কুটস কয়েক মিনিট পরে সেই দোকানের দেওয়ালে আঁটা হলদে কাগজে লাল কালীতে ছাপা মোটা মোটা অক্ষরে একছত্র মাত্র লেখা দেখিলেন ; সেই হলদে কাগজখানিতে লেখা ছিল,—

“তুমিই কি পল সাইনস্ ?”

ইন্স্পেক্টর কুটস সেই প্ল্যাকার্ডখানি দেখিয়া নিজের চক্ষুকে বিশ্বাস করিতে পারিলেন না । সমাগত পথিকগণের স্রায় তিনিও বিস্ময়িত নেত্রে পুনঃ পুনঃ সেই প্ল্যাকার্ডে দৃষ্টিপাত করিয়া সেই একই লেখা দেখিলেন, “তুমি কি পল সাইনস্ ?”

ট্যান্ডি ক্রমে দূরে চলিয়া গেল, প্ল্যাকার্ডখানিও অদৃশ্য হইল ; কিন্তু সেই প্ল্যাকার্ডের অদ্ভুত লেখাগুলি ইন্স্পেক্টর কুটসের মনশ্চক্ষুর সম্মুখে উজ্জ্বল ভাবে ফুটিয়া রছিল ; তিনি মনে মনে বলিলেন, “এ কি ব্যাপার ? ইহা কি কোনও বিজ্ঞাপন-দাতার চাতুরী ? সে কি পাগল ? এরূপ অদ্ভুত বিজ্ঞাপন ত পূর্বে

কোনও দিন আমার দৃষ্টিগোচর হয় নাই! হৃদ্য পল সাইনসের কথা যাহাতে জনসাধারণ শীঘ্র ভুলিতে পারে—তাহারই চেষ্টা করা উচিত; কিন্তু এই অদ্ভুত বিজ্ঞাপন দিয়া জিজ্ঞাসা করা হইয়াছে—‘তুমি কি পল সাইনস?’—ইহার কি কোন অর্থ আছে?”

ইন্স্পেক্টর কুটসের গাড়ী ঘুরিতে ঘুরিতে অবশেষে বেকার স্ট্রীটে প্রবেশ করিয়া মিঃ রবার্ট ব্লেকের বহিষ্কারের সম্মুখে থামিল। ইন্স্পেক্টর কুটস মিঃ ব্লেকের বন্ধু। তিনি যখন তখন মিঃ ব্লেকের সহিত সাক্ষাৎ করিতে আসিতেন; এজন্য তাঁহাকে অনুমতির প্রতীক্ষা করিতে হইত না। তিনি ঘাণে ধাক্কা দিলে মিসেস্ বার্ভেল ছাৰ খুলিয়া দিল। ইন্স্পেক্টর কুটস মিসেস্ বার্ভেলকে দেখিয়া অভিবাদের ভঙ্গিতে একবার মাথা নাড়িলেন, তাহার পর কাঠের সিঁড়ি দিয়া দোতালায় উঠিলেন। মিঃ ব্লেকের উপবেশন-কক্ষ হইতে বেহালার একটি স্মিষ্ট গৎ ইন্স্পেক্টর কুটসের কর্ণগোচর হইল। কুটস সেই কক্ষে প্রবেশ করিয়া মিঃ ব্লেককে আগকুণ্ডের অদূরে বেহালা-হস্তে উপবিষ্ট দেখিলেন। মিঃ ব্লেকের পরিধানে ফিকে লাল ড্রেসিং-গাউন, পায়ে চটি, তিনি বেহালাখানি চিব্বকের নীচে ধরিয়া উৎসাহ ভরে তাহাতে ছড় বুলাইতেছিলেন।

ইন্স্পেক্টর কুটস তাঁহাকে সেই ভাবে বেহালা বাজাঠতে দেখিয়া দ্বার-প্রান্তে থমকিয়া দাঁড়াইলেন; তিনি পূর্বে কোন দিন বেহালার একপ স্মিষ্ট ধ্বনি শ্রবণ করেন নাই। দীর্ঘকাল পুলিশের চাকরী করিয়া তাহার হৃদয় কঠিন হইয়াছিল, তথাপি বেহালার সেই স্তম্ভন করণ স্বর-লগ্নী তাঁহার হৃদয় আর্দ্র করিয়া তুলিল। মিঃ ব্লেকের হস্তে বেহালা যেন মনুষ্যের কর্ণস্বর লাভ করিয়াছিল, এবং তাহাতে হার্মিস, অশ্রু আনন্দ ও বিবাদ পানিস্কৃত হইয়া যেন কোমল স্বরতরঙ্গ ভাসিয়া যাইতেছিল।

মিঃ ব্লেক বেহালাখানি টেবিলে রাখিয়া হার্মিয়া বলিলেন, “কুটস, তোমার মত কাজের লোক এতক্ষণ ধৈর্য ধরিয়া বেহালা শুনিতেছিল দেখিয়া বিস্মিত হইলাম। আমাকে নিষ্কন্না দেখিয়া বোধ হয় মনে মনে চটিতেছিলে। একটা চুকট ‘ইচ্ছা’ করিবে কি?”

ইন্স্পেক্টর কুটস চেয়ারে বসিয়া বলিলেন, “চুরুটের খোঁয়ায় ঘরটি অন্ধকার করিয়া রাখিয়াছ; ইহাতেই দন্ বন্ধ হইবার যোগাড়! (enough to choke a fellow) আবার চুরুট ইচ্ছা করিব?”

মিঃ ব্লেক বলিলেন, “দোষ কি? তুমিও খানিক খোঁয়া ছাড়। যদি জলপথে ভ্রমণের ইচ্ছা থাকে তাহা হইলে—বোতল গ্যাস কোথায় থাকে তাহা ত তুমি জান।”

ইন্স্পেক্টর কুটসকে ‘জলপথে’ চলিবার জ্ঞান ফখন দুইবার অল্পরোধ করিবার প্রয়োজন হইত না; তিনি তৎক্ষণাৎ উঠিয়া ছুটিকির ও সোডার বোতল লইয়া আসিলেন, তাহার পর আধ গ্যাস ভর্তি গলায় ঢালিয়া সশব্দে চেয়ারে বসিয়া পড়িলেন, এবং ক্রমালে মুখ মছিয়া বলিলেন, “ব্রিগ্গটনের জেলখানা হইতে আসিতেছি। পল সাইনসেয় যে ছুট অকালকুম্মাণ্ডকে গ্রেপ্তার করিয়াছি—তাহাদের নাম মনে আছে ত?—সেখানে কম ও বাটনের সঙ্গে দেখা করিয়া আসিলাম; কিন্তু কোন ফল হইল না। তাহাদের বাপের সন্ধানে কোন কথা তাহাদের মুখ হইতে বাহির করিতে পারিলাম না।”

মিঃ ব্লেক বলিলেন, “তাহাদের নিকট কিছু জানিতে পারিবে—ইহা আমি বিশ্বাস করি নাই। এতদিনেও উহাদের গোপ্তিকে চিনিতে পার নাই—ইহা বড়ই আশ্চর্যের বিষয় কুটস! যদি উহারা সকলে সুপথে পরিচালিত হইত, তাহা হইলে দেশের কত উপকার করিতে পারিত! কিন্তু উহাদের প্রতিভা দেশের সর্বনাশেই নিয়োজিত হইয়াছে।”

ইন্স্পেক্টর কুটস বলিলেন, “সাইনস্ সমাজের বিরুদ্ধে যুদ্ধ ঘোষণা করিয়াছে। সে শীঘ্রই পুনর্বার অস্ত্র ধারণ করিবে। সে তাহার দুই পুত্রকে জেলখানায় যে পত্র লিখিয়াছে—তাহা কারাধাক্কের নিকট দেখিয়া আসিলাম। সে লিখিয়াছে—আটচল্লিশ ঘণ্টার মধ্যে তাহাদিগকে কারাগার হইতে মুক্তিদান করিবে; এজন্য কর্তৃপক্ষের সহায়তা গ্রহণের প্রয়োজন হইবে না।—তাহার উদ্দেশ্য কি? সে কি কোশলে কম ও বাটনকে স্বাধীনতা দান করিবে, তাহা কি বুঝিতে পারিয়াছ?”

মিঃ ব্লেক সবিস্ময়ে বলিলেন, “সাইনস্ কন্স’ও বাট’নকে কারাগার হইতে উদ্ধার করিতে চাহিয়াছে?—সর্বনাশ!”

ইন্স্পেক্টর কুট্‌স বিরক্তি ভবে বলিলেন, “তাঁহারা মুক্তিলাভ না করিতেই সর্বনাশ! ব্লেক, তুমি দিন দিন ভয়ঙ্কর কাপুরুষ হইতেছ। সাইনস্কে তোমার এত ভয়? আমি তাঁহাকে একবিন্দুও ভয় করি না।”—কুট্‌স সদৃশ গৌর্বে ভা দিতে লাগিলেন।

মিঃ ব্লেক বলিলেন, “তুমি ভয়ঙ্কর সাহসী তাহা কি জানি না? কিন্তু তোমার সাহস, বল’ও কৌশলে কোন ফল হইবে না। কুট্‌স! পল সাইনস্ দাড়া লিখিয়াছে—তাহা করিবেই। তাহার কথাব কখন খেলাপ হয় না—তাহা বোধ হয় অস্বীকার করিবে না। হাঁ, সে কৃতকার্য হইতে না পারিলেও আটচল্লিশ ঘণ্টার মধ্যে কন্স’ও বাট’নকে ব্রিস্কটনের কারাগার হইতে উদ্ধারের চেষ্টা করিবে—এ বিষয়ে আমি নিঃসন্দেহ। সে যে অবিলম্বে পুনর্বার অস্ত্র ধারণ করিবে—তাঁহার প্রমাণ আমিও পাইয়াছি। সে আমাকেও পত্র লিখিয়াছে।”

মিঃ ব্লেক পকেট হইতে একখানি পত্র বাতির কনিয়া ইন্স্পেক্টর কুট্‌সের সম্মুখে নিক্ষেপ করিলেন। সেই পত্রেরও মাথায় নেকডের মুণ্ড অঙ্কিত ছিল; তদ্বিত্ত হস্তাক্ষর দেখিয়াই ইন্স্পেক্টর কুট্‌স বুঝিতে পারিলেন—পত্রখানি সাইনসেরই স্বহস্ত-লিখিত পত্র।

ইন্স্পেক্টর কুট্‌স রুদ্ধ নিশ্বাসে পত্রখানি পাঠ করিলেন। তাহাতে লেখা ছিল,—  
“রবার্ট ব্লেক, আমি লণ্ডন নগরের সমস্ত কাচের আঁস্তা বিলুপ্ত করিবার চেষ্টা করিয়াছিলাম, কিন্তু আমার চেষ্টা সম্পূর্ণরূপে সফল হইবার পূর্বেই তুমি তাহাতে বাধা দিয়াছ, এবং আমার দুই পুত্রকে কারাগারে নিক্ষেপ করিয়াছ। তোমার এই ধৃষ্টতায় আমার সধিক্ষুতা বিলুপ্ত হইয়াছে; আর তুমি আমার দয়ার আশা করিতে পার না। আমি বহুদিন পূর্বেই তোমার প্রাণদণ্ডের পরোয়ানা স্বাক্ষরিত করিতাম; কিন্তু আমার প্রতিজ্ঞা কি ভাবে পূর্ণ করি—তাহা দেখিবার জন্য তোমার জীবিত থাকা প্রয়োজন বুঝি। এখনও তোমার প্রাণদণ্ডের

বিধান করি নাই। তুমি আরও কিছু দিন জীবিত থাকিয়া আমার শক্তির পরিচয় গ্রহণ কর—ইহাই আমার ইচ্ছা। তুমি স্কটল্যান্ড ইয়ার্ডের অকর্ষণ্য কুকুরগুলোকে জানাইতে পার—তাহারা আমাকে ধরিবার চেষ্টা না করিয়া, বে ভাবে সাধারণের অন্তর্ধ্বংস করিতেছে তাহাই করিতে থাকুক, তাহা হইলে তাহাদের সম্বন্ধে বজায় থাকিতেও পারে। আমি একমাত্র তোমাকেই আমার যোগ্য প্রতিদ্বন্দ্বী বোধে সম্মান করি; কিন্তু তোমার ধৃষ্টতা আমার অসহ্য হইয়াছে। আর বার ঘণ্টার মধ্যে তুমি এক ইংলণ্ডের জন-সাধারণ জানিতে পারিবে—পল সাইনস্ তাহাব সঙ্কল্পের ব্যর্থতা ও অপমান সহ্য করিবার পাত্র নহে। আমি এই সময়ের মধ্যেই স্কটল্যান্ড ইয়ার্ড এবং বৃটিশ বিচারপ্রণালীকে সমগ্র সভ্যজগতের নিকট উপহাসাস্পদ করিব। যাহারা আমার জন্ত কষ্ট সহ্য করিয়াছে—তাহাদের আত্মত্যাগ ব্যর্থ হয় নাই, ইহাও অচিরে প্রতিপন্ন হইবে। নেক্‌ড়ে তাহার শাবকগণকে রক্ষা করিবার সামর্থ্য এখনও বঞ্চিত হয় নাই।”

পত্রখানি পাঠ করিয়া ইন্স্পেক্টর কুটস সশব্দে নাক ঝাড়িলেন, তাহার পর ভইস্কির বোতলের দিকে হাত বাড়াইলেন। বোধ হয় পত্রখানি পাঠ করিয়া তিনি কিঞ্চিৎ অবসাদ বোধ করিতেছিলেন।

দ্বিতীয় বার বারুণী-সেবনে মন কিঞ্চিৎ ‘সাঁঙ্গা’ করিয়া ইন্স্পেক্টর কুটস গৌফ-ফুলাইয়া বলিলেন, “পাগল, নেক্‌ড়েটা একদম্ স্ফেপিয়া গিয়াছে! জেলখানা হইতে বাহির হইয়া প্রথমে তাহার মস্তিষ্ক বোধ হয় বিকৃত হয় নাই; কিন্তু এখন আর সে কথা বলা চলে না। স্কট স্যাণ্ডার্সের হত্যার অভিযোগে অবিচারে তাহার কারাদণ্ড হইলে তাহার অন্তায় নিয়্যাতনে সকলেই তাহার প্রতি সহানুভূতি প্রকাশ করিয়াছিল; কিন্তু সে যাহাদিগকে তাহার দণ্ডের জন্ত দায়ী মনে করিয়াছে—তাহাদের প্রত্যেককে অপদস্ত, ক্ষতিগ্রস্ত ও বিধ্বস্ত করিবার জন্ত যেরূপ অত্যাচার উৎপীড়ন আরম্ভ করিয়াছে, তাহা জন-সাধারণের মহা উৎকর্ষা ও বিভীষিকার কারণ হইয়াছে। এখন তাহাকে স্ফাপা কুকুরের মত হত্যা করিবার প্রয়োজন হইয়াছে।—সাইনস্ আবার কি শয়তানী চাল চালাবে বুঝিতে পারিয়াছ কি?”

মিঃ ব্লেক বলিলেন, “তাহা বুঝিতে পারিলে আমরা তাহার কাজে বাধা দেওয়ার চেষ্টা করিতে পারিতাম। তাহার পত্র পাঠ করিয়া তাহার ভবিষ্যৎ কার্য-প্রণালী বুঝিবার উপায় নাই। সে কি কৌশল অবলম্বন করিবে তাহা অনুমান করা অসাধ্য।”

ইন্স্পেক্টর কুটস বলিলেন, “কে একজন ফনীবাজ ব্যবসাদার সাইনসের নাম ব্যবহার করিয়া ব্যবসায়ে দাঁড় মারিবার চেষ্টা করিতেছে!—রাশি রাশি প্র্যাকার্ড ছাপিয়া তাহাতে লিখিয়াছে—“তুমি কি পল সাইনস?”—এ যে কি রকম ব্যবসাদারী ফনী তাহা আমি ঠাহর করিতে পারিতেছি না।”

ইন্স্পেক্টর কুটসের কথা শুনিয়া মিঃ ব্লেক সবিস্ময়ে তাহার মুখের দিকে চাহিলেন, অবিশ্বাস ভরে বলিলেন, “তুমি কি বলিলে? তোমার কথা আমি বুঝিতে পারিলাম না।”

কুটস বলিলেন, “তোমার এখানে আসিতে আসিতে অক্সফোর্ড সার্কাসের কাছে একখানা প্র্যাকার্ড দেখিলাম; ছ’শো লোক পথে দাঁড়াইয়া তা করিয়া সেই প্র্যাকার্ডের দিকে চাহিয়া ছিল। তাহাতে মোটা মোটা হরকে লেখা আছে—“তুমি কি পল সাইনস?”

শ্মিথ বলিল, “হাঁ, এ নূতন রকম বিজ্ঞাপন বটে! বোধ হয় আগামী সপ্তাহে ঐস্থানে বিজ্ঞাপন দেওয়া হইবে—‘যদি তুমি পল সাইনস না হও, তাহা হইলে আমাদের ‘সিংহ-বিক্রম সালসা’ খাও—তাহার স্ত্রায় বিক্রমশালী হইবে।’”

মিঃ ব্লেক বলিলেন, “বিজ্ঞাপনে আর কোনও কথা দেখিলে না? কোন জিনিসের বিজ্ঞাপন তাহা বুঝিতে পার নাই?”

ইন্স্পেক্টর কুটস বলিলেন, “না, তাহা বুঝিবার উপায় নাই। কে পল সাইনস তাহাই যাচাই করিবার বিজ্ঞাপন।—অদ্ভুত বটে!”

মিঃ ব্লেক বলিলেন, “বিজ্ঞাপনের নীচে বিজ্ঞাপনদাতার নাম থাকিবে উচিত। প্র্যাকার্ডখানি দেখিবার জন্য আমার আগ্রহ হইয়াছে। তুমি একটু অপেক্ষা কর, আমি গোবাকটা বদলাইয়া আসি—তোমার সঙ্গে অক্সফোর্ড সার্কাসে গিয়া এই অপকল্প বিজ্ঞাপন দেখিয়া আসিব।”

ইন্স্পেক্টর কুটস বলিলেন, “বেশ, চল। আমার বিশ্বাস, পল সাইনস্‌ আজ্ঞাকারী কি রকম খ্যাতি লাভ করিয়াছে—তালা সকলেরই সুবিদিত ; এই জ্ঞান কোন ব্যবসায়ী বোধ হয় মনে করিয়াছে—বিজ্ঞাপনে তাহার নাম ব্যবহার করিলে সহজেই সে তাহার ব্যবসায় লোকের দৃষ্টি আকৃষ্ট করিতে পারিবে।”

মিঃ ব্লেক বলিলেন, “সাইনস্‌ যে পত্র লিখিয়াছে—উহা পাঠ করিয়া মনে হয়—আর বার ঘণ্টার মধ্যেই জন-সাধারণ উহার সম্বন্ধে আরও অনেক কথা শুনিতে পাইবে। সাইনস্‌ের ভবিষ্যৎ কার্যপ্রণালী লক্ষ্য করিবার আশা করা, আর আয়েয়গিরির ধারে দাঁড়াইয়া তাহার অগ্ন্যুদগমের প্রতীক্ষা করা অনেকটা একই রকম আতঙ্কজনক ! তোমাদের চীফ্‌ কমিশনার এ সম্বন্ধে কোন মন্তব্য প্রকাশ করেন নাই ?”

ইন্স্পেক্টর কুটস বলিলেন, “আমাদের বড় সাহেব যাহা বলিয়াছেন, তাহা তোমার না শুনাই ভাল মনে হয়। আমি তোমাকে এই মাত্র বলিতে পারি যে, যদি সাইনস্‌ শীঘ্র ধরা না পড়ে তাহা হইলে মান বাঁচাইবার জ্ঞান আমাদের অনেককেই ইস্তফানামা দাখিল করিতে হইবে। লণ্ডনের অধিকাংশ বাড়ীর দ্বার জানালা চূর্ণ হইবার পর আমাদের চাকরী বজায় রাখা দায় হইয়া উঠিয়াছে ! শুনিতেছি শীঘ্রই হোম-আফিস হইতে তদন্ত আরম্ভ হইবে। সেই তদন্তের ফল আমাদের কাহারও পক্ষে কল্যাণজনক হইবে বলিয়া ত মনে হয় না।”

স্মিথ বলিল, “কিন্তু হোম-আফিস পুলিশের ঘাড়ে দোষ চাপাইলে কাজটা কি তাহাদের পক্ষে সম্ভব হইবে ? স্কটল্যান্ড ইয়ার্ড কাচ ভাঙ্গা ব্যাপারের তদন্তে যতখানি সাফল্যের পরিচয় দিয়াছে তাহাই কি যথেষ্ট নহে ? সাইনস্‌ যে ভাবে বাধা পাইয়াছে, এবং পুলিশের তাড়া খাইয়া যন্ত্র-পাতি ফেলিয়া পলায়ন করিয়াছে—তাহাতে আশা হয় সে আর কখন ঐরূপ অপকর্মে হস্তক্ষেপ করিতে সাহসী হইবে না।”

মিঃ ব্লেক পরিচ্ছদ পরিবর্তন করিয়া ইন্স্পেক্টর কুটস ও স্মিথকে সঙ্গে লইয়া গৃহত্যাগ করিলেন। ইন্স্পেক্টর কুটস যে গাড়ীতে আসিয়াছিলেন, তাহা তাঁহার প্রতীক্ষায় রাখিয়া তাহার ভাড়া বহন করিবেন, কোন দিন তাঁহার সেইরূপ

অপব্যয়ের অভ্যাস ছিল না। তিনি তাহা পূর্বেই বিদায় করিয়াছিলেন; এজন্য তাঁহাদের তিনজনকেই পদত্বজে চলিতে হইল। তাঁহারা অক্সফোর্ড সার্কাস অভিমুখে অগ্রসর হইলেন বটে, কিন্তু তাঁহাদিগকে তত দূর যাইতে হইল না। তাঁহারা প্রায় তিনশত গজ অগ্রসর হইয়া বহুসংখ্যক পাথককে পথের উপর দলবদ্ধ দেখিতে পাইলেন, তাহারা অদূরবর্তী গৃহপ্রাচীর-সংলগ্ন একখানি প্ল্যাকার্ড পাঠ করিতেছিল। সেই প্ল্যাকার্ডখানির বর্ণণ পীত, এবং তাহার আকার বৃহৎ।— সেই প্ল্যাকার্ডে লালবর্ণ বৃহৎ অক্ষরে লেখা ছিল,—

“তুমি কি পল সাইনস্ ?”

মিঃ ব্লেক কয়েক মিনিট নিনিমেষ নেত্রে সেই প্ল্যাকার্ডখানির দিকে চাহিয়া রহিলেন। কি কারণে বলা যায় না, তাঁহার মন সন্দেহে ও উৎকণ্ঠায় পূর্ণ হইল। সেই পীতবর্ণ প্ল্যাকার্ড তাঁহার মনশ্চক্ষে বিভ্রাটকার সঞ্চার করিল। পল সাইনস্ সেইদিনই তাঁহাকে জানাইয়াছিল—সে পুনর্বার কাধ্যক্ষেত্রে অবতরণ করিবে। যেদিন সে তাহার পুত্রদ্বয়কে কারাগার হইতে উদ্ধারের সঙ্কল্প করিয়াছিল, ঠিক সেইদিনই পীত প্ল্যাকার্ডে তাহার নাম প্রকাশিত হইল; এই উভয় বিষয়ের মধ্যে কোন নিগূঢ় সংস্রব আছে কি না তাহা তিনি বুঝিতে পারিলেন না। পল সাইনস্ই লণ্ডনের জন-সাধারণকে আতঙ্কিতভূত করিবার জন্ত এই প্ল্যাকার্ড বাহির করিয়াছে—ইহা বিশ্বাস করিতে তাহার প্রবৃত্তি হইল না। তিনি জনতা ঠেগিয়া সেই দেওয়ালের সম্মুখে উপস্থিত হইলেন, এবং প্রাচীর-সন্নিবিষ্ট প্ল্যাকার্ডখানি সাবধানে পরীক্ষা করিয়া তাঁহার সঙ্গীদের নিকট প্রত্যাগমন করিলেন।

মিঃ ব্লেক ইন্স্পেক্টর কুটসকে বলিলেন “বিজ্ঞাপন-প্রচারক বিলিংস্ কোম্পানী এই প্ল্যাকার্ড প্রচার করিতেছে। কুটস, এই প্ল্যাকার্ড সম্বন্ধে যাহা কিছু সন্ধান লওয়ার প্রয়োজন—তাহার ব্যবস্থা অবিলম্বেই করিতে হইবে। এই সকল প্ল্যাকার্ড দেখিবার জন্ত যেরূপ জনসমাবেশ হইতেছে (the crowds it is attracting) তাহা আশ্চর্যজনক বলিয়াই মনে হয়; শাস্তিভঙ্গের আশঙ্কা করিতেছি।”

ইন্স্পেক্টর কুটস বলিলেন, “যদি আমাকে এই—কি বলিব, বিজ্ঞাপন না



ইচ্ছিতের—প্রচার বন্ধ করিতে হয়। ( to have it suppressed ) তাহা তাহা হইলে সর্বাপ্রণে আমাকে এই বিজ্ঞাপনের অর্থ আবিষ্কার করিতে হইবে। আমি ত ইহার কোন অর্থ বুঝিতে পারিতেছি না! তুমি আমার সঙ্গে চল, আগেই বিলিংস্ কোম্পানীর কৈফিয়ৎ লওয়া প্রয়োজন।”

তাঁহার রিজেন্ট ক্লীটে উপস্থিত হইবার পূর্বেই পথের ধারে বিভিন্ন স্থানে ঐক্লপ প্র্যাকার্ড আরও কয়েকখানি দেখিতে পাইলেন, সেখানেও বিস্তর লোক দাঁড়াইয়া সেই সকল প্র্যাকার্ড দেখিতেছিল। বিপুল জনসমাগমে সেই সকল স্থানে শকটাদির গমনাগমন বন্ধ হইয়াছিল।

স্মিথ কয়েক পদ অগ্রসর হইয়া মিঃ ব্লেককে বলিল, “কর্তা, ওদিকে ও কি ব্যাপার তাহা দেখিয়াছেন কি? বোধ হয় কোন নূতন কাগজ প্রকাশিত হইবে— তাহারই রাশি রাশি অন্তষ্ঠান-পত্র বিতরিত হইতেছে।”

মিঃ ব্লেক স্মিথের অঙ্গুলি-নির্দেশে পথের অন্য দিকে দৃষ্টিপাত করিয়া দেখিলেন ছয় সাত জন লোক শ্রেণীবদ্ধ হইয়া অদ্ভুত বেশে পথ দিয়া চলিয়া যাইতেছে! তাহাদের বৃকে পিঠে সুদীর্ঘ তক্তার আবরণ; সেই তক্তায় মোটা মোটা অক্ষরে লেখা ছিল :—

“তুমি কি পল সাইনস্ ?

২০০০ পাউণ্ড পুরস্কার !

বিশেষ বিজ্ঞাপন দেখিতে চাহেন ?

‘হৈ-হৈ-রৈ-রৈ কাণ্ড’ দেখুন !

প্রথম সংখ্যা বিক্রয় হইতেছে।”

ইন্স্পেক্টর কুটল বিজ্ঞাপন-শোভিত তক্তার দিকে চাহিয়া উত্তেজিত স্বরে বলিলেন, “আরে বাপের বাড়ী গেল যা! এ আবার কি ব্যাপার? এ কি ক্লীট ক্লীটের নূতন কোন ছদ্মবেশে কাগজের বিজ্ঞাপন? কাগজের নাম ‘হৈ-হৈ-রৈ-রৈ কাণ্ড’!—এ নামের কোন কাগজ আছে—তাহা ত পূর্বে জানিতাম না! হৈ-হৈ-রৈ-রৈ কাণ্ড! হাঁ, নামটা জমকালো বটে; অনেক ছদ্মবেশে চাষাভুষো নগদ ছই পেণা ফেলিবে আর উহা কিনিবে। তাহার উপর ছই হাজার পাউণ্ড

পুরস্কার!—কচু পোড়া খাও! পুরস্কার কেন রে বাপু?”—ইন্স্পেক্টর কুট্‌স সিঁড়রে মেঘ দেখিয়া ঘরপোড়া গরুর অবস্থা প্রাপ্ত হইলেন।

মিঃ ব্লেক হাসিয়া বলিলেন, “পুরস্কার কেন—তাহা যদি জানিতে চাও তাহা হইলে দুই পেণী ফেলিয়া একখানি কাগজ কিনিয়া লও। দুই হাজার পাউণ্ড পুরস্কারের লোভ না দেখাইলে ও কাগজ কি কেহ কিনিত? এক টাকার জিনিস বিক্রয় করিতে তিন টাকার ফাউ উপহার দেওয়া হয়—তাহা কি জান না?—স্মিথ, ঐ কাগজের দোকান হইতে একখান হৈ-হৈ-বৈ-বৈ কাণ্ড কিনিয়া আন।’

স্মিথ দোকানের সম্মুখ হইতে ফিরিয়া আসিয়া বলিল, “আর এক কাপিও নাই কর্তী! গরম গরম ফুলুরীর মত সব উঠিয়া গিয়াছে।” ( they went like hot cakes. )

যাহা হউক, স্মিথ আরও কয়েকখানি দোকানে ঘুরিয়া অবশেষে হলদে মলাটের একখানি পত্রিকা ( yellow covered journal ) কিনিয়া আনিল; সে তাড়াতাড়ি কাগজখানির প্রথম পৃষ্ঠা খুলিয়া পাঠ করিল, এবং মিঃ ব্লেককে বলিল, “কাগজ বিক্রয়ের জন্ত ইহার চমৎকার ফন্দী বাহির করিয়াছে কর্তী! ইহার কুড়িজন লোককে পল সাইনসের মত চেহারায় সজ্জিত করিয়া আজ বেলা বারটা হইতে একটা পর্যন্ত পথে বাহির করিবে, তাহাদের প্রত্যেকের পকেটে একশত পাউণ্ডপূর্ণ এক একট খলি থাকিবে। সেই টাকাগুলি তাহারা পুরস্কার প্রদানের উদ্দেশ্যেই পকেটে রাখিবে।—আপনি এই কাগজ একখানি কিনিয়া-লইয়া তাহাদের সম্মুখে উপস্থিত হইবেন, এবং তাহা ‘একজনের হাতে দিয়া জিজ্ঞাসা করিবেন—‘তুমি কি পল সাইনস?’—যদি আপনি তাহাকে সাইনস বলিয়া মনেহ করেন তাহা হইলে সে তৎক্ষণাৎ আপনাকে পাঁচ পাউণ্ডের একখানি খাসা আনুকোরা নোট বাহির করিয়া দিবে।” ( hand you a nice new five-pound note. )

ইন্স্পেক্টর কুট্‌স সক্রোধে বলিলেন, “কাগজের ব্যবসাটা জম্কাইয়া ভুলিবার জন্ত এ আবার কি রকম কিকির রে বাবা! উহার কোজদারীর আগামী পল সাইনস্কে লইয়া টানাটানি করিতেছে কেন?—কাজটা বে-আইনী, ইহা কি

উহারা বৃথিতে পারিতেছে না? এ রকম চালবাজি সরকার হইতে অবিলম্বে বন্ধ করিয়া দেওয়া উচিত।”

মিঃ ব্লেক বলিলেন, “কিন্তু ঐ যে কাগজ—‘হে-হে-রৈ-রৈ কাণ্ড’—উহার সম্পাদক তোমার সঙ্গে একমত হইবে কি না সন্দেহ, কুটুম!—সে এই সংখ্যাতে আত্ম-সমর্থনের জন্তু যাহা লিখিয়াছে—তাহা অযৌক্তিক নহে। সে বলিতেছে—এই কার্যে পল সাইনসকে গ্রেপ্তার করিবার জন্ত জনসাধারণের উৎসাহ বৃদ্ধি হইবে, এবং সাইনসের চেহারার সহিত তাহাদের বনিষ্ঠ পরিচয় হইবে। তাহারাই এই কার্যে পুলিশকে সাহায্য করিবে, এবং নকলের পরিবর্তে আসল সাইনস একদিন ধরা পড়িতেও পারে। ঝোপে ঝোপে নেকড়ে খুঁজিতে খুঁজিতে কোনও ঝোপে আসল নেকড়ে দেখিতে পাওয়াই সম্ভব। আর যদি সে ধরা পড়িবার ভয়ে বাহিরে না আসে—তাহা হইলে তাহার অত্যাচারের কাশফাও হ্রাস হইবে। কেহই তাহার কথা ভুলিয়া থাকিবে না, এবং যে ব্যক্তি তাহার চেহারার সর্বাপেক্ষা অনুল্লসপ চেহারার লোককে প্রশ্ন করিবে—সে পাঁচ পাউণ্ড পুরস্কার পাইবে; একজ্ঞ তাহার ঠিক চেহারার দিকেই সকলের লক্ষ্য থাকিবে। যে কুড়িজন সাইনস সাজিবে—তাহাদের সকলেরই ছদ্মবেশ নিখুঁত হইবে—ইহা অবশ্যই আশা করা যায় না।”

মিঃ ব্লেক নতমস্তকে কয়েক মিনিট কাগজখানি দেখিয়া পুনর্বার বলিলেন, “এই দেখ ইহারা পল সাইনসের একখানি ফটোও প্রকাশ করিয়াছে;—স্কটল্যান্ড ইয়ার্ড হইতে পল সাইনসের যে ফটো লওয়া হইয়াছিল—ইহা সেই ফটোর অবিকল প্রতিকৃতি।—এই ফটোতে অসাধারণত্ব নাই, এরূপ চেহারার দুই এক ডজন লোককে প্রতিদিন পথ দিয়া যাতায়াত করিতে দেখা যায়।”

ইন্স্পেক্টর কুটুম বলিলেন, “কিন্তু পল সাইনস একজনের অধিক নাই; যদি সাজার লোক তাহার ছদ্মবেশে পথে বাহির হয়—তাহা হইলেও আমি আসল লোকটিকে তাহাদের ভিতর হইতে চিনিয়া বাহির করিতে পারিব। কাগজ-ওয়ালারা যে ফর্দা খাটাইয়াছে তাহা নিতান্ত মন্দ বলিয়া মনে হইতেছে না! পল সাইনস যাহাতে ধরা পড়িতে পারে—এ বিষয়ে পুলিশ ইহা দ্বারা কতকটা সাহায্য পাইবে না কি।”

মিঃ ব্লেক ঈষৎ হাসিয়া বলিলেন, “কিন্তু একটু আগে তুমি অস্ত্র সুর বাহির করিয়াছিলে ! আসল সাইনস্ ইহাদের এই ব্যবস্থায় উপকৃত হইবে বলিয়া কি তোমার মনে হয় না ? পুলিশের কাজ আরও কঠিন হইবে না,—এ কথা কি জোর করিয়া বলিতে পার ?”

ইন্স্পেক্টর কুটল বলিলেন, “তোমার কথার মর্ম ঠিক বুঝিতে পারিলাম না !”

মিঃ ব্লেক বলিলেন, “আমার কথার মর্ম এই যে, পল সাইনসের চেহারার এত লোক লগুনের পথে পথে বিচরণ করিবে যে, আসল সাইনস্ সেই দলে মিশিয়া সরিয়া পড়িলে তাহাকে গ্রেপ্তার করা অসাধ্য হইবে।”

ইন্স্পেক্টর কুটল ভ্রতঙ্গী করিয়া ওষ্ঠ প্রান্ত এ ভাবে কুঞ্চিত করিলেন যে, তাঁহার গোঁফ সজ্জাকর মত, কণ্টকিত হইয়া উঠিল। (his moustache bristled like a hedge-hog.) তিনি অসহজ ভাবে বলিলেন, “বটেই ত, ও কথা আমার মনে হয় নাই; পুলিশ সারাদিনে কতগুলো সাইনস্কে সন্দেহ ক্রমে গ্রেপ্তার করিবে ? তাহাদের কাজ বিস্তর বাড়িয়া যাইবে না ?”

মিঃ ব্লেক বলিলেন, “হাঁ, পুলিশ সারাদিন ‘ঝোপে ঝোপে নেক্‌ড়ে’ দেখিবে, এবং তাহাদিগকে পালে পালে গ্রেপ্তার করিয়া শেষে একপ বিবক্ত ও পরিশ্রান্ত হইবে যে ( they will get so sick and tired of doing it.) আসল সাইনস্ তাহাদের পাশ দিয়া নিরাপদে প্রস্থান করিবে। তাহার প্রতি আর তাহাদের লক্ষ্য থাকিবে না।”

ইন্স্পেক্টর কুটল বলিলেন, “তুমি খুব খাঁটি কথা বলিয়াছ ব্লেক ! এই অহৃত হজুকের সঙ্গে পল সাইনস্ বা তাহার কোন অনুচরের সংশ্রব থাকা কি সম্ভবপর বলিয়া তোমার মনে হয় না ?”

মিঃ ব্লেক বলিলেন, “পল সাইনস্ বা তাহার দলের লোকেরাই কোন ছরভিসন্ধিতে এই নূতন হজুকের সৃষ্টি করিয়াছে—এ কথা নিশ্চিত রূপে বলা কঠিন; তবে এই নূতন কাগজের মালিককে সতর্কভাবে ছুই একটা প্রশ্ন করা অসম্ভব হইবে না। পল সাইনস্কে খুঁজিয়া বাহির করিবার জন্ত এই যে কৌশলপূর্ণ অনুষ্ঠানের অবতারণা হইয়াছে—ইহা রহিত করা কর্তৃপক্ষের কর্তব্য

বলিয়াই আমার মনে হয় কুটস! হৈ-হৈ-বৈ-বৈর কাণ্ডের অহুষ্ঠাতারা তাহাদের কাগজের বিজ্ঞাপন প্রচারের জন্ত ( to advertise the paper ) যে সকল লোককে সাইনসের ছদ্মবেশে সাজাইয়া পথে বাহির করিয়াছে—তাহাদের সকলকে ফিরাইয়া লইবার জন্ত উহাদিগকে বাধ্য করাই উচিত।—উহারা পুলিশের কর্তব্য পালনে বাধা দিতেছে—( obstructing the police in the execution of their duty. ) এই অভিযোগে উহাদের আরও কার্য বন্ধ করিতে পার।—ও আবার কি? কি হইল তোমার?”

মিঃ ব্লেকের কথা শেষ হইবার পূর্বেই ইন্স্পেক্টর কুটস হঠাৎ এভাবে লাকাইয়া উঠিলেন যেন কেহ তাঁহাকে লক্ষ্য করিয়া গুলী করিয়াছিল! তাঁহার দুই চক্ষু যেন অক্ষি-কোটর হইতে ঠেলিয়া বাহির হইল; তিনি উত্তেজিত ভাবে মিঃ ব্লেকের হাত ধরিয়া রুদ্ধশ্বাসে বলিলেন, “ব্লেক, দেখ দেখ! ঐ লোকটা দোকানের জানালার সম্মুখে দাঁড়াইয়া ভিতরের দিকে চাহিয়া আছে—দেখিয়াছ? ঐ লোকটাই আসল পল সাইনস; উহার ছদ্মবেশ যেন সোনার উপর গিল্টি! আমি উহাকে ঠিক চিনিয়াছি।”

## দ্বিতীয় প্রশঙ্গ

### কুট্‌সের ভাগ্যে পাঁচ পাউণ্ড

ইন্স্পেক্টর কুট্‌স দোকানের সম্মুখস্থিত যে লোকটিকে লক্ষ্য করিয়া অঙ্গুলী প্রসারিত করিলেন, মিঃ ব্লেক সন্দিক্ত দৃষ্টিতে সেই লোকটির মুখের দিকে চাহিলেন। দশ বার গজ দূরে একখানি জহরতের দোকান ছিল,—একজন লোক সেই দোকানের সম্মুখে দাঁড়াইয়া জানালাস্থিত জহরতগুলি পরীক্ষা করিতেছিল, তাহার মাথায় রেশমীবস্ত্র-মণ্ডিত টুপি, হাতে গজদস্তুর হাতলের ছাতা, উভয় হস্ত দস্তানায় আবৃত। তাহার মুখে দাঁড়ি গোঁফ ছিল না; মুখ বিবর্ণ; বার্ক্‌ক্যভরে তাহার দেহ জীবৎ কুজ।

তাঁহাকে দেখিয়া মিঃ ব্লেক বিস্মিত ভাবে তাহার মুখের দিকে চাহিয়া রহিলেন। লোকটা যে পল সাইনল্—ইহা তিনিও অবিশ্বাস করিতে পারিলেন না।

স্মিথ বলিল, “কর্তা, উহার মুখ দেখিলেন কি? আপনার কি মনে হইল? আমারও বিশ্বাস—ঐ লোকটাই আসল সাইনল্; ও সাইনল্ ভিন্ন ছদ্মবেশী অন্য লোক নহে।”

ইন্স্পেক্টর কুট্‌স উত্তেজিত স্বরে বলিলেন, “হাঁ, ঐ লোকটাই পল সাইনল্। যদি আমার কথা মিথ্যা হয় তাহা হইলে আমার কান মলিয়া দিও ব্লেক। সেপ্টিমল্ কস্ আজ জেলখানায় আমাকে বলিয়াছিল—পল সাইনল্কে আজ লণ্ডনের পথে ছাটিয়া বেড়াইতে দেখা যাইবে। তাহার এ কথা মিথ্যা নহে। আমি এই মুহূর্ত্তেই পল সাইনল্কে গ্রেপ্তার করিব। তুমি এখানে দাঁড়াইয়া মজা দেখ।”

ইন্স্পেক্টর কুট্‌স শিকারের পশ্চাৎস্বিত ব্যাঘ্রের স্থায় নিঃশব্দ-পদসঞ্চারে পথ পার হইলেন, এবং পুরোঁক্ক লোকটি যেখানে দাঁড়াইয়া ছিল তাহার ঠিক পাশে উপস্থিত হইয়া তীক্ষ্ণদৃষ্টিতে তাহার মুখের দিকে চাহিলেন। সেই

লোকটির দৃষ্টি তখনও জহরতের দোকানের বাতায়নে মগ্নিবদ্ধ। একখানি থালায় কয়েকটি স্বর্ণমণ্ডিত ও হীরক-রত্ন খচিত ঘড়ি (wrist watches) সজ্জিত ছিল; সে কোতুহল ভরে সেই ঘড়িগুলি দেখিতেছিল।

ইন্স্পেক্টর কুট্‌স গ্রেপ্তারের ভঙ্গিতে তাহার স্বন্ধে আচম্বিতে হস্তস্থাপন করিয়া বলিলেন, “রকম কি হে পল সাইনস্? বেশ!”

ইন্স্পেক্টর কুট্‌সের এই সম্ভাষণে লোকটির ললাটের একটি শিরাও কম্পিত হইল না; তাহার মুখে ভয় না বিশ্বয়ের কোন চিহ্ন লক্ষিত হইল না। সে ধীরে ধীরে ইন্স্পেক্টর কুট্‌সের কঠোর গম্ভীর ক্রুর নেত্রের উপর ভাবসংস্পর্শহীন অঞ্চল নীল চক্ষু-তারকা স্থাপিত করিয়া মুহূর্তকাল নিস্তব্ধ থাকিল, তাহার পর তাঁহার হাতেব পীতবর্ণ কাগজখানি লক্ষ্য করিয়া যেন ঈষৎ বিরক্তভরে মাথা নাড়িল, এবং অশ্রুট স্বরে বলিল, “কথাগুলি যে ভাবে আপনার বলা উচিত ছিল—আপনি তাহা সে ভাবে বলেন নাই; আপনি কাগজখানি কিনিয়াছেন, কিন্তু কি ভাবে প্রমাণ করিতে হয়—তাগ কি লক্ষ্য করেন নাই? আপনার জিজ্ঞাসা করা উচিত ছিল—‘তুমি কি পল সাইনস্?’—তাগ জিজ্ঞাসা না করিয়া আপনি বলিলেন, ‘রকম কি হে পল সাইনস্?’—যাগ হউক, আপনি প্রমাণ জিজ্ঞাসায় নিয়মের যে ব্যতিক্রম করিয়াছেন, আপনার এই ক্রটি আমি উপেক্ষা করিতে প্রস্তুত আছি। এতদ্বিন্ন আপনার আরও একটু ক্রটি হইয়াছে; ঐক্লপ প্রশ্ন জিজ্ঞাসার জন্ম যে সময় নির্দিষ্ট হইয়াছে, আপনি সেই সময় পর্যন্ত অপেক্ষা না করিয়াই আপনার ভাগ্য-পরীক্ষায় উদ্বৃত্ত হইয়াছেন।—বারটা বাজিবার পূর্বে আপনার আসা উচিত হয় নাই।”

ইন্স্পেক্টর কুট্‌স তাহার কথা শুনিয়া ও ভাবতন্ত্রি দেখিয়া অধিকতর বিস্মিত হইলেন; লোকটি তৎক্ষণাৎ পকেট হইতে ঘড়ি বাহির করিয়া দেখিল—বারটা বাজিয়া দুই মিনিট অতীত হইয়াছে।—সে ঘড়িটি পকেটে রাখিয়া বলিল, “হাঁ, বারটা বাজিয়া গিয়াছে; সুতরাং আপনি নির্দিষ্ট সময়েই আসিয়াছেন। আমি আনাদের কাগজের পক্ষ হইতে আপনাকে অভিনন্দিত করিতেছি—আপনি এত শীঘ্র আমাকে পল সাইনসের প্রতিনিধি বলিয়া

চিনিতে পারিবেন ইহা আশা করি নাই। আপনার চেষ্টা সফল হইয়াছে, সুতরাং 'হৈ-হৈ-রৈ-রৈ কাণ্ড'র প্রতিশ্রুত পুরস্কার আপনার প্রাপ্য।"

লোকটি পাঁচ পাউণ্ডের একখানি নোট বাহির করিয়া ইন্স্পেক্টর কুটসের মুঠার ভিতর গুঁজিয়া দিল।—কুটস হতবুদ্ধি হইয়া বিস্ফারিত নেত্রে সেই নোটখানির দিকে চাহিয়া রহিলেন।—পল সাইনস্কে গ্রেপ্তার করিতে পারিলে কর্তৃপক্ষের নিকট প্রচুর পুরস্কার লাভের আশা ছিল; ধরা পড়িয়া পল সাইনস্কে তাঁহাকে পাঁচ পাউণ্ড পুরস্কার দিল? অদ্ভুত! অত্যন্ত অদ্ভুত ব্যাপার!

ইন্স্পেক্টর কুটস লোকটির দস্তানা ঢাকা হাতের দিকে চাহিয়া মুহূর্তে নিজের ভ্রম বুঝিতে পারিলেন। তিনি পল সাইনস্ বলিয়া যাঁহাকে গ্রেপ্তার করিতে আসিয়াছিলেন—তাঁহার বাঁ-হাতের ছ'টি আঙ্গুল নাই দেখিলেন। তাঁহার বাম হস্তে তিনটিনাত্র আঙ্গুলী বর্তমান!—এই ব্যক্তি নিশ্চয়ই পল সাইনস্ নহে। সে 'হৈ-হৈ-রৈ-রৈ কাণ্ড' নামক নব-প্রকাশিত পত্রিকার কোন প্রতিনিধি, পল সাইনসের ছদ্মবেশধারী কোন কণ্ঠচাণী। তাহাকে পল সাইনস্ বলিয়া সন্দেহ করা অত্যন্ত লজ্জাজনক ভ্রম—ইহা বুঝিতে পারিয়া ইন্স্পেক্টর কুটস কুণ্ঠিতভাবে বলিলেন, "কি বিড়ম্বনা! আমি ভাবিয়াছিলাম—তুমিই পল সাইনস্!"

লোকটি হাসিয়া বলিল, "তোফা! আমার ছদ্মবেশের ইহা অপেক্ষা উৎকৃষ্টতর প্রশংসাপত্র পাইবার আশা করি নাই দারোগা সাহেব! নুমস্কার!"—লোকটি তৎক্ষণাৎ একখান চলন্ত ব'সে লাফাইয়া উঠিয়া ব'সের আরোহী-গণেব ভিতর বসিয়া পড়িল। ব'সখানি তাহাকে লইয়া পিকাডেলী সার্কাস অভিমুখে ধাবিত হইল।

ইন্স্পেক্টর কুটস হতভম্বভাবে পণের অত্র ধারে মিঃ ব্লেক ও স্মিথের নিকট ফিরিয়া আসিলেন। তাঁহার অপদস্থ ভাব দেখিয়া স্মিথ হাসি চাপিতে না পারিয়া বিকট মুখভঙ্গী করিল; মিঃ ব্লেক হাসিয়া বলিলেন, "আসামী পাকড়াইলে না কুটস?"



ইন্স্পেক্টর কুটস বিব্রতভাবে বলিলেন, “এমন ঝুমঝুমিতেও মানুষ পড়ে ? লোকটা ছদ্মবেশধারণে পাকা ওস্তাদ ! প্রথমে দেখিয়া আমি উহাকে পল সাইনস্ বলিয়াই ভ্রম করিয়াছিলাম,—অবিকল সেই চেহারা !”

মিঃ ব্লেক বলিলেন, “হাঁ, দূর হইতে দেখিয়া উহাকে পল সাইনস্ বলিয়া ভ্রম হওয়া সম্পূর্ণ স্বাভাবিক ; কিন্তু নিকটে গিয়া প্রত্যেক অঙ্গ প্রত্যঙ্গ লক্ষ্য করিয়া দেখিলে ভ্রম বুঝিতে পারা যায় মাইত ; বিশেষতঃ পল সাইনসের বাঁ হাতের কোন আঙ্গুল কাটা ছিল না ।”

স্মিথ বলিল, “আপনার ত আক্ষেপের কারণ কিছুই নাই ; আপনি কাঁকি দিয়া পাঁচ পাউণ্ড পুরস্কার আদায় করিয়াছেন, অথচ যে কাগজ দেখাইয়া নোটখানি পাইলেন, সেই কাগজখানা পর্য্যন্ত আপনাকে কিনিতে হয় নাই ! কাগজখানা লইয়া এবার আমি ভাগ্য পরীক্ষা করিয়া দেখিব । এবার আমার পালা ।” ( It's my turn next. )

ইন্স্পেক্টর কুটস নোটখানি পকেটে ফেলিয়া বলিলেন, “এ টাকায় আমাদের তিনজনের একরাত্রির খানার জোগাড় হইবে ; কিন্তু ব্লেক ! তোমার কথাগুলো খুব সঙ্গত বলিয়াই আমার মনে হইতেছে । ঐ রকম কুড়িজন লোক পল সাইনসের ছদ্মবেশে লণ্ডনের পথে পথে ঘুরিয়া বেড়াইলে লণ্ডনের পুলিশ প্রহরীদের দলে ভয়ঙ্কর বিশৃঙ্খলা উপস্থিত হইবে । এক সাইনসে রক্ষা নাই, এককুড়ি সাইনস্ লণ্ডনের বিভিন্ন পথে ভ্রাম্যমান ! বাপ ! লণ্ডনে শাস্তি শৃঙ্খলা কিছুই বজায় থাকিবে না । উহাদের মতলবের মধ্যে বিলক্ষণ বদমায়েসী আছে—এবিষয়ে আমার আর একটুও সন্দেহ নাই । এই হে-টৈ কাণ্ডের আফিসটা কোন দিকে ?”

স্মিথ কাগজখানি পূর্বেই হস্তগত করিয়াছিল, সে তাহা উন্টাইয়া-পাণ্টাইয়া দেখিয়া বলিল, “এই যে ঠিকানা আছে,—নিউটন ষ্ট্রীট—ষ্ট্র্যাণ্ড ।”

ইন্স্পেক্টর কুটস একখানি ট্যান্ডি ডাকিয়া তাহাতে উঠিয়া বসিলে মিঃ ব্লেক ও স্মিথ তাঁহার পাশে বসিলেন । গাড়ী চলিতে আরম্ভ করিলে স্মিথ বলিল,

“এ রকম ছড়ক অল্প দিনের মধ্যে আপনারা দেখিয়াছেন কি? পণ দিয়া যত লোক যাইতেছে—তাহাদের মধ্যে শতকরা নব্বই জনের হাতে এক একখানি ‘হে-হে-রৈ-রৈ কাণ্ড!’ পল সাইনসের ফটোর সঙ্গে তাহাদের চেহারার বিশ্লেষণ সাধারণ আছে—তাহাদিগকেই উচারা চারি দিক হইতে ঘিরিয়া ফেলিয়া জিজ্ঞাসা করিবে—‘তুমি কি পল সাইনস?’—ঐ দেখুন একজন কনষ্টেবল একজন পথিককে ধরিয়া টানাটানি করিতেছে; অথচ যে কোন অন্ধজনেও বলিতে পারে—  
—ও লোকটা সাইনস নহে।”

মিঃ ব্লেক গম্ভীর ভাবে বসিয়া ধূমপান করিতেছিলেন। তিনি জানিতেন পল সাইনসের চাতুর্য-জাল ভেদ করা অত্যন্ত দুর্লভ ব্যাপার; তাহার ফনী ফিকির সাধারণের ছর্কোধ্য। ‘হে-হে-রৈ-রৈ কাণ্ড’ নামক পত্রিকার বিপুল প্রচারের জন্য যে কৌশল অবলম্বিত হইয়াছিল, তাহার মূলে কোন দুর্ভঙ্গি আছে—ইহা জনসাধারণ বুঝিতে পারিবে না বটে, কিন্তু পল সাইনস কোন গুপ্ত দুর্ভঙ্গি-সন্ধির বশবত্তী হইয়াই নূতন কাগজ প্রচারের ছলে এই ছড়কের সৃষ্টি করিয়াছে; তাহার সঙ্কল্প সিদ্ধ হইলেই কাগজখানির অস্তিত্ব বিলুপ্ত হইবে।—এই সকল কথা চিন্তা করিয়া মিঃ ব্লেক ইন্স্পেক্টর কুটসকে বলিলেন, “পুলিশকে অপদস্থ ও বিভ্রত করিয়া পল সাইনসের স্বাধীনভাবে ও অসঙ্কোচে গমনাগমনের ব্যবস্থা করার জন্য এই কাগজখানির আবির্ভাব! পুলিশ ভ্রমক্রমে একদল লোককে পল সাইনস মনে করিয়া গ্রেপ্তার করিবে; কিন্তু তাহার ফলে তাহাদিগকে অপদস্থ হইতে হইবে। তখন কাহাকেও দেখিয়া সাইনস বলিয়া ধারণা হইলেও পুলিশ তাহাকে গ্রেপ্তার করিয়া চাণ্ডাল্য হওয়া সম্ভব মনে করিবে না। যাচা হউক, এই অদ্ভুত কাগজের সম্পাদকের সঙ্গে একবার দেখা করিয়া তাহার মনের ভাব বুঝিবার চেষ্টা করা যাক। কাজটা তেমন কঠিন হইবে না।”

ইন্স্পেক্টর কুটস বলিলেন, “নিউটন ষ্ট্রিটের একটা পুরাতন অট্টালিকার তেতালায় তাহার আফিস। তাহার আফিসে প্রবেশ করিয়া তাহার সঙ্গে দেখা করা কঠিন হইবে না। আমি ভাবিতেছি—সম্পাদকটি পল সাইনসের আর এক পুত্র নয় ত?”

মিঃ ব্লেক বলিলেন, “তাহা জানিতে বিলম্ব হইবে না ; তবে পল সাইনস্কে ততদূর নিরোধ মনে করিলে তাহার প্রতি অবিচার করা হইবে।”

ঠাঁহার ট্যান্সি হইতে নামিয়া সেই অট্টালিকায় প্রবেশ করিলেন।—তেতালার একটি প্রশস্ত কক্ষে একটি যুবতী একটা ‘টাইপ-রাইটারের’ সম্মুখে বসিয়া ‘খটা-খট’ শব্দে একখানি চিঠি ‘টাইপ’ করিতেছিল। সেই কক্ষের এক কোণে একটি বালক কতকগুলি লেফাপা আঁটিতেছিল ; এবং তাহার কিছু দূরে একটি দীর্ঘদেহ যুবক একখানি টেবিলের কাছে বসিয়া, কানে পেন্সিল গুঁজিয়া পক্ষ দেখিতেছিল। টেবিলখানি নানা প্রকার কাগজ-পত্রে আচ্ছন্ন। মিঃ ব্লেক তাহাকে দেখিয়াই বুঝিতে পারিলেন—যুবকটি ইংরাজ নহে, মার্কিন মূলকের আমদানী !

যুবকটি ইন্স্পেক্টর কুটসেব মুখের দিকে চাহিয়া থন্থনে আওয়াজে বলিল, “ওয়াল্ ! অচেনা মহাশয়েরা কি আমার সঙ্গে দেখা করিতে আসিয়াছেন !”

ইন্স্পেক্টর কুটস বলিলেন, “আমি—কি বলে—‘হৈ-হৈ-রৈ-রৈ’ কাণ্ড’ নামক নতন ছড়কে কাগজের—ওর নাম কি—সম্পাদকের দর্শনপ্রার্থী।”

যুবক বলিল, “সম্পাদকের দর্শনপ্রার্থী ? ঠাঁহার দর্শন লাভ হুঁট নহে, যেহেতু ‘অহং’ সেই ব্যক্তি—অর্থাৎ সম্পাদক, এবং আমার নাম কেনী—মিল্ট-ই কেনী।—জানিলেন ত আমিই সম্পাদক ; এখন বলুন আমাকে দেখিতে আসিবার কারণ কি ? তাহার পর আস্তে আস্তে খসিয়া পড়ুন, কারণ আজ এখন পর্যন্ত সম্পাদকীয় স্তম্ভটি—”

ইন্স্পেক্টর কুটস সরোষে বলিলেন, “তোমার সম্পাদকীয় স্তম্ভ চলোয় যাক্ । তুমি সম্পাদক, তোমাদের কাগজের মালিক কে ?”

যুবক বলিল, “স্বত্বাধিকারী কে, তাহাও জানিতে চান ?—আপনার কোতূহল যে—ওর নাম কি—বেজায় রকম বেশী ! তা আপনার এই কামনা পূর্ণ করিতেও আমার আপত্তি নাই ; আমি মিল্ট-ই কেনী এই কাগজের সম্পাদক এবং স্বত্বাধিকারী।—একাধারে আমিই সব।”

ইন্স্পেক্টর কুটস বলিলেন, “আমি একজন পুলিশ অফিসার। আমার এখানে আসিবার কারণ—”

কেনী কাগজ কাটিবার নিকেলের লম্বা ছুরীখানি তাড়াতাড়ি টেবিল হইতে তুলিয়া লইয়া, ইন্স্পেক্টর কুটসের কথায় বাধা দিয়া বলিল, “তবে কি আমার আর একজন অমুচরও পুলিশের মুঠার ভিতর পড়িয়াছে? পল সাইনস্কে লইয়া আমরা যে চালটি চালিয়াছি, তাহাতে আমাদের কাগজ সত্যই চারি দিকে হৈ-হৈ-রৈ-রৈ কাণ্ড উপস্থিত করিয়াছে। এ বড়ই সু-সংবাদ! কিন্তু গত আধ ঘণ্টা হইতে পুলিশের কাছে কৈফিয়ৎ দিতে দিতে আমি যে লবেজান হইলাম দারোগা সাহেব!—ফোন মুখে লইয়া কেবলই আমাকে জবাবদিহি করিতে হইতেছে আমি বলিয়াছি—পল সাইনস্ আমাদের আকিসে চাকরীতে বাহাল হয় নাই; কোন দিন সে আমাদের চাকর ছিল না—সম্পাদকীয় বিভাগেও নয়, বিজ্ঞাপন বিভাগেও নয়। পুলিশ দেখিতেছে—তাহার মত চেহারার লোককে সাইনস্ সন্দেহে ধরিলেই তাহার নিকট হইতে পাঁচ পাউণ্ডের নোট বকশিস্ মিলিতেছে! কিন্তু সাইনসের সহিত তাহাদের চেহারার সাদৃশ্য থাকিলেও তাহাদের একজনও পল সাইনস্ নহে। কাগজখানাকে দাঁড় করাইবার জন্ত যে ফিকির খাটাইয়াছি—তাঁহা সফল হইয়াছে দেখিতেছি;—চারি দিকে সত্যই ‘হৈ-হৈ-রৈ-রৈ কাণ্ড’ আরম্ভ হইয়াছে বটে!”

ইন্স্পেক্টর কুটস গম্ভীর স্বরে বলিলেন, “হাঁ, তা’ হইয়াছে বটে; কিন্তু আমি তোমাকে একটু সতর্ক করিতে আসিয়াছি। যদি তুমি পল সাইনস্কে লইয়! এই রকম হৈ-হৈ-রৈ-রৈ কাণ্ড চালাইতে থাক—তাহা হইলে তোমাকে বিনয় বিপদে পড়িতে হইবে। (you’re going to get yourself into serious trouble.) আমরা তোমাকে সদলে গ্রেপ্তার করিয়া চালান দিব; তোমরা পথে অবৈধ জনতা ঘটাইয়া শাস্তিভঙ্গ ও দাঙ্গার সূচনা করিতেছ বলিয়া অভিযুক্ত হইবে। তোমাদের কার্যে রাজপথে সাধারণের গমনাগমন বন্ধ হইতেছে। একজ্ঞ আমরা বন্ধুভাবে তোমাকে সতর্ক করিতে আসিয়াছি। যদি তোমার ঘটে এক বিন্দু বৃদ্ধি থাকে, তাহা হইলে আমার উপদেশে তুমি কর্ণপাত করিবে।”

ইন্স্পেক্টর কুটসের কথা শুনিয়া সম্পাদক-প্রবরের চক্ষুতে যেন প্রতিধ্বন্দিতাব ভাব পরিস্ফুট হইল। সে যে কাগজ-কাটা ছুরীখানি হাতে লইয়া আন্দোলিত

করিতে করিতে ইনস্পেক্টর কুটসের কথাগুলি শুনিতেছিল—সেই ছুরী সে ক্রোধ ভরে ঘুরে নিক্ষেপ করিয়া উত্তেজিত স্বরে বলিল, “কি! কি বলিলে? তোমার উপদেশে আমাকে কর্ণপাত করিতে হইবে? আমি যে বিজ্ঞাপনের মাথাযো আমার কাগজখানিকে জাঁকাইয়া তুলিতেছি, যেরূপ চটকদার বিজ্ঞাপন এই স্লীট স্ট্রীটের কোন সম্পাদকের মাথায় গত কুড়ি বৎসরের মধ্যে স্থান পায় নাই; সেই বিজ্ঞাপন আমি তোমার ভাড়ায় বন্দ করিব? তুমি আমাকে ভয় দেখাইতে আসিয়াছ দারোগা সাহেব? আমি তোমার হুমকীতে ভয় পাইব?”

মিঃ ব্লেক বলিলেন “হাঁ, বিজ্ঞাপন-প্রচারের কৌশলটা খুব চটকদার বটে, বিলক্ষণ ফন্দীপূর্ণ, ইগাও স্বীকার করিতে হইবে; কিন্তু এই ফন্দীটা কি তোমার মাথা হইতে বাহির হইয়াছে—না কেহ তোমাকে ইহা শিখাটয়া দিয়াছে?”

সম্পাদক বলিল, “হাঁ, আলবৎ আমার মাথায় গজাইয়াছে।—বিজ্ঞাপনের কৌশলে কাগজগুলো কি ভাবে বিক্রয় হইতেছে তাহা কি তুমি দেখিতে পাইতেছ না? কাল সকালে আমি কুড়ি লাখ কাগজ বিক্রয়ের আশা করিতেছি। এক্সপ অবার্থ ফন্দী আমি আর কাহারও নিকট হইতে ধার করিয়াছি—ইহাই কি তোমাদের বিশ্বাস?”

ইনস্পেক্টর কুটস কোন কথা না বলিয়া নতমস্তকে মিঃ ব্লেকের পায়ের দিকে চাহিলেন। তিনি দেখিলেন—সম্পাদক-নিষ্কিণ্ড কাগজ-কাটা নিকেলের ছুরী-খানা মিঃ ব্লেক ঘেবোর উপর হইতে তাড়াতাড়ি কুড়াইয়া লইয়া জুতার শুকতলার উপর রাখিলেন, তাহার পর জুতা পরিয়া কিতা বাঁধিলেন।

মিঃ ব্লেক চেয়ারে সোজা হইয়া বসিয়া বলিলেন, “এক্সপ অবার্থ ফন্দী তুমি আর কাহারও নিকট লাভ করিয়াছ কি না তাহা তুমি ত নিজেই জান; তবে যদি আমাদের বিশ্বাসের কথা শুনিবার জন্ত তোমার আগ্রহ হইয়া থাকে—তাহা হইলে তাহাও তোমাকে বলিতে বাধা নাই। আমাদের বিশ্বাস, এই ফন্দীটি তুমি চতুর-চুড়ামণি পল সাইনসের নিকট লাভ করিয়াছ।”

মুহূর্ত্তের জন্ত সম্পাদকের চক্ষুতে উষ্মের চিহ্ন পরিস্ফুট হইল; কিন্তু সে তৎক্ষণাৎ অবজ্ঞাভরে বলিল, “কে জানিত যে তোমরা এ রকম নিরেট! সাইনস

সাহায্যে সহজে ধরা পড়ে—এই উদ্দেশ্যেই আমি পুলিশকে ষাণ্মাধ্য সাহায্য করিতেছি ; আর তুমি আমাকেই তাহার দলের লোক ভাবিয়া সন্দেহ করিতেছ, আবার ভয়ও দেখাইতেছ ! পুলিশের অপার মহিমা !”

মিঃ ব্লেক সহজ স্বরে বলিলেন, “তুমি বাজে কথায় আমাদিগকে ভুলাইতে পারিবে না। তুমি যে প্রণালীতে কাজ করিতেছ—ইহাতে সাইনসের অপকার না হইয়া উপকার হইবে, এবং পুলিশ যথেষ্ট অসুবিধা ভোগ করিবে ; সাইনসকে গ্রেপ্তার করা তাহাদের অসাধ্য হইয়া উঠিবে।”

মিঃ ব্লেক তীক্ষ্ণদৃষ্টিতে কেনীর হাতের দিকে চাহিয়া রহিলেন ; তিনি ষাণ্মাধ্যকে সাইনসের দলভুক্ত বলিয়া সন্দেহ করিতেন, তাহাদের প্রত্যেকের হাত দেখিবার চেষ্টা করিতেন। কারণ তিনি জানিতেন—সাইনসের প্রত্যেক পুত্রের বামহস্তে উকীলদ্বারা নেকড়েঃ মস্তক অঙ্কিত আছে। বিশেষতঃ, পল সাইনসের জীবিতবিশিষ্ট পুত্রেরা কোথায় কি ভাবে বাস করিতেছিল—তাহা তিনি জানিতেন না।

মিঃ ব্লেক সম্পাদকের হাতে উকী-চিহ্নের সন্ধান পাইলেন না। সুতরাং সে পল সাইনসের পুত্র নহে বলিয়াই তাহার ধারণা হইল। কিন্তু সে মিঃ ব্লেকের কথাগুলি শুনিয়া নীরব রহিল দেখিয়া ইন্স্পেক্টর কুটস বিচলিত স্বরে বলিলেন, “হুম ! আমার বন্ধুর কথা তোমার বোধ হয় ভাল লাগিল না ; বোবার শত্রু নাই ভারিমা মুখ বুজিয়া বসিয়া আছে ! কিন্তু আমি তোমাকে বলিয়া যাইতেছি—বদি তুমি ঐ রকম ইত্তাহার বন্ধ না কর—ঐ ভাবে পল সাইনসের পলায়নে সাহায্য কর—তাহা হইলে আমরা আইনের সাহায্যে তোমার বুদ্ধকণ্ঠ বন্ধ করিয়া দিব। তোমাদের কোন অনুচরকে পল সাইনস সাজাইয়া পথে আর বাহির করিতে পারিবে না।”

সম্পাদক বলিল, “তোমার এই হুকুমই বল, আর অসুরোধই বল—আমি সম্পূর্ণ অগ্রাহ্য করিলাম ; আমি আমার কাগজের প্রচার বৃদ্ধির জন্য যে উপায় অবলম্বন করিয়াছি তাহা বে-আইনিও নয়, অসঙ্গতও নয়। আমার কার্য-প্রণালী সম্পূর্ণ বৈধ। তোমাদের কোন কোন প্রধান সংবাদ-পত্র এই প্রণালীতে পসার

জমকাইয়া আজ প্রচুর অর্থ ও মান সম্বলের অধিকারী হইয়াছে। যদি এই ব্যাপার লইয়া কোন বিভ্রাট ঘটে বা শাস্তিভঙ্গ হয়, তাহা হইলে এই দারোগা আর মিঃ ব্লেক তুমিও সে জন্ত দায়ী হইবে।”

মিঃ ব্লেক বলিলেন, “আমাকে কি তুমি চেন?”

সম্পাদক বলিল, “ইংলণ্ডের শ্রেষ্ঠ ডিটেক্টিভ রবার্ট ব্লেকে যে না চেনে—লণ্ডনে সংবাদ-পত্রের সম্পাদকতা করা তাহার পক্ষে বিড়ম্বনা মাত্র। হাঁ, ইংলণ্ডের সকল সম্পাদকই রবার্ট ব্লেকে চেনে। আমরা তোমার নিকট পল সাইনসের হুঃসাঃস সন্মুখে একটি প্রবন্ধ পাইবার আশা করিতে পারি কি?—প্রবন্ধটিতে এক হাজারের অধিক শব্দ থাকিবে না। তাহার জন্ত কত টাকা পারিশ্রমিক—”

ইন্স্পেক্টর কুট্‌স সক্রোধে বলিলেন, “তোমার কাগজে আমরা প্রবন্ধ লিখিব! তোমার স্পর্ধা ত অল্প নয়! আমরা এখন চলিলাম; কিন্তু স্মরণ রাখিও—এই ভাবে তোমার কাগজের বিজ্ঞাপন-প্রচার বন্ধ না করিলে তোমার বিপদ অনিবার্য। আমি তোমার দলের প্রত্যেক লোককে গ্রেপ্তার করিবার ব্যবস্থা করিব, এবং তুমি যে ভাবে বিজ্ঞাপন প্রচার করিতেছ—ই ভাবে বিজ্ঞাপন প্রচার বন্ধ করিবার জন্ত কর্তৃপক্ষের আদেশ গ্রহণ করিব।”

সম্পাদক বলিল, “তোমার যাহা সাধ্য করিও; আমাকে ওভাবে ভয় দেখাইয়া কোন ফল হইবে না। চালবাজি ছাড়িয়া দিয়া হুই একখান কাগজ কির্নিয়া একবার নিজেদের ভাগ্য পরীক্ষা করিয়া দেখ,—পাঁচ পাঁচ পাউণ্ড লাভ হইতেও পারে। আমরা হুই হাজার পাউণ্ড পুরস্কার ঘোষণা করিয়াছি—তাহা বোধ হয় বিজ্ঞাপনেই দেখিয়াছ।”

ইন্স্পেক্টর কুট্‌স সক্রোধে বলিলেন, “হাঁ, দেখিয়াছি; তোমাদের এই ছুয়াচুরী ও ধাপ্লাবাজি আমি আজই বন্ধ করিয়া দিব।”

ইন্স্পেক্টর কুট্‌স সবেগে সম্পাদকের অফিস পরিত্যাগ করিয়া পথে আসিলেন এবং মিঃ ব্লেকে বলিলেন, “বড় সাহেবের সঙ্গে পরামর্শ না করিলে চলিতেছে না ব্লেক! এই ইয়াক্টিটা সম্পাদক বলিয়া নিজের পরিচয় দিল। লোকটাকে তুমি চেন কি?”





পুরস্কার লইতে হইলে আজকার 'হে-হে-রৈ-রৈ কাণ্ড' দেখাইতে হইবে, সেই কাগজখানি তোমার বাহির করা উচিত ছিল।"

ইন্স্পেক্টর কুটন পকেট হাতড়াইয়া কাগজ পাইলেন না, তিনি ক্ষুব্ধে বলিলেন, "কাগজখানি আনিতে ভুলিয়া গিয়াছি।"

তিনি কাগজখানি শ্মিথের অশুরোধে তাহাকে দেখিতে দিয়াছিলেন। শ্মিথ তাহা লইয়া ট্যান্ডিতে উঠিয়াছিল; কিন্তু ট্যান্ডি হইতে নামিবার সময় তাহা সঙ্গে লইতে সে ভুলিয়া গিয়াছিল।

আগন্তুক বলিল, "তোমার হুঁভাগ্য! আজকার তারিখের কাগজ দেখাইতে না পারিলে তুমি পাঁচ পাউণ্ড পুরস্কার পাইবে না। তোমার প্রশ্ন অসঙ্গত হয় নাই, কিন্তু কাগজের অভাবে পুরস্কারে বঞ্চিত হইলে; আশা করি ভবিষ্যতে তোমার ভাগ্যে পুরস্কার মিলিবে।"

লোকটা পাশ কাটাইয়া তৎক্ষণাৎ চলিয়া গেল। ইন্স্পেক্টর কুটন ক্ষুব্ধভাবে মিং ব্লেকের মুখের দিকে চাহিয়া মাথা নাড়িলেন।

শ্মিথ মুগ্ধভঙ্গি করিয়া বলিল, "বুদ্ধির দোষে পাঁচ পাউণ্ড হাতছাড়া হইল!"

মিং ব্লেক গম্ভীর স্বরে বলিলেন, "কিন্তু আসল কি নকল তাহা ঠাহর হইল না!"

## তৃতীয় প্রসঙ্গ

### পিতার আদেশ

পল সাইনস্ নদীতীরবর্তী পথ ধরিয়া চেয়ারিংক্রেশ অভিমুখে চলিতে লাগিল ; সে তীক্ষ্ণ দৃষ্টিতে চারি দিকে চাহিতেছিল ; সাকল্য-গর্কের হাসি তাহার মুখে কুটিয়া উঠিয়াছিল ।

মিঃ ব্লেকের শ্রায় মহাশয়ের শ্রেনদৃষ্টিকে প্রতারিত করিবার উদ্দেশে (in order to deceive the eagle-eye of his deadly enemy.) সে ছদ্মবেশ ধারণের সময় কয়েকটি সঙ্গ প্রক্রিয়ায় স্বাভাবিক চেহারার কিছু কিছু পরিবর্তন করিয়াছিল । সে গালের ভিতর রবারের পুঁটুলি (rubber pads) পুরিয়া দিয়াছিল, এবং একপাটা বৃহদাকার কৃত্রিম দন্তও ব্যবহার করিয়াছিল । সে দক্ষিণ দিকেব চুয়ালের উপর চক্কিঘারা একটি লাল এঁচুলি নির্মাণ করিয়াছিল । স্মরণ্য তাহাকে দেখিয়া মিঃ ব্লেকের মনে যে সন্দেহের উদ্বেক হইয়াছিল, তাহা হঠাৎ দূর হইল না ; সে আসল কি জাল সাইনস্ তাহা তিনি স্থির করিতে পারিলেন না ।

সাইনস্ ট্রাফালগার স্কোয়ারে উপস্থিত হইবার পূর্বে ছইজন লোক পর পর তাহার গতিরোধ করিল, এবং কাগজ দেখাইয়া বলিল, “তুমি কি পল সাইনস্ ?”— সে ছইবার সংবাদ-পত্রের নিয়োগ-চিহ্ন দেখাইয়া ও প্রত্যেককে পাঁচ পাউণ্ডের নোট পুরস্কার দিয়া মুক্তিলাভ করিল । অবশেষে নীল পরিচ্ছদধারী একজন পালশম্যান তাহার সম্মুখে আসিয়া গতিরোধ করিল, এবং তাহার মুখের দিকে চাহিয়া সান্দ্র স্বরে বলিল, “মহাশয় আমার ধৃষ্টতা মাফ করিবেন, কিন্তু—”

পল সাইনস্ তাহাকে কথা শেষ করিতে না দিয়া বলিল, “দেখ কনষ্টেবল, আজ সকাল হইতে পর পর ছয়বার আমাকে গ্রেপ্তার করা হইয়াছে ; কিন্তু এই দেখ আমার চাকরীর চিহ্ন । ইহা দেখাইয়া প্রত্যেক বার আমি মুক্তিলাভ

করিয়াছি। ব্যাপারটা এখন অত্যন্ত একঘেয়ে হইয়া উঠিয়াছে। এখন বেলা একটা বাজে, আমার কাছে আর একখানি মাত্র পাঁচ পাউণ্ডের নোট অবশিষ্ট আছে; তোমার কাছে যদি আজকার এক কাপি 'হে-হে-রৈ-রৈ কাণ্ড' থাকে, তাহা তুমি দেখাইতে পারিলেই তোমার প্রশ্নের উত্তর পাইবে।”

কন্টেবল তৎক্ষণাৎ পকেটে হাত পুরিয়া হৃদে মলাটের একখানি কাগজ বাহির করিল; পল সাইনস্ সেই কাগজখানি দেখিয়া, তাহার হাতে পাঁচ পাউণ্ডের একখানি নোট স্তম্ভিত হইল, এবং হাসিয়া বলিল, “হে-হে-রৈ-রৈ কাণ্ডের সম্পাদকের সম্মান উপহার গ্রহণ কর।”

কন্টেবলটা আনন্দে অভিভূত হইয়া হা' করিয়া সেই নোটখানি দেখিতে লাগিল; খবরের কাগজ দেখাইতেই পাঁচ পাউণ্ড বকশিস্ দিগিল, ইহা কি অল্প ভাগ্যের কথা!—পল সাইনস্ তাহাকে সেই অবস্থায় ফেলিয়া দূরে প্রস্থান করিল।

পল সাইনস্ অদৃশ্য হইলে কন্টেবলটা নোটখানি পকেটে ফেলিয়া বলিল, “কি সৌভাগ্য! ছই পেণীর কাগজ দেখাইলেই যদি পাঁচ পাউণ্ড পাওয়া যায়— তাহা হইলে আমি এই কাগজ কিনিবার জন্য প্রত্যহ ছই পেণী খরচ করিতে রাজী আছি; কিন্তু দুঃখের বিষয় এই যে, লোকটা আসল পল সাইনস্ নয়। সে আসল পল সাইনস্ হইলে আমি তাহাকে গ্রেপ্তার করিয়া এ রকম শত শত পাঁচ পাউণ্ডের নোট বকশিস্ পাইতাম!”

পল সাইনস্ আরও কিছু দূরে গিয়া একটা সিগারেট ধরাইয়া লইল, এবং ধূমপান করিতে করিতে মনে মনে বলিল, “অতি চমৎকার কৌশল খাটাইয়াছি! বিপদের আশঙ্কা অল্প ছিল না; কিন্তু সে ধাক্কা সামলাইতে পারিয়াছি। ইন্স্পেক্টর কুটস ও গোয়েন্দা ব্রেক—হ'জনেবই চোখে ধূলা দিয়াছি। স্কটল্যান্ড ইয়ার্ড একদল নির্বোধের আড্ডা! (Scotland Yard is a hot-bed of fools.) আমার মনে হয় উহাদের অজ্ঞতা ও নিরুদ্ভিতা (ignorance and stupidity.) জনসাধারণকে বুঝাইবার জন্য এইভাবে চেষ্টা করা আমার সময়ের অপব্যয় মাত্র। আজ রাতটুকু কাটিবার পর রাজধানীর সমগ্র পুলিশ-

বাহিনী সমস্ত পৃথিবীর নিকট হাত্ত্যাম্পদ হইবে, ( will be the laughing-stock of the world ) এবং পল সাইনসের নাম প্রত্যেকেরই মুখে শুনিতে পাওয়া যাইবে।”

মুহূর্তের জন্ত পল সাইনসের চক্ষু ক্রোধে অস্বাভাবিক উজ্জ্বল হইল ; কিন্তু সে মানসিক উত্তেজনা দমন করিয়া ঘড়ির দিকে দৃষ্টিপাত করিল। তখন বেলা একটার পর পাঁচ মিনিট অতীত হইয়াছিল। সে ভ্রু কুঞ্চিত করিল। পল সাইনস্ জানিত—এক মুহূর্তের বিলম্বে তাহার জীবনের গতি পরিবর্তিত হইতে পারে।

ঘণ্টায় দশ মাইল বেগে চলিতে চলিতে একখানি ট্যান্ড্রি পল সাইনসের সম্মুখে আসিয়া থামিল। শকট-চালক পথের চারি দিকে দৃষ্টিপাত করিয়া সাইনস্ ভিন্ন অন্য কাহাকেও সেই পথে দেখিতে পাইল না ; তখন সে গাড়ী হইতে নাথা বাড়াইয়া সাইনসের মুখের দিকে চাহিল। সাইনস্ পথের কোন দিকে দৃষ্টিপাত না করিয়া সেই গাড়ীর দরজা খুলিয়া ভিতরে প্রবেশ করিল।

শকটচালক তৎক্ষণাৎ তাহার গন্তব্য পথে ধাবিত হইল। পল সাইনস্ গাড়ীর ভিতর বসিয়া নব বেশে সজ্জিত হইল ; অবশেষে গাড়ী যখন বার্কিংহাম প্রাসাদের দেউড়ীর ভিতর প্রবেশ করিল—তখন পল সাইনসের কোট ও টুপি উভয়ই পরিবর্তিত হইল ; তাহার মাথার পাকা চুলের উপর লম্বা পরচুলা কালো চুলের নিশান উড়াইতে লাগিল, এবং তাহার নাকের উগায় সোনা-বাঁধান চশমার আবির্ভাব হইল। মুহূর্ত-পরে তাহার অধরের নীচে ( beneath the lower lip ) একদলা দাড়ি এরূপ ভঙ্গিতে আঁটিয়া বাসল যে, সাইনস্ তখন সম্পূর্ণ বিাভিন্ন ব্যক্তি ;—তাহাকে পল সাইনস্ বলিয়া চিনিবার কোন উপায় রহিল না !

পল সাইনস্ এই নূতন ছদ্মবেশে ট্যান্ড্রিতে বসিয়া সংবাদ-পত্র পাঠ করিতে লাগিল ; তাহাকে দেখিয়া ইংরাজ বলিয়া বুঝিবার উপায় ছিল না। ট্যান্ড্রি তাহাকে লইয়া নানা পথ ঘুরিয়া অবশেষে একটি হোমনিমিত্ত ফটকের ভিতর প্রবেশ করিল। তাহার সম্মুখেই কাচের ছাদবিশিষ্ট একটি প্রশস্ত অট্টালিকা। অট্টালিকার দ্বারে একখানি সাইন-বোর্ডে লেখা ছিল :—

“হুইফট্‌ সিওর মোটর ক্যাব কোম্পানী ।

দিবা রাত্রি মোটর-গাড়ী ভাড়া পাওয়া যায় ।”

প্রকাশ গ্যারেজ ; গ্যারেজের ভিতর বহুসংখ্যক শকট সংস্থাপিত । পল সাইনস্‌ যে গাড়ীতে এই গ্যারেজে প্রবেশ করিল—সেই গাড়ীখানি মার্টার নীচে বিদ্যুতালোকিত একটি কক্ষে প্রবেশ করিল । সেই কক্ষে অনেকগুলি শকট শ্রেণীবদ্ধ ভাবে সজ্জিত ছিল । তাহাদের এক পাশে একখানি ভাঙ্গা গাড়ী ; ছুইক্লন মিস্ত্রী সেই গাড়ীখানি নিবষ্ট চিত্তে মেরামত করিতেছিল । তাহার পল সাইনসের দিকে একবারও ফিরিয়া চাহিল না । পল সাইনস্‌ গাড়ী হইতে নামিয়া হল-ঘরের ভিতর দিবা কিছু দূরে চলিয়া গেল । সেই কক্ষের দেওয়ালে একটি ‘সো-কেস’ সংস্থাপিত ছিল ; তাহার সম্মুখভাগ কাচ-নির্মিত । সেই ‘সো-কেসে’ মোটর-গাড়ীর টাংকার, টিউব, বর্ণ, ল্যাম্প প্রভৃতি বিভিন্ন উপাদান পরিপাটীরূপে সজ্জিত ছিল ।

পল সাইনস্‌ তাহার কাঠনির্মিত ফ্রেমের এক অংশ স্পর্শ করিয়া একটি ক্ষুদ্র বোতামে আঙ্গুলের খোঁচা দিল ; তৎক্ষণাৎ সেই ‘সো-কেস’ তাহার কেন্দ্রস্থিত দণ্ডের উপর আবর্তিত হইল । (revolved on a central pivot) সঙ্গে সঙ্গে একটি গুপ্তদ্বার বাহির হইয়া পড়িল । পল সাইনস্‌ সেই দ্বারের ভিতর প্রবেশ করিয়া তৎক্ষণাৎ তাহা রুদ্ধ করিল ; তৎক্ষণাৎ তাহার সম্মুখে একটি চৌকা হল-ঘর বিদ্যুতালোকে উদ্ভাসিত হইল । সেই হল-ঘরের চতুর্দিকে দ্বার ; সেই সকল দ্বার দিয়া বাহিরে যাওয়া যাইত ।

পল সাইনস্‌ সেই হল-ঘরে একটি ভূতাকে কাঠপুস্তালিকার স্তায় স্থির ভাবে দণ্ডায়মান দেখিয়া কোট ও টুপি খুলিয়া তাহার হাতে দিল, তাহার পর মাথা হইতে লম্বা কাল পরচূলা খুলিয়া ফেলিয়া একটি দ্বার দিয়া অল্প কক্ষে প্রবেশ করিল । সেই কক্ষটি উক্ত হল-ঘরের সম্মুখে অবস্থিত । গ্যারেজটি দেখিলে অসাধারণ বলিয়া মনে হইত না, এবং তাহার নীচে এই সকল গুপ্ত কক্ষ ছিল তাহাও বুঝিবার উপায় ছিল না । সেখানে কয়েকটি ‘ফায়ার-প্রুফ্‌ ট্যাঙ্ক’ ছিল, তাহা পেট্রলে এবং মোটরে ব্যবহারোপযোগী তৈলে পূর্ণ ছিল । সেই কক্ষে যে

সকল ল্যাম্পা যুলিতেছিল, তাহা হইতে আলোক-রশ্মি নিঃসৃত হইয়া চতুর্দিক উদ্ভাসিত করিতেছিল। লণ্ডনের পার্ক লেনে কোন কোটীপতির বাসভবন যেরূপ মূল্যবান আসবাব-পত্রে সুসজ্জিত, পল সাইনসের এই বাস-কক্ষও সেই ভাবে সুসজ্জিত। সেই কক্ষেব প্রত্যেক দেওয়ালে মূল্যবান চিত্রসমূহ শোভা পাইতেছিল; এতস্তিম্ন বিজ্ঞান ও রসায়ন-সংক্রান্ত অনেক ছন্দিত গ্রন্থরাজিতে বাস্তব আলমারি পরিপূর্ণ ছিল; সম্মুখে বিদ্যাত্মকোচিত একটি সেলফের উপর ব্রোঞ্জ কাঁড়-নির্মিত জায়-দেবীর মূর্তি সংস্থাপিত; (bronze statue of Justice) দেবীর চক্ষুদ্বয় বস্ত্রাবৃত, তাঁহার একহস্তে তরবারি, অত্রহস্তে তুলাদণ্ড সংরক্ষিত; কিন্তু তরবারি ক্ষুরধারবৎ তীক্ষ্ণ, তুলাদণ্ডের উভয় 'পাল্লা' অসমান, এবং চক্ষুর উপর বস্ত্র এক্রপ আলগ্না করিয়া বাঁধা যে, তাহার ভাঁজের নীচ দিয়া দেবীর দৃষ্টি সম্পূর্ণ অব্যাহত! বোধ হয় বর্তমান কালের রাজকাণ্ড বিচার প্রথাকে উপহাস করিবার জন্তই এক্রপ করা হইয়াছিল।

পল সাইনস্ একটি বৃহৎ ডেস্লেব সম্মুখে উপবিষ্ট ছিল। তাহার বাম হস্তের অধরে এক শ্রেণীতে তিনটি গজদন্ত-নির্মিত বোতাম এভাবে সংরক্ষিত যে, অঙ্গুলীর সানান্ত চাপেই তাহা বসিয়া যায়। তাহার সম্মুখে তিনটি টেলিফোন পাশা-পাশি সংরক্ষিত, এবং একটি ফ্রেমের ভিতর একখানি 'ভলকানাইট' চক্র, দেখিলে ননে হয় তাহা বে-তারের 'লাউড্ স্পীকার' অর্থাৎ উচ্চ-ধ্বনিকারক যন্ত্র।

সাইনস্ একটি 'সুইচে' অঙ্গুলার চাপ দিতেই উদ্ভাসিত 'গ্যারেজ' হইতে সকল প্রকার শব্দই তাহার কর্ণে প্রবেশ করিল। বহু কণ্ঠের ধ্বনি, মোটরের ঘস্-ঘস্ শব্দ, পথে যে সকল গাড়ী যাওয়াত করিতেছিল তাহাদের ইঞ্জিনের আওয়াজও—সম্পষ্ট শুনিতে পাইল। অথচ যে নিভৃত গুপ্ত স্থানে সে আশ্রয় গ্রহণ করিয়াছিল—সেখানে সে সম্পূর্ণ নিরাপদ। তাহার গুপ্ত সঙ্কল্প সিদ্ধির জন্তই সুইকটু সিওর মোটর ক্যাব্ কোম্পানী প্রতিষ্ঠিত হইয়াছিল। সেই কোম্পানীতে যাহারা কর্মচারী ও কারিকর, মিস্ত্রী প্রভৃতির পদে প্রাপ্ত হইয়াছিল—তাহারা সকলেই তাহার অন্তর, ছদ্মবেশী দস্যুর দল। কতকগুলি ক্রতঘামী শব্দ তাহার আদেশ পালনের জন্ত সর্বদা প্রস্তুত থাকিত, আর কতকগুলি তাহার আদেশে দিবারাজি

লগুনের পথে ঘুরিয়া বেড়াইত। সেই সকল শকটের সাহায্যে সে লগুনের সকল সংবাদ জানিতে পারিত, কারণ প্রত্যেক গাড়ীতে এক একটি 'মাইক্রোফোন' যন্ত্র স্ক্রুশোনে সংগুপ্ত ছিল; সেই যন্ত্রের সাহায্যে মোটর-চালক মোটরের আরোহীগণের সকল গুপ্ত কথাই শুনিতে পাইত। তাহারা প্রত্যহ নানা শ্রেণীর আরোহী সংগ্রহ করিত; হটনাগ ও ইয়ার্ডের বহু উচ্চপদস্থ কর্মচারী তাহাদের ট্যান্ডিতে ভ্রমণ করিতে করিতে যে সকল গুপ্ত পরামর্শ করিতেন—তাহা অল্প কেহ শুনিতেছে—ইহা তাঁহারা মুহূর্তের জন্ত ধারণা করিতে পারিতেন না; কিন্তু মাইক্রোফোনের সাহায্যে তাঁহাদের প্রত্যেক কথা ট্যান্ডিচালকের কর্ণগোচর হইত; সুতরাং পল সাইনসেরও তাহা অজ্ঞাত থাকিত না। একখানি গাড়ী বেকার ষ্ট্রিটের নিকট সর্বদা ভাড়া খাটিবার জন্য উপস্থিত থাকিত; এবং সেই গাড়ীর ড্রাইভার মি: ব্লেককে পাইলে অল্প কোন আরোহী লইত না। অশ্রান্ত গাড়ীর চালকেরা তাহাকে ইহার কারণ জিজ্ঞাসা করিলে সে বলিত—মি: ব্লেককে খুদী করিতে পারিলে তাঁহার নিকট প্রচুর বক্শিশ্ পাওয়া যায়; এ কথা সত্য, কিন্তু সে ইন্স্পেক্টর কুটসকে পাইলেও অল্প আরোহী গ্রহণ করিত না—যদিও সে জানিত ইন্স্পেক্টর কুটস কখন কাহাকেও এক ফাদিং পুরস্কার দিতেন না, বরং সময়ে সময়ে তাঁহার নিকট ছায়া ভাড়া আদায় করাও কঠিন হইত।

পল সাইনসের আশ্রিত দস্যুদল এই সকল গাড়ী যখন উচ্চ ব্যবহার করিত, তাহারা ইঙ্গিত করিলেই শকটচালকেরা বিনা প্রতিবাদে এবং বিনা ভাড়ায় তাহাদিগকে নিষ্কিষ্ট স্থানে রাখিয়া আসিত, অথবা তাহাদের সদর আড্ডায় লইয়া যাইত। বস্তুতঃ ভল্লফল ব্রীজ-রোডের অদূরবর্তী সেই গ্যারেজট পল সাইনসের অর্থে ও ইঙ্গিতে পরিচালিত হইলেও কেহই তাহাকে সন্দেহ করিতে পারিত না। পল সাইনস্ আধ ঘণ্টার মধ্যে অসংখ্য দস্যুকে তাহার নিকট আহ্বান করিয়া লগুনের সকল স্থানেই প্রেণ করিতে পারিত, এবং কোন অপকার্যেই তাহারা কুণ্ঠিত হইত না।

পল সাইনস্ এই গুপ্ত গৃহে বসিয়া নানা প্রকার যড়যন্ত্রের ব্যবস্থা করিত, এবং তাহার অনুচরবর্গের সাহায্যে অতি অল্প সময়েই তাহা কার্যে পরিণত করা সহজ

হইত। সে যাহাদিগকে শত্রু মনে করিত, সুদীর্ঘ বোল বৎসর পূর্বে যাহাদিগের প্রতিকূলতায় তাহাকে বিনা-অপরাধে সশ্রম কারাদণ্ড ভোগ করিতে হইয়াছিল— তাহাদিগকে চূর্ণ ও বিধ্বস্ত করিবার জন্ত সে যে সকল ষড়যন্ত্র করিত—তাহা সে এই স্থানে থাকিয়াই কার্যে পরিণত করিত ; কেহই ইহা জানিতে পারিত না। সে এই সঙ্কল্প সিদ্ধির জন্ত সর্বপ্রকার ত্যাগ স্বীকারেই প্রস্তুত ছিল ; এমন কি, তাহার পুত্রগণের জীবন বিপন্ন করিতেও কুণ্ঠিত হয় নাই, ইহার পরিচয় পূর্বেই পাওয়া গিয়াছে।

পল সাইনস্ অন্ত্যস্ত গস্তীরভাবে ডেক্সের নিকট বসিয়া ছিল ; তাহার মুখ বিমর্ষ, ললাটে চিন্তার রেখা পরিস্ফুট। স্কটল্যাণ্ড ইয়ার্ডের গোরব ও প্রতিষ্ঠার বনিয়াদ পর্য্যন্ত আলোড়িত করিবার জন্ত সে প্রচণ্ড আঘাত প্রয়োগে উত্তত হইয়াছিল, ( He was on the eve of delivering a smashing blow that would shake the prestige of Scotland Yard to its very foundation. ) কিন্তু সে দুশ্চিন্তার কবল হইতে মুক্তিলাভ করিতে পারে নাই। সে বুঝিয়াছিল—সঙ্কল্প সিদ্ধির জন্ত সে যাহাই করুক, ভবিষ্যতে তাহাকে তাহার পাপের যথাযোগ্য প্রায়শ্চিত্ত করিতেই হইবে। সে পুনঃ পুনঃ জয়লাভ করিলেও তাহার শেষ পরাজয় ও পতন অপরিহার্য। অন্ত্যয় চিরদিন প্রতিষ্ঠা লাভ করিতে পারে না, অধর্মের ক্ষয় অনিবার্য—ইহা তাহার অজ্ঞাত ছিল না ; কিন্তু তাহার প্রতিজ্ঞা—তাহার শত্রুগণকে বিধ্বস্ত না করিয়া সে ধরা দিবে না, বা মৃত্যুকে বরণ করিবে না, দানবের মত সে শেষ পর্য্যন্ত যুদ্ধ করিবে।

পল সাইনস্ প্রায় এক ঘণ্টা স্তব্ধ ভাবে বসিয়া রহিল, তাহার পর অন্ত্যস্ত গরম বোধ হওয়ায় সে বৈজ্ঞানিক পাখার সুইচ টিপিয়া পাখা চালাইয়া দিল। পাখা তাহার মাথার উপর বন্-বন্ করিয়া ঘুরিতে লাগিল।

সহসা টেলিফোনের ঘণ্টা বন্-বন্ শব্দে বাজিয়া উঠিলে, সে একটি রিসিভার তুলিয়া লইল। একজন টেলিফোনে বলিল, “কনোলী জাল গুটাইয়া সরিয়া পড়িয়াছে। সে পাঁচ নম্বর হইতে সংবাদ পাইয়াছে—স্কটল্যাণ্ড ইয়ার্ড তাহাকে ধরিতে আসিতেছে। সে কে, তাহা তাহারা জানিতে পারিয়াছে।”



সাইনস্ বলিল, “কিন্তু পে জানিল ?”

উত্তর হইল, “রবার্ট ব্লেকের কৌশলে।”

সাইনস্ হকার দিয়া সক্রোধে বলিল, “আবার রবার্ট ব্লেক ! এই লোকটাকে সাবাড় করিতে না পারিলে আমি নিশ্চিন্ত হইতে পারিব না। তাহার নিষেধ কোন কথা গোপন করিবার উপায় নাই ! আমাকে আমার ভবিষ্যৎ কার্যপ্রণালী-পরিবর্তিত করিতে হইবে। এই সঙ্কটজনক অবস্থায় রবার্ট ব্লেককে আমার কোন কাজে হস্তক্ষেপণ করিতে দেওয়া হইবে না। আজ রাত্রেই তাহার অনধিকার চর্চা বন্ধ করিতে হইবে। তাহার মত প্রতিভাসম্পন্ন ডিটেক্টিভকে স্কুড কীটের শ্রায় পদনলিত করিয়া চূর্ণ করিতে ইচ্ছা হয় না ; কিন্তু উপায় কি ? সে তাহার ধুষ্টতার ফলভোগ করিতে বাধ্য, তাহার আর পরিত্রাণ নাই ; সে বিলম্বে মরিত, কিন্তু নিজের দোষেই মৃত্যুকে সে এত শীঘ্র ডাকিয়া আনিল।”

অতঃপর সাইনস্ তারের একটি ফাইল হইতে একখানি কাগজ বাহির করিয়া লইল ; সেই কাগজখানিতে কতকগুলি নাম ছিল, তন্মধ্যে কয়েকটি নাম লাল কালী দিয়া কাটিয়া দেওয়া হইয়াছিল। এই তালিকার একটি নাম পেন্সিল দিয়া চিহ্নিত করা হইয়াছিল ; সাইনস্ একটি পেন্সিল লইয়া প্রসিদ্ধ ডিটেক্টিভ মিস্ রবার্ট ব্লেকের নামের পাশেও একটি চিহ্ন অঙ্কিত করিল। সমগ্র পৃথিবীর মধ্যে এই ব্যক্তিকেই সে কিঞ্চিৎ ভয় ও শ্রদ্ধা করিত।

পল সাইনস্ অক্ষুটস্থরে বলিল, “আজ রাত্রে আমার এক চিলে দুইপাখী মরবে। রবার্ট ব্লেক ও বুদ্ধ সোয়েন উভয়েই তাহাদের ধুষ্টতার উপযুক্ত প্রতিফল পাইবে। ব্লেক কাল পর্য্যন্ত জীবিত থাকিলে আমি সুখী হইতাম ; সে আমার ক্ষমতার পরিচয় পাইত, আমার প্রাধান্ত স্বীকার করিতে বাধ্য হইত ; কিন্তু তাহা হইবার নহে, আজই তাহাকে মরিতে হইবে—ইহা মতাই ক্ষোভের বিষয়।”

পল সাইনস্ সেই ভূগর্ভস্থ কক্ষে তাহার ডেস্কের কাছে বসিয়া রহিল, টেলিফোনে অনেকের সঙ্গেই তাহার পরামর্শ চলিল। তাহার ভাবভঙ্গি

দেখিলে ও কথাবার্তা শুনিলে মনে হইত—সে সেই আফিসের অধ্যক্ষ, এবং তাহার আদেশেই সকল কার্য পরিচালিত হইয়া থাকে।

ক্রমশঃ সেই কক্ষে বহু লোকের সমাগম হইতে লাগিল ; তাহারা নিঃশব্দে আসিয়া অবনতমস্তকে তাহার উপদেশ অথবা আদেশ শ্রবণ করিতে লাগিল। তাহার পর টেলিফোনে লণ্ডনের পশ্চিম পল্লীতে, লাইম হাউসে, স্ত্রাভ্‌ওয়েল, ওয়ার্পিং এবং সহরতলীর বিভিন্ন অংশে যে সকল সংবাদ প্রেরিত হইল তাহা বাহিরের যে কোন লোক শুনিতে পাইলে মনে করিত সেই সকল সংবাদ সম্পূর্ণ নির্দোষ, তাহাতে কেহ কোন অসাধু উদ্দেশ্যের আরোপ করিতে পারিত না ; কিন্তু প্রকৃতপক্ষে পল সাইনন্স সেই মাত্বেতিক ভাষায় তাহার দলভুক্ত বিভিন্ন স্থানবাসী দস্যদের যুদ্ধার্থ প্রস্তুত হইতে আদেশ করিল। (it was a call to arms.) রাত্রি প্রভাতের পূর্বেই তাহারা রাজবিধান ও শান্তির বিরুদ্ধে যুদ্ধ ঘোষণার আদেশ পাইল।

রাত্রি নয়টার সময় পল সাইনন্স চেয়ার হইতে উঠিয়া অগ্নিকুণ্ড-সন্নিহিত কোচে শয়ন করিল, এবং কয়েক মিনিটের মধ্যেই গভীর নিদ্রায় অভিভূত হইল ; কিন্তু এক ঘণ্টার মধ্যেই তাহার নিদ্রাভঙ্গ হইল। রাত্রি দশটার সময় একজন ভৃত্য তাহাকে এক পেয়লা কাফি ও কিছু খাবার আনিয়া দিল। কয়েক মিনিট পরে একটি গৰ্ব্বকায় বিদেশী চেয়ারার লোক চক্ষুনিম্নিত একটি ‘এটাচি কেস’ লইয়া পল সাইনন্সের সম্মুখে উপস্থিত হইল। সে ডেস্কের উপর সেই ব্যাগটি রাখিয়া তাহার ভিতর হইতে কয়েকটি চক্কিনিম্নিত রপ্পীন বাতি, তরল রঙ্গের কয়েকটি কোটা, পরচূলা, দাড়ি গৌক, পাউডার, রবারের কয়েক খানি চাক্তি বাহির করিল।

পল সাইনন্স জামা খুলিয়া আলোর ঠিক নীচেই একখানি চেণ্ডেল বসিল, এবং আগবুককে বলিল, “মাস্কোলো, আজ তোমার শক্তি সামর্থ্যের পরিচয় দিতে হইবে ; তোমার দক্ষতার উপর আজ রাত্রে আমাদের কার্যের সাকল্য কি পরিমাণে নির্ভর করিতেছে তাহা জানিতে পারিলে তুমি বিস্মিত হইবে।”

সাইনসের কথা শুনিয়া আগন্তুক দাঁত বাহির করিয়া হাসিল, সে মাথা নাড়িয়া সাইনসের উক্তির সমর্থন করিল : তাহার পর তাহার ব্যাগের ভিতর হইতে একখানি রঙ্গীন ‘ফটো’ বাহির করিল। এই ফটোখানি যাহার—তিনি ইংলণ্ডের জনসমাজে সুপরিচিত ব্যক্তি ; তাহার সেই দাড়ি গোঁফ-সমলঙ্কৃত মুখ লণ্ডনের অধিকাংশ লোকের, বিশেষতঃ পুলিশ-কর্মচারী মাত্রেরই সুপরিচিত। আগন্তুক সেই ফটো সম্মুখে রাখিয়া পল সাইনসকে ছদ্মবেশে সজ্জিত করিতে লাগিল। সাইনসের চেহারার ক্রমশঃ পরিবর্তিত হইয়া ফটোর চেহারা ধারণ করিল ; সাইনস সম্পূর্ণ ভিন্ন আকার লাভ করিল। ফটোর সহিত তাহার চেহারার বিন্দুমাত্র পার্থক্য রহিল না। বিবিধ বর্ণে, স্পিরিট-সংযুক্ত গঁদে, তুলির প্রত্যেক টানে এবং পূর্কোক্ত রবারের চাক্তিগুলির সাহায্যে আগন্তুক অসাধ্য সাধন করিল। অবশেষে সে তুলি ফেলিয়া একটু দূরে সরিয়া-দাঁড়াইয়া সদন্তে বলিল, “আমার যাহা সাধ্য, তাহার ক্রট করি নাই ; আপনি আয়নায় আপনার মুখখানি দেখিলে আমার ক্ষমতার তারিপ্ করিবেন কর্তী !”

পল সাইনস আয়না লইয়া ফটোর সহিত নিজের চেহারার মিলাইয়া দেখিতে লাগিল। উভয় চেহারার সাদৃশ্য দেখিয়া সে বিস্মিত হইল ; দিবসে উভয় চেহারা মিলাইয়া দেখিলে সামান্য কিঞ্চিৎ বিভিন্নতা হয় ত কাহারও কাহারও তীক্ষ্ণদৃষ্টি অতিক্রম করিতে পারিত না, কিন্তু রাত্রিকালে তাহা ধরিবার উপায় ছিল না।

পল সাইনস মানসিক উল্লাস গোপন করিয়া অচঞ্চল স্বরে বলিল, “হাঁ, তোমার চেষ্টা যে সম্পূর্ণ দিফল হইয়াছে—একথা বলিতে পারি না। এ বেশ বোধ হয় অচল হইবে না। তোমাকে যে পুরস্কার দান করিতে প্রতিশ্রুত হইয়াছি, তাহা তুমি অবশ্যই পাইবে। এখন তুমি যাহাতে পার মাস্কোলো !”

মাস্কোলো তাহার জিনিসপত্রগুলি ব্যাগে পুরিয়া-লইয়া নিঃশব্দে প্রস্থান করিল। সাইনসও ছদ্মরূপ ধারণ করিয়া অল্প একটু কক্ষে প্রবেশ করিল।

এবং পরিচ্ছদ পরিবর্তন করিয়া কৃষ্ণবর্ণ পোষাকে তাহার ডেক্সের নিকট ফিরিয়া আসিল।

এইবার সে লণ্ডনের একখানি মানচিত্র খুলিয়া মনোযোগ সহকারে পর্যবেক্ষণ করিতে লাগিল। সেই মানচিত্রের বিভিন্ন অংশ চিহ্নিত করিয়া কতকগুলি স্থানের উপর নীলবর্ণ এক একটি বৃত্ত অঙ্কিত করা হইয়াছিল, এবং প্রত্যেক বৃত্তে এক একটি সংখ্যা লিখিয়া সেগুলি একটি রেখাঘারা সংযুক্ত করা হইয়াছিল।

সাইনস্ অস্ফুট স্বরে বলিল, “ঠিক একই সময়ে সকল স্থানে কার্য্যাবস্তের ব্যবস্থা হইয়াছে। প্রত্যেক ব্যক্তি আমার আদেশ ঠিক ভাবে পালন করিলে চেষ্টা বিফল হইবার আশঙ্কা নাই।”

সাইনস্ সেই মানচিত্রখানি আরও কিছুকাল নিরীক্ষণ করিল, তাহার পর ঘড়িতে এগারটা বাজিল। মুহূর্তপরে নীলপরিচ্ছদধারী একজন সোফেয়ার সেই কক্ষে প্রবেশ করিল। সে সাইনসের নূতন রূপ দেখিয়া স্তম্ভিত হইল; কিন্তু মনের ভাব গোপন করিয়া স্বাভাবিক স্বরে বলিল, “কর্তা, সমস্তই প্রস্তুত; এখন আপনার আদেশেরই প্রতীক্ষা।”

সাইনস্ মানচিত্রখানি মুড়িয়া রাখিয়া একটি কৃষ্ণবর্ণ গুভারকোটে সজ্জিত হইল। তাহার পর টুপি মাথায় দিয়া গ্যারেজে প্রবেশ করিল। গ্যারেজের দীপালোক ন্তান; সাইনস্ সেই ন্তান দীপালোকে দেখিতে পাইল—কুড়িখানি মোটর-কার গ্যারেজে শ্রেণীবদ্ধ ভাবে সজ্জিত রহিয়াছে। প্রত্যেক কাবের ড্রাইভার স্ব স্ব আসনে উপবিষ্ট। তাহারা সকলেই নিশ্চল, এবং সাইনসের ইঙ্গিতের প্রতীক্ষায় উদ্গ্রীব। সাইনস্ জানিত প্রত্যেক কারে দুইজন আরোহী উপবিষ্ট ছিল, তাহার ইঙ্গিত পাইলেই কারগুলি আরোহীসহ দ্রুতবেগে স্ব-স্ব গন্তব্য স্থানে ধাবিত হইবে; তাহার পর কারের আরোহীরা কি ভীষণ কার্য্যে প্রস্তুত হইবে, তাহা সহজে কেহ ধারণা করিতে পারিবে না।

গ্যারেজের মধ্যস্থলে যে কার দাঁড়াইয়া ছিল, তাহা সর্ক্যাপেক্ষা রুহৎ, এবং হুস্থ। তাহার মাথায় উজ্জ্বল আলো দপ্ দপ্ করিতেছিল, এবং তাহার

ইঞ্জিন হইতে 'ঘসর-ঘস' শব্দ উথিত হইতেছিল। তাহাতে যে চিহ্ন ছিল, সেই চিহ্ন লগনের আর একখানি মাত্র কারে দেখা যাইত। তাহার ড্রাইভার সুইচ্ টিপিবামাত্র তাহার নম্বর-প্লেট উর্টাইয়া গেল, এবং অল্প একটি নম্বর সেই স্থান অধিকার করিল। তাহার সম্মুখ ও পশ্চাৎ উভয় দিকেরই নম্বর একসঙ্গে পরিবর্তিত হইল।

পল সাইনস্ কাহাকেও কোন কথা না বলিয়া এই শেযোক্ত কারে প্রবেশ করিল। সোফেরার দ্বার রুদ্ধ করিল। অতঃপর সে তাহা চালাইতে আরম্ভ করিয়া নিঃশব্দে পথে উপস্থিত হইল।

সাইনস্ যে ছকর কার্যে প্রবৃত্ত হইবার সঙ্কল্প করিয়াছিল, তাহা আরম্ভ হইল। সে গাড়ীতে ঠেস্ দিয়া একটি চুকট ধরাইয়া লইল। তাহার হাত সম্পূর্ণ অরুপিত। তাহার পাশে চর্ম্মানন্দিত একটি থলি ছিল—সেই থলির দিকে চাহিয়া তাহার মুখে পৈশাচিক হাসি ফুটিয়া উঠিল। হঠাৎ অধিক ঝাঁকুনী লাগিলে সেই কার ও কারের আরোহীরা চূর্ণ হইয়া ধূনিরাশিতে পরিণত হইবে, ইহা সে জানিত।

সাইনসের কার ভিক্টোরিয়া স্ট্রীট আভিমুখে ধাবিত হইল। সোফেরার গাড়ীর নোড় ঘুরাইবার পূর্বেই 'সুইচ' টিপিল.; তৎক্ষণাৎ গাড়ীই নম্বরের প্লেটখানির নম্বরগুলি ঘুরিয়া গেল, এবং নূতন নম্বর তাহাদের স্থান অধিকার করিল।

পথের মোড়ে একজন কন্ঠেবল দাঁড়াইয়া ছিল। বিছাতালোকে উদ্ভাসিত কারের নম্বর প্লেটের দিকে দৃষ্টিপাত করিয়া সে সম্বস্ত হইয়া উঠিল, এবং গাড়ী তাহার পাশ দিয়া চলিয়া যাইবামাত্র সে আরোহীর মুখের দিকে চাহিয়া সমস্তন আভ্যন্দন করিল। সেই দোভল্যমান সাদা দাড়ির নিশান লগনের বোন ও পাহারাওয়ালার অপরিচিত নহে।

ওয়েষ্টমিন্সটার অ্যাংলিকান বিশাল গম্বুজ নৈশ আকাশে চিত্রবৎ প্রতীয়মান হইল। বিগবেনের বিরাট ঘটকা-বস্ত্র আকাশের কোলে পরিফুট হইল, এবং তাহার স্নানীর্ঘ কৃষ্ণবর্ণ কাঁটাছটি আলোকোজ্জ্বল 'ডায়ালের' উপর একটি সরল রেখার আকার ধারণ করিয়া জানাইয়া দিল—রাত্রি এগারটা বাজিয়া কুড়ি মিনিট হইয়াছে।

সাইনসের শকট বাঁধের নিকট আসিলে তাহার গতি মন্দীভূত হইল ; তাহার পর তাহা স্কটল্যান্ড ইয়ার্ডের দেউড়ির ভিতর দিয়া প্রধান প্রবেশ-দ্বারের সম্মুখে আসিয়া থামিল ।

একজন পুনিশম্যান রৌদে বাহির হইয়া ক্যানন-রো অভিমুখে যাইতেছিল । গাড়ীখানি সম্মুখে থামিতে দেখিয়া সে দাঁড়াইল, এবং শকটের আরোহীর মুখের দিকে চাহিয়া বিস্ময়ে চমকিয়া উঠিল । সে জানিত রাত্রি এগারটার সময় স্কটল্যান্ড ইয়ার্ডের ফটক বন্ধ হইয়া যায় । কেবল একজন মাত্র পাহারাওয়ালার পূর্ণদিন বেলা আটটা পর্য্যন্ত সেখানে পাহারায় থাকে ; তাহার পর আফিসের কাজ কর্ম্ম যথানিয়মে আরম্ভ হয় ।

পাহারাওয়ালার একবার আরোহীর মুখের দিকে, আবার একবার সেই গাড়ীর নম্বরের দিকে দৃষ্টিপাত করিল ; তাহার পর অক্ষুণ্ণ স্বরে বলিল, “এ বে বড় সাহেবেব গাড়ী ! সাহেব এ অসময়ে হঠাৎ আফিসে চলিলেন কেন ?—বোধ হয় ফোথাও ফোন বিভ্রাট ঘটয়াছে !”

পাহারাওয়ালার বড় সাহেবেবের চিরপরিচিত সাদা দাড়ির দিকে চাহিয়া সম্মান অভিবাদন করিল ; দাড়ি কিন্তু তাহার মুখের দিকে না চাহিয়া গাড়ী হইতে নামিয়া পড়িল । সে দরজা ঠেলিয়া ভিতরে প্রবেশ করিলেও পাহারাওয়ালার দাঁড়াইয়া রহিল । বড় সাহেব কি উদ্দেশ্যে অসময়ে আফিসে আগিলেন তাহা জানিবার জন্য তাহার প্রবল কৌতূহল হইয়াছিল ।

পাহারাওয়ালার চীফ্ কমিশনরের খাস-কামরায় হঠাৎ আলো জ্বলিতে দেখিয়া বুঝিল—বড় সাহেব খাস-কামরায় প্রবেশ করিয়াছেন । সে ঘোঁবে ঘোঁবে ক্যানন-রোর দিকে চলিয়া গেল ।

পল সাইনস্ গাড়ী হইতে নামিবার সময় কন্স্টেবলটাকে দেখিতে পাইয়াছিল : পাহারাওয়ালাকে তাহার মুখের দিকে চাহিয়া থাকিতে দেখিয়া তাহার বুকের ভিতর ছুঁক-ছুঁক করিয়া উঠিল ; কিন্তু পাহারাওয়ালার তাহাকে অভিবাদন করায় তাহার আশঙ্কা দূর হইল ।—সে দ্বারের সম্মুখে গিয়া ঘণ্টা-কন্দি করিল ।

অল্পক্ষণ পরে একজন দীর্ঘদেহ পুলিশ কর্মচারী ঘার খুলিয়া সাইনসের সম্মুখে দাঁড়াইল। পল সাইনস তাহার মুখের দিকে চাহিয়া বলিল, “শনি।”

পুলিশ কর্মচারী বলিল, “পাঁচ নম্বর।”—সে তৎক্ষণাৎ সরিয়া দাঁড়াইলে সাইনস্ কটল্যাণ্ড ইয়ার্ডের অভ্যন্তরে প্রবেশ কারল। তাহার পশ্চাতে ঘার বন্ধ হইল।

এই পুলিশ কর্মচারী যুবকট কটল্যাণ্ড ইয়ার্ডের ডিটেক্টিভ সার্জেন্ট সিবর্ন, নাম সার্ণ্ড প্রকৃত। সে পল সাইনসের কর মর্দন করিয়া বলিল, “আপনার ছদ্মবেশ নিখুঁত হইয়াছে। আপনার জানা না থাকিলে আমি নিশ্চয়ই প্রতারণিত হইতাম। কিন্তু আমরা ভাষণ বিপদের সম্মুখীন হইয়াছি! বাহিরে যে গাড়ী থানি—”

পল সাইনস্ বলিল, “চীফ্ কমিশনারের গাড়ী বাহিরে দাঁড়াইয়া আছে কেন—এ কথা কি কেহ জিজ্ঞাসা করিতে সাহস করিবে? সার হেনরী ফেয়ারফেল্লের গাড়ীর সহিত আমার গাড়ীর বিন্দুমাত্র পার্থক্য নাই; তাহার গাড়ীর ও আমার গাড়ীর নম্বরও অভিন্ন। অন্যকে দেখিয়া কাহারও সন্দেহ না হইলে আমার গাড়ী দেখিয়াও কাহারও সন্দেহ হইবে না। আমার সোফেয়ার মাগসনকে জেরা করিয়া কেহ কোন কথা জানিতে পারিবে না; কিন্তু এখন আমাদের আর এক মুহূর্ত্তও বাজে কথায় নষ্ট করিবার উপায় নাই। আমাদের সন্ধানমুখ্যী সকল কাজ নিদিষ্ট সময়ের মধ্যেই শেষ করিতে হইবে। সময়ের মুহূর্ত্তমাত্রা ব্যান্তক্রম হইলে আমার সমস্ত কাজ নষ্ট হইবে, এবং তাহার ফল সাংঘাতিক হইবে।”

সার্ণ্ড সাইনস্ বিবর্ণ মুখে ও অত্যন্ত গম্ভীর ভাবে তাহার পিতাকে সঙ্গে লইয়া সিঁড়ি দিয়া সেই নিস্তক্স অট্টালিকায় উঠিতে লাগিল। সে দীর্ঘকাল দক্ষতার সহিত পুলিশের চাকরী করিয়াছে, কর্তব্য পালনে সে কখন ত্রুটি করে নাই, কখন বিশ্বাসঘাতকতা করিতেও তাহার প্রবৃত্তি হয় নাই; কিন্তু আজ সে তাহার পিতার স্বার্থ সিদ্ধির জন্ত সকলই করিতে প্রস্তুত হইয়াছিল। পিতার আদেশ সে অলঙ্ঘনীয় মনে করিত। পিতৃভক্তির তুলনায় সে কর্তব্য-জ্ঞান, তাহার দায়িত্ব তুচ্ছ মনে করিত; কিন্তু পিতার আদেশে বিশ্বাসঘাতকতা করিতে তাহার হৃদয়

বিদীর্ণ হইল। তাহার নিষ্ঠুর পিতা প্রতিহিংসাপরবশ হইয়া তাহাকে যে বিধাস-  
ঘাতকতায় প্রবৃত্ত হইতে বাধ্য করিয়াছিল, তাহার ফল কিরূপ ভীষণ হইবে তাহা  
চিন্তা করিয়া তাহার হৃদয় ব্যাকুল হইল; সে চারি দিক অন্ধকার দেখিতে লাগিল।

কয়েক মিনিট পরে সমাজদ্রোহী, পুলিশের মহাশত্রু পল সাইনস্ ও তাহার  
পুত্র—পুলিশের সুদক্ষ কর্মচারী কর্তব্যনিষ্ঠ সার্ল সাইনস্ স্কটল্যাণ্ড ইয়ার্ডের টেলি-  
ফোনের ঘরে উপস্থিত হইল। পল সাইনস্ প্রকল্প চিন্তে টেলিফোনের সুইচ-  
বোর্ডের দিকে চাহিয়া রহিল। সে ব্যথিতে পারিল—সে ইচ্ছা করিলে সেই মুহূর্তে  
লণ্ডনের প্রত্যেক পুলিশ-ষ্টেশনে তাহার অভিপ্রায়স্বয়ম্ভী সংবাদ প্রেরণ করিতে  
পারে; কেহই তাহার সঙ্কল্পে বাধা দিতে পারিবে না।

ডিটেক্টিভ সার্জেন্ট সিবর্ণ যে ডেক্সের নিকট বসিয়া ছিল, সেই ডেক্সের উর্দ্ধে  
একটি আলো জ্বলিতেছিল। তাহার সম্মুখে একখানি খাতা খোলা ছিল; রাত্রিকালে  
বিভিন্ন খানা হইতে যে সকল সংবাদ টেলিফোনের সাহায্যে স্কটল্যাণ্ড ইয়ার্ডে  
রিপোর্ট করা হইত—তাহা সেই খাতার নিখিয়া রাখা হইত। পরদিন প্রভাতে  
আটটার সময় অফিস খুলিলে স্কটল্যাণ্ড ইয়ার্ডের কর্তৃপক্ষ সেই সকল রিপোর্ট  
পাঠ করিয়া তৎসম্বন্ধে যাহা কর্তব্য তদনুযায়ী ব্যবস্থা করিতেন।

পল সাইনস্ তাহার হস্তস্থিত ভারি চামড়ার ব্যাগটা পাশে রাখিয়া তাহাব  
পুত্রকে বলিল, “তোমার বড় সাহেবের খাস-কামরার আলোটা এই মুহূর্তেই জ্বালিয়া  
দাও। উহা পাঁচ মিনিট পর্য্যন্ত জ্বালাইয়া রাখিবে। তাহার পর, আলো  
নিবাইয়া এখানে ফিরিয়া আসিবে।”

ডিটেক্টিভ সার্জেন্ট সিবর্ণ ( সার্ল সাইনস্ ) তৎক্ষণাৎ সেই কক্ষ ত্যাগ  
করিল। পল সাইনস্ ডেক্সের নিকট বসিয়া পড়িল। সে রিপোর্ট বহিখানি  
কৌতূহল ভরে পাঠ করিতে লাগিল; সেই রাত্রের কোন কোন ছুঁটনার  
সংবাদ তাহাতে লিখিত ছিল।

“দীর্ঘকালের একজন ফেরারী আসামী উত্তর লণ্ডনে ধরা পড়িয়াছে।”  
“স্ট্রাটফোর্ডে একটি ছুঁটগিনী অভ্যস্ত নিষ্ঠুর ভাবে নিহত হইয়াছে।”—এই সকল  
বিবরণ পাঠ করিয়া পল সাইনস্ প্রকল্প চিন্তে দোয়াত কলম লইয়া সেই পাতাঘ



তাড়াতাড়ি কি কতকগুলি কথা লিখিয়া রাখিল, এবং তাহার নীচে নিজের নাম লিখিল।—সে যখন খাতাখানি বন্ধ করিল, ঠিক সেই সময় তাহার পুত্র সেই কক্ষে ফিরিয়া আসিল। সাইনস্ উঠিয়া তাহার পুত্রকে সেই আগনে বসিতে আদেশ করিল; তাহার পর পকেট হইতে কয়েকখানি কাগজ বাহির করিল। সেই কাগজগুলি ‘টাইপ’-করা। পল সাইনস্ সেই কাগজগুলি টেবিলের উপর প্রসারিত করিয়া তাহার পুত্রকে বলিল, “এখন কি করিতে হইবে তাহা বোধ হয় বুঝিতে পারিয়াছ। ইহাতে বাহা যে ভাবে লেখা আছে—তাহা ঠিক সেই ভাবেই পর পর টেলিফোন করিয়া দাও। সিডেন্‌হাম হইতে আরম্ভ কর।”

সার্জেন্ট সিবর্ণ সেই কাগজগুলি পাঠ করিল। তাহার মুখ ভয়ে নীল হইয় গেল; কিন্তু সে তাহার পিতার আদেশের প্রতিবাদ করিতে সাহস করিল না। সে টেলিফোনের রিসিভার তুলিয়া লইয়া সিডেন্‌হামের থানার ভারপ্রাপ্ত কর্মচারীকে আহ্বান করিল, বলিল, “আপনি কি সিডেন্‌হামের থানা অফিসার? আন ষ্ট্যান্ডাণ্ড ইন্সার্ভের মৈশ কর্মচারী; (night officer) এইমাত্র সংবাদ পাওয়া গেল—পলাতক আসামা পল সাইনস্ আপনার এলাকায় লুকাইয়া আছে! আপনি যতগুলি পুলিশ কন্স্টেবল সংগ্রহ করিতে পারেন—তাহাদিগকে লইয়া ৫৪ নং সিল্ভেষ্টার রোডের বাড়ী আক্রমণ করুন। হাঁ, সেই বাড়ী খানাতল্লাস করিয়া আসামীকে গ্রেপ্তার করা চাই। চাফ্ কমিশনার স্বয়ং এই আদেশ জানাইতে বলিলেন।”

এক মিনিট পরে সার্জেন্ট সাইনস্ আর একটি থানায় ঠিক এই সংবাদ প্রেরণ করিল; কেবল ঠিকানাটি স্বতন্ত্র। থানার কর্মচারীকে আরও বলা হইল—পল সাইনস্কে গ্রেপ্তার করিতে পারিলে সাত হাজার পাউণ্ড পুরস্কার দেওয়া যাইবে—ইহা বড় সাহেবেরই অঙ্গীকার।

ডিটেক্টিভ সার্জেন্ট সিবর্ণ টেলিফোনে যে সকল কথা বলিল, পল সাইনস্ তাহা সকলই শুনিল। তাহার মন আনন্দে পূর্ণ হইল। সে বুঝিতে পারিল সে সুইফ্ট সিওর গ্যারেজ হইতে যে সকল ট্যান্ডি সহ অসুগত দস্যাদলকে উত্তর

পূর্ব, দক্ষিণ ও পশ্চিমে যাত্রা করিবার আদেশ দিয়াছিল—তাহারা অবিলম্বে লুঠন আরম্ভ করিতে পারিবে। সকল থানার পুলিশের প্রহরীরা সদলে বিভিন্ন আড্ডায় তাহাকে গ্রেপ্তার করিতে যাইবে, সুতরাং নগরের বিভিন্ন অংশ অরক্ষিত থাকিবে; তাহার অনুচরদের দস্যবৃত্তিতে কেহই বাধা দিতে পারিবে না।

পল সাইনসের পুত্র বিভিন্ন থানায় টেলিফোন করিয়া এই একই সংবাদ জানাইল। তাহার সর্বাপ্রথম সন্দেহের প্রাণিত হইল, তাহার লন্ডন হইতে টস-টস করিয়া ঘাম ঝরিতে লাগিল। সে চেয়ারে বসিয়া-পড়িয়া, লন্ডনের সর্বাপ্রথম অপসারিত করিয়া তাহার পিতাকে বলিল, “আপনার আদেশ পালন করিলাম; এখন আমাকে আর কি করিতে হইবে বলুন।”

পল সাইনস পুত্রের কাতরতা লক্ষ্য করিয়া অবজ্ঞাভরে বলিল, “তুমি ঐত ব্যাকুল হইয়াছ কেন মুখ! মন স্থির কর। আমার কাজ এখনও শেষ হয় নাই। এখন উপরের ঘরে কাজ আছে; হাঁ, যে কুর্খুরীতে বেতার-কক্ষ পরিচালনের ব্যবস্থা আছে, সেই ঘরে যাইতে হইবে।”

তাহারা উভয়ে সিঁড়ি দিয়া উপর তালার চলিল। কয়েক মিনিট পরে তাহারা যে কক্ষে প্রবেশ করিল, সেই কক্ষটি বেতারের নানাবিধ যন্ত্রাদিতে আচ্ছন্ন। (covered with wireless apparatus.) সেই সময় বিগ বেনের স্বরিতে বারটা বাজিল।

তাহারা সেই কক্ষ অতিক্রম করিয়া আর একটি ক্ষুদ্র কক্ষে প্রবেশ করিল। সেই কক্ষের দেওয়ালগুলি ধাতুমণ্ডিত; কারণ সেই কক্ষে যে সকল যন্ত্রাদি ছিল, তাহা এরূপ স্থল যে, সেই কক্ষটি গুণে হ্রাসিত না হইলে বাহিরের বৈদ্যুতিক প্রভাবে তাহাদের কার্যোপযোগিতা নষ্ট হইবার আশঙ্কা ছিল। নগরের বিভিন্ন অংশে স্ট্রল্যাণ্ড ইয়ার্ডের ভ্রাম্যমান পুলিশ ফৌজকে তাহাদের চলন্ত গাড়ীতে এই কক্ষ হইতে সংবাদ দিয়া তাহাদের কার্য নিয়ন্ত্রিত করা হইত।

পল সাইনস সেই কক্ষের মধ্যস্থলে দাঁড়াইয়া উত্তেজিত স্বরে বলিল, “আমার বিশ্বাস, আমি কয়েক ঘণ্টার মধ্যেই স্ট্রল্যাণ্ড ইয়ার্ডকে নিস্তর করিয়া ফেলিতে পারিব।”

অনন্তর সে সেই কক্ষের যন্ত্রগুলির দিকে চাহিয়া তাহার হস্তস্থিত চন্দ্রনির্মিত ব্যাগটি খুলিয়া ফেলিল, এবং তাহার ভিতর হইতে ধাতুনির্মিত একটি আধার বাহির করিল—সেই আধারটি একটি ক্ষুদ্র ‘গ্যাস-মিটারের’ অল্পরূপ। (that resembled a miniature gasmeter.) তাহার সম্মুখে ঘড়ির মুখের মত একটি চাকা ; সেই চাকাতে যে দুইটি কাঁটা ছিল, তাহা বেড়টার ঘরে সংস্থাপিত। সাইনস্ সেই যন্ত্রটির একটি দণ্ডে ঈষৎ চাপ দিতেই সেই যন্ত্রের ভিতর হইতে টিক্-টিক্ করিয়া শব্দ হইতে লাগিল।

কয়েক মিনিট পরে পল সাইনস্ ও তাহার পুত্র সিঁড়ি দিয়া নীচে নামিয়া আসিল। নীচের তালায় আসিয়া সাইনস্ ঘড়ি দেখিয়া তাহার পুত্রকে বলিল, “স্মরণ রাখিও আজ রাত্রি একটার পূর্বে তোমাকে এই স্থান পরিত্যাগ করিবা আমাদের সদর আড্ডায় যাইতে হইবে ; হাঁ, একটার পূর্বেই যাইবে, এবং সেখানে আমার প্রতীক্ষা করিবে।”

সার্ল সাইনস্ কোন কথা বলিল না। সে তাহার পিতার মুখের দিকে অভিমানপূর্ণ কঠোর দৃষ্টি নিক্ষেপ করিল। তাহার পিতার কোন অবৈধ আদেশেরই প্রতিবাদ করিবার তাহার শক্তি ছিল না ; কিন্তু পিতার আদেশে সে কিরূপ বিশ্বাসঘাতকতা করিল, এবং আত্মসম্মান নষ্ট করিয়া কি ভাবে নিজের ভবিষ্যতের সকল আশা বিসর্জন করিতে উত্তত হইয়াছে—তাহা চিন্তা করিয়া ক্ষোভে অভিমানে তাহার হৃদয় পূর্ণ হইল।

পল সাইনস্ পুত্রের মুখের দিকে চাহিয়া তাহার মনের ভাব বুঝিতে পারিল ; কিন্তু পুত্রের সর্কনাশ করিতে তাহার আপত্তি ছিল না। সে স্বার্থ সিদ্ধির জন্য জ্ঞাত পুত্রেরও সর্কনাশ করিয়াছিল। তাহার হৃদয় পাষাণবৎ কঠিন হইয়াছিল। সে-সকল পথ হইতে বিচলিত হইল না ; পুত্রের মঙ্গলকামনা তাহার মনে স্থান পাইল না। সে তাহার শত্রুগণের বকের উপর দিয়া ‘জগন্নাতের’ (Juggernaut) রথ টানিয়া লইয়া যাইতে কৃতসঙ্কল্প।

পল সাইনস্ তাহার পুত্রের কর মর্দন করিল ; কিন্তু তাহার বিচলিত ভাব লক্ষ্য করিয়া সে বিন্মিত হইল না। সে জানিত—সে তাহাকে আর জীবিত

দেখিতে পাইবে না ; তাহার স্বার্থের যুগ্মে তাহার আর একটি পুত্রের জীবন উৎসর্গ হইবে। সে ছাত্র খুলিয়া স্কটল্যান্ড ইয়ার্ডের বাহিরে আসিল, এবং তাহার শকটের দিকে অগ্রসর হইল।

পল সাইনস্ গাড়ীতে উঠিয়া বসিলে গাড়ী হোয়াস্ট চলার দিকে অগ্রসর হইল ; কিন্তু কিছু দূরে গিয়াই তাহার গাড়ীর নম্বরগুলি চঠাৎ পরিবর্তিত হইল। তাহার গাড়ীতে পুলিশ কমিশনের সার হেনরী ফেয়ারফেল্‌স মোটর-গাড়ীর নম্বর ছিল, সেই নম্বর পরিবর্তিত হওয়া তাহা পুলিশ কমিশনের গাড়ী বলিধা সন্দেহ করিবার কারণ রহিল না। তাহার কাজ শেষ হইয়াছিল ; তাহার অশুচরবর্গ ঠিক একই সময়ে শান্তিভঙ্গ করিয়া আইনের মৰ্যাদায় দণ্ডাঘাত করিতে পারে (Striking a blow at the prestige of the law) তাহার সুব্যবস্থা সে করিয়া আসিয়াছিল। তাহার ঘটনাক্রমে মাকল্য বিঘ্নে তাহার বিন্দুমাত্র সন্দেহ ছিল না।

পল সাইনস্ তাহার সোকেদারকে নবন আদেশ দানে উত্তত হইয়া মনে মনে বলিল, “এইবার আমার মহাশত্রু গোয়েন্দা ব্লেক ও বুডা শয়তান সোকেদের সুগুপাতের ব্যবস্থা কর। প্রভাৎের পুঙ্কই এট এক গোড়া প্রধান শত্রুর নাম শত্রুপক্ষের নামের তালিকা হইতে অসম্পিত করিতে হইবে।”

## চতুর্থ প্রসঙ্গ

### কুট্‌সের আকেল-সেলামী

ইন্স্পেক্টর কুট্‌স ফটুলাও ইয়ার্ডে উপস্থিত হইবার জন্য অত্যন্ত ব্যস্ত হইয়া মিঃ ব্লেক ও স্মিথসহ পথের ধারে দাঁড়াইয়া ছিলেন—একখানি ট্যান্ডি দৈবক্রমে অথবা কাহারও গুপ্ত ইঙ্গিতে সহসা সেই স্থানে উপস্থিত হইল।

ট্যান্ডিখানি খালি, কিন্তু তাহা যে ‘সুইফটসিওর’ গ্যারেজের গাড়ী—ইন্স্পেক্টর কুট্‌স তাহা জানিতে পারিলেন না; তাহা জানিতে পারিলেও সন্দেহের কাবণ ছিল না। সকল ট্যান্ডিই তাঁহার নিকট সমান। তিনি সেই ট্যান্ডিতে উঠিয়া বসিলেন; মিঃ ব্লেক ও স্মিথ মুহূর্তপরে তাঁহার পাশে বসিলেন—তিনি উত্তেজিত স্বরে বলিলেন, “দেখ ব্লেক; ঐ যে ‘হৈ-হৈ’ না ‘হৈ-চৈ’ কাগজের সম্পাদক-বেটার (editor fellow)—কি যেন নাম বলিল—কেনী না ফেনী,—উহার রকম-সকম আমার বড় ভাল বোধ হইল না! সে যে লোকগুলোকে পল সাইনসের সাজে সাজাইয়া রাস্তা দিয়া চালান করিতেছে—তাহাদিগকে যদি ফিরাইয়া লইয়া না যার—তাহা হইলে আমি তাহাদের প্রত্যেককে গ্রেপ্তার করিয়া গারদে পুরিব। দেখ, ঐ দলের আর এক বেটা ভিলিয়াস স্ট্রীটের ভিতর দিয়া চলিয়াছে। উহার পশ্চাতে একদল লোক—যেন ফুটবলের বাজী দেখিতে চলিয়াছে!”

মিঃ ব্লেক বলিলেন, “কিন্তু সকলের আগে ঐ সম্পাদক মিঃ মিল্ট-ই কেনীকে পাকড়াইবার ব্যবস্থা করাই প্রয়োজন। আমার বিশ্বাস, ফটুলাও ইয়ার্ডে অঙ্গুলী-চিহ্নের খাতায় উহার সন্ধান পাইবে। সে যে কাগজ-কাটা ছুরী ছুড়িয়া ফেলিয়াছিল, তাহার সাহায্যে উহাকে সনাক্ত করা কঠিন হইবে না। অঙ্গুলী-

চিহ্ন মিলিলেই জানিতে পারিবে—লোকটা কে! পল সাইনসের সঙ্গে উহার কোন সম্বন্ধ আছে কি না তাহা আবিষ্কার করিতে পারিলে রহস্য ভেদ করা অনেকটা সহজ হইবে।—আরে, ট্যান্ডিওয়াল কি আমাদের পক্ষেরে ফেলিয়া জখম করিবে ?”

ট্যান্ডিওয়াল হঠাৎ এত জ্বোরে ট্যান্ডি চালাইতে লাগিল যে, তাঁহার আগন হঠতে ঘুরিয়া পড়িতে পড়িতে সামলাইয়া লইলেন; শেষে সে সেই প্রচণ্ড বেগ সংযত করিয়া হোয়াইট হলের দিকে চলিল। ইন্স্পেক্টর কুটসের মাথার সহিত স্নিথের মাথার ঠকর লাগিয়াছিল; ইন্স্পেক্টর কুটস শিরঃশ্রেষ্ঠ টুপিটা তুলিয়া লইয়া, সোজা হইয়া বসিয়া মাথায় হাত বুলাইতে বুলাইতে বলিলেন, “উঃ, মাথাটা যে ফুলিয়া উঠিল ছাই!—কিন্তু কেনীর অঙ্গুলি-চিহ্ন আমাদের আফিসের খাতায় থাক না থাক—ঐ পাগলামীপূর্ণ বিজ্ঞাপন বন্ধ করিতে আমি তাহাকে বাধ্য করিব। হাঁ, আমি উকীল-সরকারের (Public prosecutor) সাহায্যে উহার বিরুদ্ধে ‘ইন্জংসন্’ বাহির করিব।”

ট্যান্ডি ফটল্যাণ্ড ইয়ার্ডের সম্মুখে আসিয়া থামিল। ‘ড্রাইভার’ ত্রাঘ্য ভাড়া ও দুই পেনী বক্শিস লইয়া তাড়াতাড়ি প্রস্থান করিল; কিন্তু সে অধিক দূর না গিয়া অদূরবর্তী ভূগর্ভস্থ স্টেশনে (under-ground station) উপস্থিত হইয়া গাড়ী থামাইল, এবং ইন্স্পেক্টর কুটসের নিকট যে দুই পেনী বক্শিস পাইয়াছিল, তাহা টেলিফোনের রূলে খরচ করিল।

সে টেলিফোনে সাড়া দিয়া বালল, “আমি জ্যাকোবি—কথা বলিতেছি। সতর্ক হউক, আপনাকে সন্দেহ করা হইয়াছে।—পনের মিনিটের মধ্যেই আপনার পশ্চাতে ছুড়া চালাইবার চেষ্টা হইবে।”

মিঃ ব্লেক ও স্মিথ ইন্স্পেক্টর কুটসের সহিত ফটল্যাণ্ড ইয়ার্ডে প্রবেশ করিয়া কুটসের খাস-কামরায় উপস্থিত হইলেন; ইন্স্পেক্টর কুটস পূর্বোক্ত ছুরীগানি একখানি লেফাপায় পুরিয়া তাঁহাদের ফৌজদারী-মহাফেজখানায় (Criminal Record-Department) পাঠাইয়া দিলেন। ফৌজদারীর আসামীদের অঙ্গুলি-চিহ্ন সেই স্থানে রক্ষিত হয়।

প্রায় পনের মিনিট পরে সেই ছুরীর সহিত একখানি রোকা (memo.) ইন্স্পেক্টর কুটসের হস্তগত হইল। সেই রোকাখানি পাঠ করিয়া ইন্স্পেক্টর কুটসের হই চক্ষু কণালা উঠিল! তিনি বলিলেন, “ভোগার অল্পমান মিথ্যা নয় ব্লেক! অঙ্গুলি-চিহ্ন। দপ্তর হইতে রোকায় কি লিখিয়া পাঠাইয়াছে শোন—‘কেনেথ মিলটন ওরফে ছিপ্‌ছিপে কনোলীর অঙ্গুলি-চিহ্ন। পরিচয়—ইউনাইটেড্‌ স্টেটসের অধিবাসী; নরহত্যা ও জালিয়াতী অপরাধে বাউমেব বিধানাসুসারে আজীবন কারাদণ্ডাজ্ঞা-প্রাপ্ত ফেরারী আসামী।’”

মিঃ ব্লেক বলিলেন, “উঃ! ছিপ্‌ছিপে কনোলীর অঙ্গুলি-চিহ্ন?—ঠিক হইয়াছে কুটস! কনোলী পল সাইনসের দলভুক্ত দস্য। এখন সে লণ্ডনে আসিয়া ‘ঐ হুজুকে কাগজের সম্পাদক মাজিয়াছে! অতএব বুঝিতে পারা যাইতেছে—সে সাইনসের স্বার্থসিদ্ধির জন্তই এষ্ট হুজুকের সৃষ্টি করিয়াছে। আমাদের বিরুদ্ধে যুদ্ধ ঘোষণাই উহাদের উদ্দেশ্য।”

স্মিথ বলিল, “বাউমের বিধানটা কি কর্তী!”

মিঃ ব্লেক বলিলেন, “ইহা ইউনাইটেড্‌ স্টেটসের ফৌজদারী আইনের একটি নূতন বিধান। পুরাতন অপরাধীদের দমনের জন্তই এই বিধান প্রবর্তিত হইয়াছে। কোন চোখ তিনবার সোঁচাপরাধে শাস্তি পাইবার পর, যদি চতুর্থ বারও কোন অপরাধ করে—তাহা হইলে এষ্ট বিধান অনুসারে তাহার প্রতি যাবজ্জীবন কারাদণ্ডের আদেশ প্রদত্ত হয়। এষ্ট চতুর্থ বার তাহার অপরাধের লঘুত্ব বা গুরুত্ব লক্ষ্য করা হয় না; অর্থাৎ সে সেই চতুর্থ বার জালই করুক, নরহত্যারই চেষ্টা করুক, বা কোন ডাকঘরের চুক্তি বা চাঁদ পয়সার একখানি টিকিট চুরি করুক, (stealing a penny scamp from a post office) তাহাকে চিরজীবন কারাদণ্ড ভোগ করিতে হইবে।”

ইন্স্পেক্টর কুটস বলিলেন, “যদি আমি কনোলীর হাতে হাতকড়ি দিতে পারি; আর যদি সে বুঝিতে পারে—দেশে ফিরিলে অবশিষ্ট জীবন তাহাকে জেলে কাটাইতে হইবে—তাহা হইলে আমি তাহার মুখ হইতে কোন কোন কথা বাহির করিয়া লইতে পারিব। উহাকে একটু পীড়াপীড়ি করিলেই সাইনসের

ঠিকানা জানিয়া লইতে পারিব ; সে কি ভাবে আমাদের বিপন্ন করিবার বড়বয় করিয়াছে—তাহাও জানিতে পারিব ।”

মিঃ ব্লেক মাথা নাড়িলেন ; তিনি ইন্স্পেক্টর কুট্‌সের কথায় আশ্চর্য হইতে পারিলেন না । যদি কোনোমী পল সাইনসের বিরুদ্ধাচরণের সাহস করিত— তাহা হইলে পূর্বেই সে পুলিশকে তাহার গুপ্ত আড্ডায় সন্ধান দিয়া গবর্নমেন্টের প্ৰতিশ্রুত সাত হাজার পাউণ্ড পুরস্কার গ্রহণ করিতে পারিত ; কিন্তু দম্ভ তস্করেরা পরস্পরের স্বার্থরক্ষা করিয়া চলে বলিয়া পুলিশ সহজে তাহাদিগকে ধরিতে পারে না । যাহা হউক, যখন তাঁহাদের মধ্যে এই তর্কবিতর্ক চলিতেছিল সেই সময় ডিটেক্‌টভ সার্জেট ব্রাউন একখানি ট্যান্ড্রি লইয়া সবেগে নদীতীরবর্তী পথে অগ্রসর হইল । ক্ষণকাল পরে মিঃ ব্লেক ফায়ার-ইঞ্জিনের ঢং-ঢং শব্দ শুনিয়া ইন্স্পেক্টর কুট্‌স ও স্মিথকে সঙ্গে লইয়া নিউটন স্ট্রীটের দিকে ধাবিত হইলেন । কিছুদূর গিয়াই তাঁহারা পথে বিপুল জনতা দেখিতে পাইলেন ।

ট্যান্ড্রি আর চলিতে পারে না, পথ বন্ধ—দেখিয়া ইন্স্পেক্টর কুট্‌স ট্যান্ড্রি হইতে তাড়াহাড়ি নামিয়া পড়িলেন, এবং দুই হাতে ভিড় ঠেলিতে ঠেলিতে সম্মুখে চলিলেন । মিঃ ব্লেক ও স্মিথ তাঁহার অনুসরণ করিলেন ।

ইন্স্পেক্টর কুট্‌স সম্মুখে দৃষ্টিপাত করিয়াই জনতা ও কোলাহলের কারণ বুঝিতে পারিলেন । তখন অদূরবর্তী একটি তেতালার দ্বার জানালা ভেদ করিয়া কুণ্ডলীকৃত, ধূম ও লোহিত অগ্নিশিখা উৎক্লিষ্ট উৎক্ষিপ্ত হইতেছিল । তাঁহারা প্রায় একঘণ্টা পূর্বে যে সংবাদপত্রের আফিসে আসিয়া সম্পাদক-প্রবরের সহিত সাক্ষাৎ করিয়াছিলেন, সেই আফিসেই আগুন লাগিয়াছিল ! নবপ্রকাশিত ‘৫০-৫৫ রৈ-৫৫ কাগজ’র আফিসে সম্পাদকের পাস-কামরাটি তখন দাউ-দাউ করিয়া জ্বলিতেছিল ।

মিঃ ব্লেক সেই দিকে চাহিয়া বিমর্ষ ভাবে বলিলেন, “না, আর রক্ষা নাই ! আমরা ছিপ্‌পিপে কোনোমীর সহিত দেখা করিতে আসিলে সে বুঝিতে পারিয়াছিল—আমরা তাহাকে সন্দেহ করিয়াছি, এবং তাহার প্রকৃত পরিচয় শীঘ্রই জানিতে পারিব । সুতরাং পুলিশের কাজে লাগিতে পারে—একপ্রমাণ সমস্তই নষ্ট করিবার জন্য সে কৃতসঙ্কল্প হইয়াছিল ;—এই অগ্নিকাণ্ড তাহারই ফল ।”



৪: ইন্স্পেক্টর কুটস বলিলেন, “তুমি কি মনে কর সে বেচ্ছার তাহার আফিসে আশুন ধরাইয়া দিয়াছে ?”

৫: মিঃ ব্লেক বলিলেন, “এ বিষয়ে আমি নিঃসন্দেহ।”—তিনি<sup>১</sup> আর কোন কথা বলিবার পূর্বেই ইন্স্পেক্টর কুটস জনতা ভেদ করিয়া সেই অট্টালিকার দ্বারের দিক অগ্রসর হইলেন, এবং দ্বারের সম্মুখে একটি ক্ষীণাঙ্গী যুবতীকে দেখিয়া অসকোচে তাহার হাত ধরিলেন। তিনি তাহাকে মিঃ ব্লেকের সম্মুখে টানিয়া আনিলে মিঃ ব্লেক দেখিলেন—যে যুবতী সেই সংবাদ-পত্র সম্পাদকের আফিসে কসিয়া চিঠিপত্র ‘টাইপ’ করিতেছিল—এ সেই যুবতী। যুবতী ‘হৈ-হৈ-বৈ-বৈ’ সম্পাদকের ‘টাইপিষ্ট’।

৬: ইন্স্পেক্টর কুটস সেই যুবতীকে উত্তেজিত স্বরে বলিলেন; “তোমাদের কর্তা কোথায় পলাইয়াছে বল।”

যুবতী বলিল, “কর্তা কে? কাহার কথা বলিতেছেন?”

৭: ইন্স্পেক্টর কুটস বলিলেন, “মিঃ কেনী বলিয়া যে নিজের পরিচয় দিয়াছিল; কিন্তু উহা যে তাহার আসল নাম নয়—তাহা এখন জানিতে পারিয়াছি। সেই পাজী বদমায়েসটা কোথায় পলাইয়াছে বল। এই ঘরে কি রকমে আশুন লাগিল, তাহাও তোমার কাছে শুনিতে চাই।”

যুবতী আতঙ্কবিহীন দৃষ্টিতে ইন্স্পেক্টর কুটসের মুখের দিকে চাহিল; তাহার চকু অশ্রুপূর্ণ হইল।—তবে তাহার মুচ্ছার উপক্রম হইল।

সে পড়িয়া যায় দেখিয়া ইন্স্পেক্টর কুটস তাহার মুখের দিকে চাহিয়া তাহাকে ধরিয়া ফেলিলেন, এবং তাহাকে আশ্রয় করিবার জন্ত বলিলেন, “তোমার কোন ভয় নাই, তুমি আমার প্রাণের ঠিক উত্তর দাও।”

যুবতী অশ্রুটস্বরে কাতরভাবে বলিল, “এ ঘরে কিরূপে আশুন লাগিল তাহা আমি জানিতে পারি নাই; মিঃ কেনী কোথায় তাহাও আমি জানি না। আমি ঠিকিনের সময় বাহিরে গিয়াছিলাম; টিফিন করিয়া আফিসে আসিলে দেখি ঘরে আশুন লাগিয়াছে! মিঃ কেনীর সন্ধান পাইলাম না; বোধ হয় তাহার পূর্বেই তিনি সরিয়া পড়িয়াছিলেন।”

ইন্স্পেক্টর কুটন সেই যুবতীকে জেরা করিয়া কোন কথা বাহির করিতে পারিলেন না। তিনি শুনিত্বে পাইলেন—সে ছই সপ্তাহ পূর্বে একখানি দৈনিক সংবাদ-পত্রে কর্মগালির বিজ্ঞাপন দেখিয়া ‘টাইপিষ্টের’ চাকরীর জন্ত দরখাস্ত করিয়াছিল। তাহার দরখাস্ত মঞ্জুর হওয়ার সে ‘হৈ-হৈ-রৈ-রৈ কাণ্ডের’ আফিসে টাইপিষ্টের পদে নিযুক্ত হইয়াছিল। সে এক সপ্তাহের বেতন পাইয়াছে, আর এক সপ্তাহের বেতন এখনও বাকি। দ্বিতীয় সপ্তাহ পূর্ণ হইবার পূর্বেই এই অগ্নিকাণ্ড !

যে বালকটি ‘বেয়ারা’র পদে নিযুক্ত হইয়াছিল—সে অদূরে দাঁড়াইয়া দমকলের সাহায্যে অগ্নিনির্ব্বাণের কৌশল লক্ষ্য করিতেছিল। ইন্স্পেক্টর কুটন তাহাকে চিনিতে পারিয়া তাহাকেও মিঃ ব্লেকের সম্মুখে ধরিয়া আনিলেন ; কিন্তু তাহাকেও জেরা করিয়া সম্পাদকের সম্বন্ধ জানিতে পারিলেন না। সেই বালক বলিল—সম্পাদক মিঃ কেনী এক সপ্তাহ পূর্বে তাহাকে আফিসের ‘বেয়ারা’ নিযুক্ত করিয়াছিল ; তাহার এই এক সপ্তাহের বেতন বাকী আছে, তজ্জিন্ন সে সম্পাদকের আদেশে নিজের পকেট হইতে পাঁচ সিলিং খরচ করিয়া ডাক-টিকিট কিনিয়া আনিয়াছিল। সম্পাদক কেনী তাহার নিকট হইতে টিকিটগুলি লইয়াছিল—কিন্তু মূল্য বাকি রাখিয়াছে। সুতরাং হৈ-হৈ-রৈ-রৈ কাণ্ডের আফিসে চাকরী করিয়া তাহার এক সপ্তাহের বেতন ও নগত পাঁচ সিলিং দণ্ড লাগিয়াছে। খবরের কাগজের আফিস পুড়িয়া গেল, সম্পাদক ফেরার ; সুতরাং টাকাগুলি উদ্ধারের আশা নাই বুঝিয়া সে কেনীকে গালি দিতে লাগিল।

ফায়ার-ইঞ্জিনগুলি অগ্নিনির্ব্বাণের জন্ত যথাসাধ্য চেষ্টা করিল বটে, কিন্তু কুড়ি মিনিটের মধ্যে ‘হৈ-হৈ-রৈ-রৈ কাণ্ডের’ আফিসের ছাদ অগ্নিদগ্ধ হইয়া ভড়মুড় শব্দে ভাঙ্গিয়া পড়িল। চারি দিকে যে সকল লোক জমাট বাঁধিয়া অগ্নিকাণ্ড দেখিতেছিল—তাহারা প্রাণভয়ে দূরে পলায়ন করিল। তাহারা বুঝিল হৈ-হৈ-রৈ-রৈ কাণ্ডের নাম সকল হইয়াছে।

মার্জেট ব্রাউন ইন্স্পেক্টর কুটনের সম্মুখে আসিয়া বলিল, “আফিস ত ভাঙ্গিয়া পড়িল, সঙ্গে সঙ্গে হৈ-হৈ-রৈ-রৈ কাণ্ডের অস্তিত্বও বিলুপ্ত হইল। উহার প্রথম

সংখ্যাই শেষ সংখ্যা ; দ্বিতীয় সংখ্যা আর বাহির হইবে না । এরকম হুজুকে কাগজের পরিণাম এইরূপই হইয়া থাকে ! পল সাইনস্ কি মতলবে এই কাগজ বাহির করিয়াছিল—তাহা অনুমান করা আমার অসাধ্য ।”

ইন্স্পেক্টর কুটস মাথা নাড়িয়া বলিলেন, “পল সাইনস্ কি মতলবে কোন্ কাজ করে—তাহা অল্প কেহ বুঝিতে পারে না । আজ সকালে আমি যখন সেই হল্‌দে কাগজের বিজ্ঞাপন দেখিয়াছিলাম—তখনই বুঝিয়াছিলাম—কোন একটা কাণ্ড-কারখানা ঘটবেই ঘটবে ।” (some thing was going to happen.)

সার্জেন্ট ব্রাউনের নাকে মুখে ধোঁয়া প্রবেশ করায় সে কাশিতে লাগিল, তাহার পর বলিল, “ধোঁয়ার চোটে গলা শুকাইয়া গিয়াছে ; গলাটা একটু ভিজাইয়া লইতে না পারিলে শরীর চাপা হইবে না ।”

কি উপায়ে শরীর চাপা হয় তাহা ইন্স্পেক্টর কুটসের অজ্ঞাত ছিল না, তাহারও গলা শুকাইয়া গিয়াছিল ; এজন্য তিনি সার্জেন্ট ব্রাউনের উক্তির সমর্থন করিয়া বলিলেন, “কয়েক গজ দূরেই মদের দোকান আছে ; এবং আমার পকেটে পাঁচ পাউণ্ডের একখানি নোটও আছে ; সুতরাং আমাদের পিপাসা শান্তি করা কঠিন হইবে না । ছিপ্‌ছিপে কনোলী ধরা পড়িবার ভয়ে চম্পট দিয়াছে বটে, কিন্তু তাহার নিকট হইতে যে পাঁচ পাউণ্ডের নোট আদায় করিয়াছি, তাহা দিয়া স্যাম্পেন কিনিয়া আমরা গলা ভিজাইতে পারিব—ইহাও মদের ভাল ।”

স্মিথ বলিল, “ও পল সাইনসের টাকা, হজম করিতে পারিবে না বাবা ! একবার তাহার টাকার ‘ম্যাগ্নিফিসেন্ট’ খানা খাইতে গিয়া অতি কষ্টে প্রাণ রক্ষা হইয়াছিল ; এবার কি হয় বলা যায় না ! আমি উহার মধ্যে নাই ।”

যাহা হউক, মি: ব্লেক প্রভৃতিকে সঙ্গে লইয়া ইন্স্পেক্টর কুটস অদূরবর্তী মদের দোকানে উপস্থিত হইলেন । কুটস মহানন্দে স্যাম্পেনের বোতল খুলিলেন, মি: ব্লেক চূফট টানিতে টানিতে পল সাইনসের স্বাক্ষরিত অদ্বিতীয় পত্রখানির কথা ভাবিতে লাগিলেন । তিনি জানিতেন পল সাইনস্ অসার দস্ত ভালবাসিত না, সে পত্রে যাহা লিখিত, তাহা কার্য্যে পরিণত করিত ; মিথ্যা কথায় কাহাকেও প্রতারিত করা তাহার অভ্যাস ছিল না । কিন্তু সে পত্রে যে কথা লিখিয়াছিল—

তাহা কিয়দেপে কার্যে পরিণত করিবে তাহা তিনি বুঝিতে না পারিয়া উৎকণ্ঠিত হইলেন। বার ঘণ্টার মধ্যে সে তাহার শত্রুগণকে আক্রমণ করিয়া বিপন্ন করিবে—ইহা অসম্বোধে তাহার গোচর করিয়াছিল;—কিন্তু কোথায় কি ভাবে সে তাহার অঙ্গীকার পূর্ণ করিবে—তাহা সে ভিন্ন অস্ত্র কাহারও ধারণা করিবার শক্তি ছিল না। মিঃ ব্লেক কেবল এই মাত্র বুঝিতে পারিয়াছিলেন—পল সাইনসের প্রচণ্ড আক্রমণ অব্যর্থ, এবং তাহার স্ত্রীত্ব গোধানল উত্তত বজ্রের স্তায় অবিলম্বে তাহার শত্রুগণের মস্তক লক্ষ্য করিয়া নিক্ষিপ্ত হইবে।

ইন্স্পেক্টর কুটস স্যাম্পেনের ম্যাস খাণি করিয়া বলিলেন, “চল এই মুহূর্তেই ইয়ার্ডে ফিরিয়া যাই। কনোলীকে গ্রেপ্তার করিবার জন্ত যথাসাধ্য চেষ্টা করিতে হইবে; যৎগুলি লোক হাতে পাই সকলকে চারি দিকে তাহার সন্ধানে পাঠাইয়া দিব। কনোলী তাহার কাগজের পসার বুঝির জন্ত যে অদ্ভুত উপায় অবলম্বন করিয়াছিল—তাহার মতিত পল সাইনসের বড়বস্ত্রের সম্বন্ধ আছে; সাইনসের সেই গুপ্ত বড়বস্ত্র ব্যর্থ করিতে হইবে। কিন্তু—ও আবার কি?”

ঠিক সেই মুহূর্তে দোকানের আর্দালী একখানি ‘ট্রে’র উপর ইন্স্পেক্টর কুটস-প্রদত্ত পাঁচ পাউণ্ডের নোটখানি রাখিয়া তাহা তাঁহাব সম্মুখে প্রসারিত করিল। এই নোটখানি তিনি সাইনস-বেশধারী পুরুষের লোকটির নিকট পাঠিয়াছিলেন, এবং তাহা দিয়া তিনি স্যাম্পেনের বোতল ক্রয় করিয়া বাকি টাকা ফেরত চাহিয়াছিলেন।

আর্দালী বলিল, “ম্যানেজার এই নোট লইতে পারিবেন না বলিলেন, এই জন্ত আমি ইহা ফেরত আনিলাম।”

ইন্স্পেক্টর কুটস সক্রোধে বলিলেন, “গোল্লায় যাক্ তোমাদেব ম্যানেজার! সে এ নোট লইতে পারিবে না কেন?—নোটের অপরাধ কি? আমাকে কি করিতে হইবে বল। উহার পিঠে কি আমার নাম ও ঠিকানা লিখিয়া দিতে হইবে?”

আর্দালী বলিল, “ঐ কার্য্যট স্থবিবেচনার কাজ হইবে না মহাশয়। অনর্থক কেন ফ্যাসাদে পড়িবেন? এ নোট খারাপ।” (the note is a bad one.)

ইন্স্পেক্টর কুটস বলিলেন, “কি বলিলে?”—তিনি তৎক্ষণাৎ নোটখানি

টানিয়া লইয়া তাহা তীক্ষ্ণদৃষ্টিতে পরীক্ষা করিতে লাগিলেন। সেই মুহূর্ত্তে সার্জেণ্ট ব্রাউন ইনস্পেক্টর কুট্‌সের সম্মুখে ঝুঁকিয়া-পড়িয়া নোটখানি দেখিতে লাগিল। ব্রাউন জাগ ও জালিয়াৎ সম্বন্ধে যথেষ্ট অভিজ্ঞতা লাভ করিয়াছিল; কোন জালিয়াৎ তাহাকে প্রভারিত করিতে পারিত না। জাগ নোট সে এক মাইল দূর হইতে দেখিলেও চিনিতে পারিত বলিয়া অহঙ্কার করিত। (it was his boast he could spot a 'dud' note a mile away.) ইনস্পেক্টর কুট্‌স যখন এই নোট পুংস্কার পাইয়াছিলেন—সেই সময় সে ইহা দেখিলে জাগ নোট বলিয়া চিনিতে পারিত।

ব্রাউন বলিল, “আর্দালীটা সত্য কথাই বলিয়াছে মহাশয়! আপনি প্রভারিত হইয়াছেন। এ জাল নোট। এই অচল নোট কে আপনার কাছে চালাইয়া গিয়াছে? দোকানদার ইহা লইয়া আপনাকে বাকি টাকা দিবে কেন?”

ইনস্পেক্টর কুট্‌স কি বলিবার চেষ্টা করিলেন, কিন্তু তখন তাঁহার গলা শুকাইয়া কাঠ হইয়াছিল; তাঁহার মুখ দিয়া একটা কথাও বাতির হইল না। তিনি বহুদর্শী ডিটেক্টিভ ইনস্পেক্টর, তাঁহার কাছে একটা বাজে লোক জাল নোট চালাইয়া গিয়াছে! স্যাম্পেনের দাম এখন তাঁহাকে নিজের পকেট হইতে বাহির করিয়া দিতে হইবে? কি বিড়ম্বনা!—মিঃ ব্লেক সকল কথা শুনিয়া মুখ ফিরাইয়া চুরুট টানিতে লাগিলেন; তিনি ইনস্পেক্টর কুট্‌সকে সাঙ্ঘনা দানের চেষ্টা করিলেন না।

স্মিথ বলিল, “হুই পেণীর কাগজ দেখাইয়া যখন ঐ পাঁচ পাউণ্ড মূল্যের উপহার লাভ করিয়াছিলেন—তখনই বুঝিয়াছিলাম উপহারে গলদ আছে। আপনি নোটখানি পাইয়াই বুঝি আনন্দে বাহুজ্ঞান রহিত হইয়াছিলেন? উহা আসল কি জাল—তাহা পরীক্ষা করিবারও-কুসং হয় নাই!”

ইনস্পেক্টর কুট্‌স গর্জন করিয়া বলিলেন, “তুমি থামো হে ছোকরা! হুই পেণী দানের কাগজ দেখাইয়া যে নোট পাওয়া গিয়াছিল—তাহা সচল কি অচল ইহা পরীক্ষা করিবার জন্ত কাহার আগ্রহ হয়? না, ইহা তখন আমি পরীক্ষা করি নাই। এই অচল নোট কি আমি ঘরে তুলিব ভাবিয়াছ?—সেই

ছিপ্‌ছিপে কনোনীটাকে একবার হাতে পাইলে হয় ; জাল নোট চালাইবার মজা তাহাকে বুঝাইয়া দিব। আমার সঙ্গে গোস্তাকি ? বেটা চোর, খাপ্লাবাজ, জালিয়াৎ, যুনে !”

সার্জেন্ট ব্রাউন বলিল, “সে পরের কথা পরে হইবে, এখন পকেট হইতে স্লাম্পেনের দামটা দিয়া এখান হইতে সরিয়া পড়ুন। আপনি পুলিশের লোক ; একে জাল নোট তাহাব উপর মদ কি নিয়া মদের দোকানে তাহা ভাঙ্গাইবার চেষ্টা—ইহা ত আপনার পক্ষে প্রশংসার কথা নয় !”

ইন্স্পেক্টর কুটস পকেট হইতে টাকার থলি ( wallet ) বাহির করিয়া অভ্যস্ত বিরাগ ভবে দোকানদারের প্রাপ্য টাকা প্রদান করিলেন। মিঃ ব্লেক ব্যাঙ্ক-নোটখানি টেবিলের উপর হইতে তুলিয়া লইয়া তাহা পরীক্ষা করিয়া বুঝিতে পারিলেন, নোটখানি জাল-নোট হইলেও জালিয়াতিতে যথেষ্ট দক্ষতার পরিচয় ছিল। যে উহা জাল করিয়াছিল, সে যে প্রথম শ্রেণীর জালিয়াৎ, এ বিষয়ে তিনি নিঃসন্দেহ হইলেন ; কিন্তু কে তাহা জাল করিয়াছিল তাহা তিনি কিরূপে বুঝিবেন ? তিনি ভাবিলেন, পল সাইনস্ নানা প্রকার অপকর্মে অভ্যস্ত, অবশেষে সে জালিয়াতিও আরম্ভ করিয়াছে না কি ? প্রত্যেক ছুর্‌ক্ষের অকুষ্ঠানেই সে অসাধারণ প্রতিভার পরিচয় দিতেছিল। সুতরাং পল সাইনস্ নোট জালও আরম্ভ করিয়াছিল—বলিয়াই তাহার ধারণা হইল ; বিশেষতঃ সে দিন যে সকল পাঁচ পাউণ্ডের নোট বিতরিত হইয়াছিল, সেগুলি সমস্তই জাল নোট—ইহাও তিনি বুঝিতে পারিলেন। তিনি ইন্স্পেক্টর কুটসকে বলিলেন, “কনোনী ওরফে মিন্ট-ই কেনী জাল নোট চালাইয়া জনসমাজকে প্রতারণিত করিয়াছে ; সে বুঝিয়াছিল তাহার প্রতারণা ধরা পড়িতে অধিক বিলম্ব হইবে না, এ জন্ম সে ঘরে আগুন লাগাইয়া আজই সরিয়া পড়িয়াছে ! কিন্তু এই এক দিনেই তাহার ছুর্‌ভিক্ষি সফল হইয়াছে। তাহার এই ছুর্‌ভিক্ষিটি কি—তাহাও আমরা বুঝিতে পারিয়াছি !”

শিথ বলিল, “এই ভাবে সে তাহার মুক্কি পল সাইনসের পলায়নে সাহায্য করিয়াছে !”

ইন্স্পেক্টর কুট্‌স মিঃ ব্লেকের নিকট বিদায় গ্রহণ করিয়া বলিলেন, “আমি ব্রাউনকে সঙ্গে লইয়া এখন ইয়ার্ডে চলিলাম ব্লেক ; পুলিশ কমিশনরের নিকট আমাদের তদন্ত-ফল রিপোর্ট করিতে হইবে। আমাদের তদন্ত-ফল শুনিয়া তিনি খুব খুসী হইবেন।—সময়ান্তরে তোমার সঙ্গে দেখা করিব।”

মিঃ ব্লেক স্বিথকে সঙ্গে লইয়া বেকার স্ট্রীটে যাত্রা করিলেন। পথে আসিয়া স্বিথ তাঁহাকে বলিল, “কর্ত্তী, পল সাইনস্ চৰ্ব্বিশ ঘণ্টার মধ্যেই একটা উড়ো দম্বাজিতে পুলিশকে খ খানাইয়া দিবে। আজ কয়েক ঘণ্টায় সে যে হাত দেখাইয়াছে—তাহার ধাক্কা সামলাইতেই তাহারা লবেজান!”

মিঃ ব্লেক বলিলেন, “হী স্বিথ, তোমার অনুমান সত্য। পুলিশ তাহার অভিসন্ধি বুঝিতে পারে নাই; সাইনস্ বড়ের মত বেগে একটা প্রচণ্ড বৃষ্টি-বাতাসের আমদানী করিয়া এরকম একটা বিকট হৈ-টৈ কাণ্ড বাধাইয়া বসিবে যে, সেই ধাক্কা সামলাইয়া উঠা কঠিন হইবে।”

স্বিথ বলিল, “আমরা যখন সম্পাদকের আফিসে গিয়াছিলাম—সেই সময় ইন্স্পেক্টর কুট্‌স কনোলীকে গ্রেপ্তার করিলে বিপদের আশঙ্কা অনেক কম হইত কর্ত্তী! বোধ হয় সাইনসের গুপ্ত-সঙ্কল্পে কিছু বাধাও পড়িত।”

মিঃ ব্লেক বলিলেন, “কিন্তু তাহা হইলে কুট্‌স কনোলীর নিকট কোন কথা জানিতে পারিত না। পল সাইনসের দলে বোধ হয় একজনও বিশ্বাসঘাতক নাই। যদি তাহার কোন অনুচর তাহার প্রতি বিশ্বাসঘাতকতা করিত তাঁহা হইলে সাত হাজার পাউণ্ড পুরস্কার ঘোষণা বিফল হইত না; সাইনস্কে ধরা পড়িত হইত। কনোলী পুরাতন পাপী, সে তিনবার জেল খাটিয়াছে, এই চতুর্থবার সে অপরাধ করার যাবজ্জীবন কারাদণ্ডের ভয়ে এদেশে পলাইয়া আসিয়াছে। নিউ ইয়র্কের পুলিশ তাহার মুখ হইতে কোন কথা বাহির করিতে পারিত না; লণ্ডনের পুলিশ, এমন কি, স্কটল্যান্ড ইয়ার্ড তাহার মুখ হইতে একটি কথাও কোনও উপায়ে বাহির করিতে পারিবে না।” (there's nothing Scotland Yard could do to get a word out of him.)

মিঃ ব্লেক গৃহে প্রত্যাগমন করিয়া পরিচ্ছদ পরিবর্তন করিলেন, এবং অগ্নিকুণ্ডের নিকটে বসিয়া ধূমপান করিতে লাগিলেন। তামাকের ধূমে সেই কক্ষ যেন আঁধার হইয়া গেল; তিনি গভীর চিন্তায় নিমগ্ন হইলেন! কিন্তু দীর্ঘকাল চিন্তা করিয়াও পল সাইনসের নূতন ষড়যন্ত্র বুঝিতে পারিলেন না। সে কোন্ শত্রুকে চূর্ণ করিবার জন্ত কি কৌশল অবলম্বন করিবে, অথবা সমাজের বিরুদ্ধে যুদ্ধ ঘোষণার জন্ত কি নূতন পন্থা অবলম্বন করিবে— তাহা তিনি অনুমান করিতে পারিলেন না। সাইনসের বিরুদ্ধে প্রমাণ সংগ্রহ করা কঠিন, তাহার মনের ভাব বুঝিতে পারা অধিকতর কঠিন ছিল। সে ইচ্ছা করিলে বহুস্থানেই ঠিক এক সময়ে প্রতিহিংসার আগুন জালিয়া লোমর্ষণ ধ্বংশলীলা আরম্ভ করিতে পারিত; ইহা বুঝিতে পারিয়া মিঃ ব্লেক তাঁহার নোট-বর্ডি খুলিয়া পল সাইনসের অপরাধের আমূল বৃত্তান্ত পাঠ করিতে লাগিলেন। সে পার্কমুণ্ড কারাগার হইতে মুক্তিলাভের পর একাল পর্য্যন্ত যে সকল অপকর্ম্য করিয়াছিল, এবং কর্তৃপক্ষকে অপদস্থ ও লাঞ্চিত করিবার জন্ত যে সকল পন্থা অবলম্বন করিয়াছিল—তাহার ধারাবাহিক বিবরণ আলোচনা করিয়া, তিনি তাহার শত্রুগণের নামের তালিকা পাঠ করিতে লাগিলেন। কিন্তু মিঃ ব্লেক সম্পূর্ণ তালিকা সংগ্রহ করিতে পারেন নাই। তিনি সাইনসের দুইজন প্রধান শত্রুর নাম দেখিতে পাইলেন— একজন তাহার কারবাদের বখরাদার জাবেজ নোল্যান্ড, দ্বিতীয় ব্যক্তি সার হারলি জেম্‌স।—এই দুই ব্যক্তিকে তাহার ষড়যন্ত্রে চূর্ণ হইতে হইয়াছিল; কিন্তু সে তখন তাহার অনেক শত্রুকে বিধ্বস্ত করিবার জন্ত কৃতসম্বল হইয়াছিল। মিঃ ব্লেক তাহার অনেকগুলি শত্রুর পরিচয় জানিতেন, তাঁহারা বেছেছায় হউক বা ঘটনাচক্রে পড়িয়াই হউক, তাহার বিরুদ্ধাচরণ করিয়াছিলেন; কিন্তু সাইনস্ এবার তাঁহাদের মধ্যে কাহার সর্বনাশের সঙ্কল্প করিয়াছিল— তাহা তিনি কিরূপে বুঝিবেন?

মিঃ ব্লেক সন্ধান লইয়া জানিতে পারিয়াছিলেন, পল সাইনসের কোন কোন শত্রু পূর্বেই প্রাণত্যাগ করিয়াছিল; কেহ কেহ তাহার কবল হইতে



মুক্তিলাভের আশায় দেশান্তরে পলায়ন করিয়াছিল,—তাহারা বহু দূরদেশে বাস করিতেছিল। অনেকে নিরুদ্দেশ হইয়াছিল; একজ্ঞ তাহাদিগকে শাস্তি দেওয়ার উপায় ছিল না। পুলিশের দৃষ্টি অতিক্রম করিয়া তাহাদিগকে দণ্ডিত করিবার চেষ্টা করাও তাহারা অসাধ্য হইয়াছিল।

পল সাইনস্ মিঃ ব্লেককেও মহাশত্রু মনে করিত, এবং মিঃ ব্লেকেরও তাহা অজ্ঞাত ছিল না; স্মরণ্য পল সাইনস্ স্বেচ্ছায় পাইলেই যে তাঁহাকে বিপন্ন ও বিধ্বস্ত করিবার চেষ্টা করিবে—তাহা তিনি জানিতেন। কিন্তু তিনি নিজের অনিষ্টাশঙ্কায় মুহূর্তের জ্ঞাত বিচলিত হন নাই; এমন কি, সেই দিন প্রভাতে তিনি পল সাইনসের স্বাক্ষরিত যে খুঁটতাপূর্ণ পত্রখানি পাইয়াছিলেন—তাহার কথাও তিনি বিস্মৃত হইয়াছিলেন। তিনি ঘণ্টার পর ঘণ্টা ধরিয়া চুকট টানিতে টানিতে ভবিষ্যৎ কর্তব্য সম্বন্ধে চিন্তা করিতে লাগিলেন।

মিঃ ব্লেক একথাও বুঝিতে পারিলেন যে, এবার পল সাইনস্ তাহার কার্যপ্রণালীর পরিবর্তন করিয়াছে। পূর্বে সে বাহার সর্বনাশের সঙ্কল্প করিত, তাহান নাম প্রকাশ করিত, তাহার বিরুদ্ধে প্রকাশ্যভাবে যুদ্ধ-ঘোষণা করিত; কিন্তু এবার সে সঙ্কল্প গোপন রাখিয়াছে। তাহার গুপ্ত সঙ্কল্প প্রকাশিত হইলে তাহা কার্যে পরিণত করা কঠিন হইবে, এবং মিঃ ব্লেক ও পুলিশ তাহা বার্থ করিবার চেষ্টা করিবেন; অধিকন্তু তাহাকে বিপন্ন হইতে হইবে,—পূর্ব-অভিজ্ঞতা হইতে ইহা বুঝিতে পারিয়া সে সতর্ক হইয়াছিল।

স্মিত হঠাৎ লাম্বাইয়া উঠিল, এবং ব্যগ্রভাবে জানালার নিকট উপস্থিত হইল। সে মিঃ ব্লেককে উত্তেজিত স্বরে বলিল, “কর্ত্তা, কাগজ-বিক্রেতার পল সাইনসের নাম করিয়া কি হাঁকিয়া যাইতেছে। সাক্ষ্য দৈনিকে কি তাহার সম্বন্ধে কোন নূতন সংবাদ প্রকাশ হইয়াছে?”—স্মিত ছই এক মিনিট কান পাতিয়া কি শুনিল, তাহার পর তাড়াতাড়ি নীচে নামিয়া গিয়া, পথ হইতে একখানি সাক্ষ্য দৈনিক কিনিয়া আনিল।—সেই দৈনিকখানি সে

রুদ্ধনিশ্বাসে পাঠ করিতেছিল। সে কাগজখানি মিঃ ব্লেকের সম্মুখে রাখিয়া কোতুহল ভরে বলিল, “কর্তা, ‘ইভ’নিং নিউজে’ কি খবর বাহির হইয়াছে পড়িয়া দেখুন। অদ্ভুত ব্যাপার !”

মিঃ ব্লেক বলিলেন, “কি বাহির হইয়াছে ?”

শ্মিথ বলিল, “পল সাইনসের স্বাক্ষরিত একখানি পত্র।—এই পত্রে সে পুলিশকে কঠোর ভাষায় গালি দিয়াছে ; সদস্তে লিখিয়াছে—আজ মধ্যাহ্নে সে পূর্ণ এক ঘণ্টা কাল স্বাধীনভাবে পুলিশের চক্ষুর উপর বিচরণ করিয়াছে ; কেবল তাহাই নহে—সে স্কটল্যান্ড ইয়ার্ডের একজন প্রধান কর্মচারীর সম্মুখে দাঁড়াইয়া তাহার সহিত আলাপ করিয়াছে, এবং লণ্ডনের সর্ব্ব শ্রেষ্ঠ ডিটেক্টিভের সম্মুখ দিয়া অবলীলাক্রমে চলিয়া গিয়াছে ;—কিন্তু তাহারা তাহাকে চিনিতে পারে নাই !”

শ্মিথের কথা শুনিয়া মিঃ ব্লেকের মুখ হঠাৎ গম্ভীর হইল ; তিনি কাগজখানি খুলিয়া প্রথমেই একখানি হাতে-লেখা পত্রের অবিকল নকল দেখিতে পাইলেন। পল সাইনস্ যে পত্রখানি লিখিয়াছিল—তাহার ফটো প্রকাশিত হইয়াছিল ; স্মতবাং তাহা যে পল সাইনসের স্বহস্ত-লিখিত পত্র ইহা অস্বীকার করিবার উপায় ছিল না। পত্রের নীচে তাহার স্বাক্ষর ছিল। সেই হস্তাক্ষর মিঃ ব্লেকের সুপরিচিত। মিঃ ব্লেক রুদ্ধ নিশ্বাসে পল সাইনসের পত্রখানি পাঠ করিতে লাগিলেন।

পত্রখানি এইরূপ :—

“জন সাধারণের নিকট স্কটল্যান্ড ইয়ার্ড সত্য কথা গোপনের চেষ্টা করিলে তাহা কি তাহাদের পক্ষে সম্ভব হইবে ? না, সত্য গোপনের অধিকার তাহাদের নাই। কিন্তু আজ বার ঘণ্টার মধ্যে তাহারা ঐরূপ চেষ্টা করিবেন—এ কথা আমি দৃঢ়তার সহিত বলিতেছি, এবং ‘ইভ’নিং নিউজ’ ও অন্যান্য সংবাদ-পত্রের প্রতিনিধিগণকে অনুরোধ করিতেছি—তাহারা আগামী কল্য বেলা নয় ঘটিকার সময় সদলে স্কটল্যান্ড ইয়ার্ডের মুদ্রায়ন্ত্র বিভাগে (press department) উপস্থিত হইয়া সেখানে দাবী করিবেন—স্কটল্যান্ড ইয়ার্ড যে সকল লোমাঞ্চকর ঘটনার কথা জানিতে পারিয়াছে—তাহা বিস্তারিত ভাবে তাঁহাদের নিকট

প্রকাশ করা হটক ; কারণ সেই সকল ঘটনার বিবরণ তাঁহাদের জানিবার অধিকার আছে।

“পৃথিবীর মধ্যে সর্বাপেক্ষা অধিক কর্তব্যনিষ্ঠ, দায়িত্ব-জ্ঞানসম্পন্ন, সুনিয়ন্ত্রিত পুলিশ বলিয়া যাহারা দণ্ড প্রকাশ করিতে লজ্জিত হয় না—সেই লণ্ডন-পুলিশ যদি শান্তি রক্ষায় অসমর্থ হয়, জনসাধারণকে রক্ষা করিতে অকৃতকার্য হয়, (failure to protect the public) তাহা হইলে তাহাদের সেই অসামর্থ্য ও অপদার্থতার পরিচয় গোপন করা সম্পূর্ণ অশ্রায় ও অসঙ্গত ; এবং প্রকৃত সত্য জনসাধারণের গোচর করা অবশ্য কর্তব্য। পল সাইনস্ পুনর্বার যে যুদ্ধ আরম্ভ করিবেন—তাহাতে তিনি নিঃসন্দেহে জয়লাভ করিবেন। কিন্তু তিনি পুলিশের শক্তি ও সম্বলের বনিয়াদ পর্যাপ্ত (the very foundations of its power and prestige.) আলোড়িত করিবার জন্ত যে কঠোর দণ্ডাঘাত করিবেন—তাহার বিবরণ জনসাধারণের নিকট গোপন করিবার জন্ত স্কটল্যান্ড ইয়ার্ড যথাসাধা চেষ্টা করিবে (Scotland Yard will make every attempt to keep the nation in ignorance...)—এ কথা আমি—পল সাইনস্ দৃঢ়তার সহিত প্রকাশ করিতেছি।”

## পঞ্চম প্রসঙ্গ

### নৈশ-আহ্বান

মিঃ ব্লেক পল সাইনসের স্বাক্ষরিত সেই স্পষ্টাঙ্গ পত্রখানি 'ইভ'নি নিউজে' পাঠ করিয়া একটা চাপা দীর্ঘনিশ্বাস ত্যাগ করিলেন। ইহা কি পল সাইনসের অসার ধাপ্তাবাজি, না স্কটল্যাণ্ড ইয়ার্ডকে অপদস্থ ও বিপন্ন করিবার জন্ত অব্যর্থ দণ্ডাঘাত—তাহা তিনি বুঝিতে পারিলেন না। কিন্তু পুলিশকে লাজিত করিবার জন্ত পল সাইনস্ যে কোন বিরাট ষড়যন্ত্র প্রবৃত্ত হইয়াছে, এবং বিপন্ন পুলিশ অপদস্থ হইয়া তাহাদের লাজনার কথা সংবাদ-পত্রের প্রতিনিধিগণের নিকট গোপন করিবে, বুঝিয়া সে জনসাধারণকে সতর্ক করিয়াছে—এ কথা মিঃ ব্লেক অবিশ্বাস করিতে পারিলেন না। তিনি জানিতেন—দেশের লক্ষ লক্ষ লোক স্কটল্যাণ্ড ইয়ার্ডকে তাহাদের 'মু'হুর আশান' বলিয়া মনে করে, বিপদে সঙ্কটে তাহার অসাধারণ শক্তির উপর নির্ভর করে;—সেই স্কটল্যাণ্ড ইয়ার্ডকে যদি দেশের জনসাধারণের নিকট অসার, অপদার্থ, পক্ষু বলিয়া প্রতিপন্ন করিতে পারা যায়—তাহা হইলে দেশের শান্তি ও শৃঙ্খলাকে সে বিশ্বের সম্মুখে উপহাসাম্পদ করিতে পারিবে। দেশের সর্বত্র অরাজকতা আরম্ভ হইবে, সবেগে লুণ্ঠ-তরাজ চলিবে। পল সাইনসের কার্যে প্রতিপন্ন হইবে—গবর্নমেন্টের নিয়ন্ত্রিত শক্তিশালী পুলিশ অপেক্ষা পল সাইনস্ অধিকতর বলবান! তাহার নেতৃত্বের নিকট সকলেরই মস্তক অবনত হইবে।

কিন্তু মিঃ ব্লেক এ কথা বিশ্বাস করিতে পারিলেন না। সাইনস্ প্রাণভয়ে পলায়ন করিয়া নানা স্থানে গোপনে বাস করিতেছিল, সে পুলিশের বিরুদ্ধে ষড়যন্ত্র করিয়া তাহাদের অপদস্থ করিতে সাহস করিবে—ইহা তাহার অসাধ্য বলিয়াই তাঁহার মনে হইল। তিনি তাঁহার হাতের কাগজখানি অবজ্ঞাভরে

টেবিলের উপর নিক্ষেপ করিয়া বলিলেন, “সাইনস্ বোধ হয় ফেপিয়া গিয়াছে! সে পুলিশকে অপদস্থ করিয়া জনসমাজকে আতঙ্কিতভূত করিবার সঙ্কল্প করিয়াছে, এবং সংবাদপত্রে নিজের ঢাক বাজাইয়া (self-advertisement) সমাজে প্রাধান্য স্থাপনের চেষ্টা করিতেছে। আজ রাতে সে স্কটল্যান্ড ইয়ার্ডের নিকট হয় ত কোন রকম ‘নাটুকে ভড়ৎ’ (dramatic coup) প্রকাশ করিবে; তাহার ফলে কাল সকালে সকল ঘটনাপ কথা জানিবার জন্য কোলাহল আরম্ভ হইলে তাহাতে বিশ্বয়ের কোন কারণ নাই।”

শ্রীমতী বলিল, “তা বটে, কিন্তু পল সাইনসের এরূপ যড়যন্ত্রের ফল অনিষ্টজনক হইবে বলিয়াই মনে হয়। সাইনস্ কি মতলবে এই চাল চালিতেছে তাহা জানিতে পারিলে বোধ হয় আমাদের ততদূর হুঁচিন্তা হইত না; কিন্তু আমরা অন্ধকারে বসিয়া থাকিয়া কিছুই জানিতে পারিতেছি না। আমাদের নিস্তরু ভাবে বসিয়া থাকা ভিন্ন অন্য কোন উপায় নাই; তবে এ কথা সত্য যে, সাইনস্ যখনই ভয় প্রদর্শন করিয়াছে—তখনই কোন না কোন বিভ্রাট ঘটিয়াছে! সেই সকল কথা আপনারও বোধ হয় স্মরণ আছে। সে চিঠি নিগিয়া জাবেজ নোল্যান্ডকে চূর্ণ করিয়াছিল। সাইনস্ প্রকাশ্য ভাবে ঘোষণা করিয়াছিল—সে নেশনাল রুটীশ ব্যাঙ্কের দশ লক্ষ পাউণ্ড লুট করিবে। স্কটল্যান্ড ইয়ার্ড ইহা অবিশ্বাস্য বলিয়া উড়াইয়া দিয়াছিল; কিন্তু অবশেষে দেখা গেল—সাইনসের চেষ্টা প্রায় সফল হইয়াছিল। তাহার পর সে যখন ষ্টেডফোর্ট লাইফ ইনসিওরেন্স কোম্পানীকে বিধ্বস্ত করিতে কৃতসঙ্কল্প হইয়াছিল—তখন তাহা তাহার অসাধ্য বলিয়াই আমাদের মনে হইয়াছিল; কিন্তু সে তাহার সেই সঙ্কল্প প্রায় সফল করিয়াছিল—ইহা আমরা সকলেই জানি। এইবার আবার সে পুলিশের বিরুদ্ধে যুদ্ধ ঘোষণা করিয়াছে। এক ভজুকে সংবাদপত্র প্রকাশ করিয়া এরূপ কৌশলে তাহার বিজ্ঞাপন প্রচার করিতে আরম্ভ করিল যে, সে লন্ডনের রাজপথে প্রকাশ্য ভাবে ঘুরিয়া বেড়াই লও কেহ তাহাকে গ্রেপ্তার করিতে সাহস করিল না! সে নিব্বিরুদ্ধে অস্ত্রধারী করিয়া উৎকট দণ্ডে পুলিশের মনে আতঙ্ক সঞ্চারের চেষ্টা করিয়াছে, জাল

নোট চালাইয়া ইন্স্পেক্টর কুটসের মত চতুর গোয়েন্দাকেও প্রতারিত ও অপদস্থ করিয়াছে !”

মিঃ ব্লেক কোন কথা না বলিয়া নিস্তক্ৰ ভাবে ধূমপান করিতে লাগিলেন ; তিনি কি বলিবেন—তাহা স্থির করিতে পারিলেন না। পল সাইনস্, ছদ্মবেশে প্রকাশ্য রাজপথে তাঁহাকে ও ইন্স্পেক্টর কুটসকে প্রতারিত করিয়াছিল—ইহা তিনি অস্বীকার করিতে পারিলেন না ; অথচ সে সময় তাহাকে সাইনস্ বলিয়া গ্রেপ্তার করিতে তাঁহাদের সাহস হয় নাই ! ইন্স্পেক্টর কুটস তাহাকে কাগজ দেখাইয়া পাঁচ পাউণ্ডের জাল নোট লইয়াই ছাড়িয়া দিয়াছিলেন। ‘ইউনিং নিউজে’ সাইনস্ যে কথা লিখিয়াছিল—তাহা ত মিথ্যা নহে। সে দয়া করিয়া তাঁহার ও ইন্স্পেক্টর কুটসের নাম উল্লেখ করে নাই ; তাঁহাদের নাম প্রকাশ করিলে তাঁহারা অধিকতর অপদস্থ হইতেন।

মিঃ ব্লেক পল সাইনসের স্পর্ধার পলিচয়ে অত্যন্ত ক্রুদ্ধ হইলেন বটে, কিন্তু তাহাকে শাস্তি দেওয়ার কোন উপায় স্থির করিতে পারিলেন না। সেই রাত্রে সাইনসের সঙ্কল্পে বাধা দেওয়া তাঁহার অসাধ্য মনে হইল। লণ্ডনের কোন অংশে সে কখন কি ভাবে তাহার ছুরভিসন্ধি সফল করিবে—তাহা তিনি কি উপায়ে জানিতে পারিবেন ?

রাত্রি এগারটা বাজিল। মিঃ ব্লেক তখনও চেয়ারে বসিয়া ধূমপান করিতে করিতে নানা কথা চিন্তা করিতে লাগিলেন। অথচ তাঁহার অদূরে বসিয়া কাগজ হাতে লইয়া পুনঃ পুনঃ হাঁই ভুলিতে লাগিল, তাহার পর বিরক্ত হইয়া শয়ন করিতে চলিল।

আরও দশ মিনিট পরে বহির্দ্বারে বৈছাতিক ঘণ্টার বান্‌বানি শুনিয়া মিঃ ব্লেক সিঁড়ি দিয়া নীচে নামিলেন ; তত রাত্রে কে দেখা করিতে আসিয়াছে বুঝিতে না পারিয়া তিনি রুদ্ধদ্বারের সম্মুখে দাঁড়াইয়া বলিলেন, “কি তুমি ?”

উত্তরের পরিবর্তে বাহিরে দাঁড়াইয়া কে শিব দিল। মিঃ ব্লেক বুঝিতে পারিয়া তৎক্ষণাৎ দ্বার খুলিয়া দিলেন। ইন্স্পেক্টর কুটস তাঁহার সঙ্গে দ্বিতলে চলিলেন। কুটস চেয়ারে বসিয়া হাঁপাইতে হাঁপাইতে চারি দিকে চাহিলেন,

তাহার পর ছইকির বোতল ও গ্লাস টানিয়া লইয়া আধ গ্লাস নিৰ্জলা ছইকি গলাধঃকরণ করিলেন ! এই ভাবে গলা ভিজাইয়া লইবার পর তাহার মুখ দিয়া কথা বাহির হইল। মদ না গিলিলে অনেক মাতালের বাক্যস্মৃতি হয় না !

ইন্স্পেক্টর কুটস বলিলেন, “ব্লেক, আমি ঠিক বুঝিয়াছিলাম—এখনও তুমি জাগিয়া আছ। আমি রাত্রি এগারটা পর্যন্ত আফিসেই ছিলাম। এগারটার সময় স্কটল্যাণ্ড ইয়ার্ডের দরজা বন্ধ হইলে আমি তোমার সঙ্গে দেখা করিতে আসিলাম।”

মিঃ ব্লেক বলিলেন, “অসময়ে যখন আসিয়াছ—তখন নিশ্চয়ই কোন জরুরি সংবাদ আছে।”

ইন্স্পেক্টর কুটস মিঃ ব্লেকের টেবিল হইতে একটি চুরুট লইয়া বলিলেন, “ইভ্‌নিং নিউজে পল সাইনসের একখান পত্র প্রকাশিত হইয়াছে—তাৎ দৈখিয়াছ কি ? সেই পাজীটা আজ রাত্রে কি কাণ্ড করিয়া বসিবে বুঝিতে না পারায় আমার বড় হুঁশ্চিত্তা হইয়াছে।”

মিঃ ব্লেক বলিলেন, “হাঁ, ‘ইভ্‌নিং নিউজ’ দৈখিয়াছি বটে, কিন্তু সাইনসের পত্রের মর্ম্মটা ঠিক বুঝিতে পারি নাই; তবে তাহাদ কথাগুলি অবিশ্বাস করিবাব কারণ নাই। আজ রাত্রে কি ঘটবে না ঘটবে তাহা আমি বলিতে না পারিলেও—এ কথা নিঃসন্দেহে বলিতে পারি যে, লণ্ডনের অধিকাংশ সংবাদ-পত্রের রিপোর্টার কাল সকালে স্কটল্যাণ্ড ইয়ার্ডে উপস্থিত হইয়া সাইনসের পত্রের মর্ম্ম জানিবার জন্ত তোমাদিগকে অস্থির করিয়া তুলিবে। সংবাদ-পত্রগুলি অনেক সময় পুলিশকে সাহায্য করে বটে, কিন্তু কখন কখন বিড়ম্বনাজনকও (nuisance) হইয়া উঠে।”

ইন্স্পেক্টর কুটস বলিলেন, “এই ব্যাপাবে আমি ভয়ঙ্কর বিক্রম হইয়া পড়িয়াছি; আজ রাত্রে আমি ঘুমাইবার আশা ত্যাগ করিয়াছি। পল সাইনস্ কিরূপ বড়বড় আরম্ভ করিয়াছে তাহা জানিবার জন্ত আমি আমার এক বৎসরের বেতন ব্যয় করিতে প্রস্তুত আছি।”

মিঃ ব্লেক বলিলেন, “তোমাদের পক্ষ হইতে কিয়ৎ সতর্কতা অবলম্বন করা হইয়াছে?”

ইন্স্পেক্টর কুটস বলিলেন, “যতটুকু করা যাইতে পারে—তাহাই করা হইয়াছে; প্রত্যেক থানায় সংবাদ দেওয়া হইয়াছে। কিন্তু পুলিশ ত সর্বত্রই সতর্ক আছে; এ অবস্থায় তাগিদ দিয়া আর কি অধিক মুকলের প্রত্যাশা করা যাইবে? সাইনস্ লগনের কোন পল্লীতে উপদ্রব আরম্ভ করিবে—তাহা জানিতে পারিলে আমরা সেখানে অতিরিক্ত পুলিশ মোতায়েন করিতে পারিতাম। (extra men could be detained for duty).—তুমি কি কিছু সিদ্ধান্ত করিতে পারিয়াছ?”

মিঃ ব্লেক মাথা নাড়িয়া বলিলেন, “আমি অন্ধকারে হাতড়াইয়া বেড়াইতেছি; অল্পমানে নির্ভর করিয়া কি সিদ্ধান্ত করিব বল। সাইনস্ এবার তাহার মতলবের কথা ত প্রকাশ করে নাই। আমরা এইমাত্র জানিতে পারিয়াছি—সে লগনের কোন স্থানে লুকাইয়া আছে।—ছিপ্ছিপে কনোলী নিউটন স্ট্রীটের আফিসে আশুন লাগাইয়া অন্তর্দ্বন্দ্বন করিয়াছে; তাহার কোন সন্ধান পাইয়াছ?”

ইন্স্পেক্টর কুটস বলিলেন, “না, সে একদম ফেরার! আমি তাহার সম্পাদিত কাগজের মুদ্রাকর ও প্রকাশকের সহিত দেখা করিয়াছিলাম; কিন্তু তাহার কনোলী সম্বন্ধে কোন কথা বলিতে পারিল না। আমি আরও জানিতে পারিয়াছি—সেই প্রতারক সম্পাদকের আফিস হইতে যে সকল পঁাচ পাউণ্ডের নোট উপহারস্বরূপ বিতরণ করা হইয়াছিল—সেগুলি সমস্তই জাল নোট!”

মিঃ ব্লেক হাসিয়া বলিলেন, “হাঁ, তুমি ত নিজেই একজন ভুক্তভোগী। সাইনসের চাতুরী ভেদ করা কিয়ৎ কঠিন তাহাও তুমি জান।”

ইন্স্পেক্টর কুটস নিস্তব্ধভাবে চেয়ারে বসিয়া ধূমপান করিতে লাগিলেন; ক্রমে রাত্রি বাঁটো বাঞ্জিল, তখনও তিনি উঠিলেন না। মিঃ ব্লেকও তাঁহাকে বসাইয়া রাখিয়া শয়ন-কক্ষে প্রবেশ করিতে পারিলেন না। পল সাইনস্



দেই রাত্রে লগনের কোন্ অংশে কাহার কি লক্ষ্যনাশ করিবে—এই চিন্তার তাঁহাদের চকুতে নিদ্রার আবির্ভাব হইল না। (the thought was not one to induce sleep.)

হঠাৎ টেলিফোনের ঘণ্টা বন্-বন্ শব্দে বাজিয়া উঠিল। মিঃ ব্লেক জর ফুক্তি করিয়া টেলিফোনের কলের দিকে দৃষ্টিপাত করিলেন। তাহার পর অশ্রুটস্থরে বলিলেন, “রাত্রি বারটা বাজিয়া গিয়াছে—এরকম অসময়ে কে আমাকে টেলিফোনে ডাকিতেছে? এ সময় আমি সাড়া দিতে চাহি না। লোকটা ডাকিয়া ডাকিয়া হয়রান হউক।”

ইন্স্পেক্টর কুটল বলিলেন, “না, তোমার সাড়া না দেওয়া সঙ্গত হইবে না, বিশেষতঃ আজ রাত্রে। কে কি উদ্দেশ্যে এই অসময়ে তোমার সন্ধান করিতেছে—তাহা জানিতে হইবে বৈ কি!”

মিঃ ব্লেক উঠিয়া গিয়া ‘রিসিভার’ তুলিয়া লইলেন, এবং রং করিয়া অত্যন্ত অসন্তুষ্ট স্বরে সাড়া দিলেন।

প্রশ্ন হইল, “মিঃ ব্লেক! আপনিই কি মিঃ ব্লেক?”—কণ্ঠস্থরে উত্তেজনা ও ব্যাকুলতার অভাব ছিল না।

মিঃ ব্লেক বলিলেন, “কি বিপদ! আমি ত বলিয়াছি—আমিই রবার্ট ব্লেক, আপনি কে?” (who are you?)

উত্তর হইল, “আমি—বিচারপতি সোয়েন্ কথ্য বলিতেছি;—হাঁ, আমার নাম বিচারপতি এন্ড্রু সোয়েন্। আপনি এই মুহূর্তেই আপনার সঙ্গে দেখা করিতে চাই মিঃ ব্লেক! আপনি দয়া করিয়া আসুন। আমার বিশ্বাস, অবিলম্বে কোন সাংঘাতিক বিপদের সম্ভাবনা অপরিহার্য্য।”

“বিচারপতি এন্ড্রু সোয়েন্ এই রাত্রি বারটার সময় আমার সঙ্গে দেখা করিতে উৎসুক! কে তিনি? পল সাইনসের সঙ্গে তাঁহার কি কোন সম্বন্ধ আছে?”—মনে মনে এই কথা বলিয়া মিঃ ব্লেক বাঁ-হাতে নোট-বহিধানি টানিয়া লইয়া খুলিলেন, তাহার পাঁতা উল্টাইয়া দেখিলেন—ঘোল বৎসর পূর্বে পল সাইনস্ নরহত্যার অভিযোগে দায়রা-সোপর্দ হইলে, যে বিচারক

নিরপরাধ পল সাইনসের প্রাক্কলের আদেশ প্রদান করিয়াছিলেন—তিনিই বিচারপতি এনড্রু সোয়েন! ভ্রান্ত ছুরিদের সহিত তাঁহার মতের ঐক্য হওয়ায় সেই বিচার-বিলাটের জন্ত তিনিও আংশিকভাবে দায়ী ছিলেন। সুতরাং পল সাইনস্ যে তাঁহার নাম শত্রু-তালিকাভুক্ত করিয়া তাঁহাকেও বিধ্বস্ত করিবার চেষ্টা করিবে—এবিষয়ে সন্দেহের অবকাশ ছিল না। পল সাইনস্ সর্বাগ্রেই তাঁহার বিরুদ্ধে প্রতিনিহংসার দণ্ড উদ্ভোলিত করিলেও বিশ্বাসের কোন কারণ ছিল না। মিঃ ব্লেক সেই গভীর রাত্রে টেলিফোনের তারের ভিতর দিয়া বিচারপতি সোয়েনের কর্তৃত্বের আতঙ্ক ও উৎকর্ষার আভাস পাইয়া বিন্দুমাত্র বিস্মিত হইলেন না; তাঁহার ধারণা হইল—এবার বিচারপতি সোয়েনের পালা! পল সাইনস্ এতদিন পরে তাঁহাকেই চূর্ণ করিবার জন্ত সংহারাজ্ঞ উদ্ভূত করিয়াছে!

মিঃ ব্লেক বলিলেন, “রাত্রি বারটা বাজিয়া গিয়াছে, এখন অত্যন্ত অসময়; আপনার কি আশঙ্কার কোন কারণ আছে?”

বিচারপতি সোয়েন অধীর স্বরে বলিলেন, “মিঃ ব্লেক, আশঙ্কার কারণ না থাকিলে এই রাত্রি বারটার সময় আপনাকে বিরক্ত করিতাম? হাঁ, আমার জীবন বিপন্ন হইয়া উঠিয়াছে। আমি সেই নবপিশাচ পল সাইনসের নিকট হইতে যে সংবাদ পাইয়াছি তাহা অত্যন্ত আতঙ্কদায়ক। সে আমাকে যে ভয় প্রদর্শন করিয়াছে—তাঁহা মিথ্যা বলিয়া মনে হয় না। আমার বিশ্বাস, প্রভাতের পূর্বেই সে আমার সর্বনাশ করিবে; বোধ হয় আমার মৃত্যু অনিবার্য। ‘আপনি নয় করিয়া আসুন, আর এক মুহূর্ত্ত বিলম্ব করিবেন না!’

ইনস্পেক্টর কুট্‌স বিচারপতিব কথা শুনিতে না পাইলেও মিঃ ব্লেকের কথা শুনিয়া বুঝিলেন—মিঃ ব্লেক টেলিফোনে কোন ছঃসংবাদ পাইয়াছেন। তিনি ব্যাকুল স্বরে বলিলেন, “ব্যাপার কি ব্লেক!—টেলিফোনে নিশ্চয়ই কোন মন্দ সংবাদ পাইয়াছে। কে তোমাকে ডাকিয়া কি কথা বলিল?”

মিঃ ব্লেক ইনস্পেক্টর কুট্‌সকে নিস্তঙ্ক হইবার জন্ত ইঙ্গিত করিয়া—টেলিফোনের রিসিভারের নিকট গন্ত স্থাপন করিয়া দৃঢ়স্বরে বলিলেন, “আপনি বলিলেন, পল

সাইনসের নিকট হইতে আপনি সংবাদ পাইয়াছেন!—কি সংবাদ পাইয়াছেন বলুন তা। সে আপনাকে কিরূপ ভয় প্রদর্শন করিয়াছে ?”

বিচারপতি বলিলেন, “তাহা আমি ঠিক বলিতে পারিব না, কারণ আমি নিশ্চিত কিছুই জানিতে পারি নাই; তবে টেলিফোনে যে সংবাদ পাইয়াছি— তাহা অত্যন্ত আতঙ্কজনক! আপনি আর বিলম্ব করিবেন না, দয়া করিয়া শীঘ্র—এই মুহূর্তেই আমুন মিঃ ব্লেক! আপনি এখানে আসিলে সকল কথা আপনাকে বুঝাইয়া দেওয়ার চেষ্টা করিব। টেলিফোনে সেই সকল কথা আপনাকে বলিতে আমার সাহস হয় না। আপনি আমার বাড়ীর ঠিকানা জানেন না কি? আমার বাড়ীর ঠিকানা—ডল্‌উইচ পল্লীর রেড্‌ হাউস।—আপনি এই মুহূর্তেই আসিবেন কি?”

মিঃ ব্লেক বলিলেন, “তা আসিতে পারি, তবে কি না”—কিন্তু তাঁহার কথা শেষ হইবার পূর্বেই খট্‌ করিয়া শব্দ হইল—সঙ্গে সঙ্গে ‘লাইন্‌’ বন্ধ হইয়া গেল। মিঃ ব্লেক আর কোন সাড়া পাইলেন না। বিচারপতির ভয়ানক কণ্ঠ নীরব!—মিঃ ব্লেক অগত্যা রিসিভার নামাইয়া রাগিয়া ইন্স্পেক্টর কুট্‌সের নিকট কিরিয়া আসিলেন।

ইন্স্পেক্টর কুট্‌স অসহিষ্ণুভাবে বলিলেন, “এই রাত্রি বারটার পর কে—”

মিঃ ব্লেক তাঁহার কথায় বাধা দিয়া বলিলেন, “বড় যে-সে লোক নহে! যিনি আমার সঙ্গে কথা কহিতেছিলেন—তিনি বিচারপতি এন্ড্রু সোয়েন। যোল বৎসর পূর্বে ইহারই বিচারে—অথবা অবিচারে পল সাইনসের প্রাণদণ্ড হইয়াছিল। উনি আজ রাত্রে পল সাইনসের নিকট হইতে অতি ভীষণ সংবাদ পাইয়াছেন; পল সাইনস্‌ উঁহাকে ভয় প্রদর্শন করিয়াছে! এ জন্ত বিচারপতি আতঙ্কে অধীর হইয়া আমাকে উঁহার বাড়ীতে যাইবার জন্ত অনুরোধ করিলেন।”

ইন্স্পেক্টর কুট্‌স মুখের অদ্ভুত ভঙ্গী করিয়া বলিলেন, “অর্থাৎ?”

মিঃ ব্লেক বলিলেন, অর্থাৎ উনি বোধ হয় আশা করিয়াছেন—পল সাইনসের দিশস্তলের গুলী আমি ‘গোলা খা-ডালা’ করিয়া উঁহার শ্রাণরক্ষা করিব!”

ইন্স্পেক্টর কুট্‌স হাত বাড়াইয়া টুপিটি তুলিয়া লইয়া বলিলেন, “আপনি বাঁচলে বাণেশের নাম!—এতক্ষণ পরে পল সাইনসের মতলব বুঝিতে পারা গিয়াছে। এইবার জঙ্গ সাহেবকে সে সাবাড় করিবার সঙ্কল্প করিয়াছে! এই জঙ্গটি ‘বাটরাম’ না হইলে কি আমাদের এত হুর্গতি হয়? যদি তিনি অবিচারে পল সাইনসের প্রাণদণ্ডের আদেশ না দিতেন, তাহা হইলে পল সাইনস্‌ জুজ্জ্বল নেক্‌ডের মত সমাজের বুকে বসিয়া এ ভাবে রক্ত পান করিত না; আমাদেরও আহাৰ নিদ্রা তাগ করিয়া, দিবা রাত্রি প্রাণ হাতে করিয়া দৌড়াইয়া বেড়াইতে হইত না। কিন্তু বেচারার প্রাণরক্ষার উপায় করিতে হইবে ত? তোমার মতলব কি?—তুমি চুপ করিয়া বসিয়া রহিলে যে! কি স্থির করিলে?”

মিঃ ব্লেক বলিলেন, “জঙ্গ সোয়েনের কণ্ঠস্বর আমার অপরিচিত। তিনিই যে টেলিফোনে আমার সঙ্গে আলাপ করিলেন—এ বিষয়ে সৰ্ব্বাগ্রে কৃতনিশ্চয় হওয়া প্রয়োজন। দেখ কুট্‌স, টেলিফোনের আস্থানে কখন কখন প্রতারণিত হইতে হয়—ইহা বোধ হয় তুমি অস্বীকার করিবে না; আমি একাধিক বার ঠেকিয়া শিখিয়াছি। বিপদে পড়িয়া বিচারপতি সোয়েনই এই রাত্রে আমাকে আস্থান করিয়াছেন—ইহার অকাটা প্রমাণ না পাইলে আমি রাত্রিকালে বাহিরে যাইব না। বক্তার কণ্ঠস্ববে যে আতঙ্ক ও বিহ্বলতা ফুটিয়া উঠিয়াছিল—তাহা কৃত্রিম বলিয়া মনে হইল না; সুতরাং বিচারপতি সোয়েনই যে আমার সাহায্য-প্রার্থী, এ বিষয়ে সন্দেহের তেমন কারণ আছে বলিয়া মনে হয় না; বিশেষতঃ, পল সাইনস্‌ বিচারপতি সোয়েনকে ত্যাগ করিবার চেষ্টা করিলে সে সংবাদ অবিস্বাসেরও যোগ্য নহে; তাপাি এ বিষয়ে আমাকে নিঃসন্দেহ হইতে হইবে।”—তিনি তৎক্ষণাৎ উঠিয়া টেলিফোনের রিসিভারের নিকট উপস্থিত হইলেন, এবং টেলিফোনের ‘অপারেটর’কে জিজ্ঞাসা করিলেন—যাঁহার সহিত তিনি অন্তকাল পূর্বে আলাপ করিলেন—তাহার ঠিকানা কি?

প্রায় দুই মিনিট পরে ‘অপারেটর’ তাঁহার প্রশ্নের উত্তর দিল; তাহা শুনিয়া মিঃ ব্লেক ‘রিসিভার’ রাখিয়া টেলিফোনের ‘ডাইরেক্টরী’ দেখিতে লাগিলেন। তিনি অক্ষুট স্বরে বলিলেন, “সোয়েন—এন্ড্—রেড্ হাউস, ডব্লুইচ্ পল্লী।—শোন

কুট্‌স, বিচারপতি সোয়েনের বাড়ী হইতেই টেলিফোনে সংবাদ পাওয়া গিয়াছে। অল্প কেহ কোন ছুরভিন্দ্রিতে তাঁহার টেলিফোন ব্যবহার করিয়াছে ইহা বিশ্বাস হয় না; সুতরাং বোধ হয় ইহার মধ্যে প্রতারণা নাই।”

ইন্স্পেক্টর কুট্‌স বলিলেন, “বিচারপতি সোয়েন বিপদের আশঙ্কায় তোমার সাহায্য প্রার্থনায় টেলিফোন করিয়াছেন; সাইনস্‌ আজ রাত্রে তাঁহার সর্বনাশের সঙ্কল্প করিয়াছে সন্দেহ নাই। কিন্তু আমরা কি সেখানে ঠিক সময়ে উপস্থিত হইতে পারিব? আমরা সেখানে গিয়া দেখিব—বিচারপতি হয় নিকরদেশ, না হয় নিহত হইয়াছেন।”

মিঃ ব্লেক অচঞ্চল স্বরে বলিলেন, “এবিষয়ে আমার সন্দেহ আছে। বিচারপতি সোয়েন যদি জানিতে পারিতেন—তাঁহার বিপদ আসন্ন হইয়া উঠিয়াছে—তাহা হইলে তিনি আমাকে টেলিফোনে সংবাদ দেওয়ার পূর্বেই স্থানীয় থানায় সংবাদ দিয়া পুলিশের সহায়তা প্রার্থনা করিতেন। আমার সেখানে উপস্থিত হইবার অনেক পূর্বেই পুলিশ তাঁহাকে সাহায্য করিতে পারিত। বিচারপতি সোয়েন আমাকে কি জল্প টেলিফোন করিলেন—তাহা বুঝিতে পারি নাই। তাঁহার বিপদের সম্ভাবনা থাকিলে আমি তাঁহাকে পুলিশের অপেক্ষা অধিক সাহায্য করিতে পারিব না—ইহা তিনি কি জানেন না? তথাপি তাঁহার প্রার্থনা উপেক্ষা করা সম্ভব হইবে কি?”

ইন্স্পেক্টর কুট্‌স এই প্রশ্নের উত্তর দিতে পারিলেন না। মিঃ ব্লেক পরিচ্ছদে সাজ্জত হইয়া ইন্স্পেক্টর কুট্‌সের সঙ্গে গৃহত্যাগ করিলেন। সন্ধ্যা তখন তাহার শয়ন-কক্ষে নিদ্রিত ছিল; মিঃ ব্লেক তাহার নিদ্রাভঙ্গ করা নিশ্চয়োজন মনে করিয়া তাহাকে ডাকিলেন না। তাঁহার পথে আসিয়া একখানি ট্যান্ডি পাওয়ায় তাহাতে উঠিয়া বসিলেন। মিঃ ব্লেক যে ট্যান্ডিতে বাড়ী আসিয়াছিলেন, ইহা সেই ট্যান্ডি!—ট্যান্ডিওয়ালা যেন জানিতে পারিয়াছিল—তিনি শীঘ্রই স্থানান্তরে যাইবেন, এবং তাঁহার প্রতীক্ষাতেই সে যেন গাড়ী লইয়া সেখানে অপেক্ষা করিতেছিল।

কিন্তু পূর্বপরিচিত ট্যান্ডিওয়ালাকে দেখিয়া মিঃ ব্লেক বিস্ময় প্রকাশ

করিলেন না। তিনি ট্যান্ড্রিতে উঠিয়া ইন্স্পেক্টর কুট্‌সের পাশে বসিয়া ধূমপান করিতে লাগিলেন। ট্যান্ড্রি দ্রুতবেগে নদী পার হইয়া লণ্ডনের দক্ষিণাংশে ধাবিত হইল।

ইন্স্পেক্টর কুট্‌স অবসর পদদ্বয় ছড়াইয়া দিয়া বলিলেন, “দেখ ব্লেক, আমি তোমার সঙ্গে দেখা করিতে আসিয়া সুবিবেচনার কাজ করিয়াছিলাম। তোমার বাড়ীতে না আসিলে আমি কি জানিতে পারিতাম—শয়তান সাইনস্‌ আজ কাহার সর্কনাশের সঙ্কল্প করিয়াছে? বৃদ্ধ বিচারপতি সোয়েনের বয়স এখন প্রায় আশি বৎসর; অনেক দিন পূর্বে তিনি রাজকাৰ্য্য হইতে অবসর গ্রহণ করিয়াছেন। তাঁহাকে এত দিন পরে নির্যাতনের চেষ্টা করিয়া সাইনস্‌ কিরূপ হীনতা ও নিষ্ঠুরতার পরিচয় দিতেছে—ইহা চিন্তা করিয়া আমি কেবল বিস্মিত নহি, অত্যন্ত ব্যথিত হইয়াছি।”

মিঃ ব্লেক বলিলেন, “কিন্তু সাইনস্‌ কি মানুষ? সে এখন শোণিত-লোলুপ নেকড়ে; তাহার হিতাহিত জ্ঞান নাই। বিচারপতি সোয়েনের বয়স এখন আশি বৎসরেরও অধিক, কারণ যোল বৎসর পূর্বে যখন তিনি পল সাইনসের মামলার বিচার করিয়াছিলেন, তখনই তাঁহার বয়স প্রায় সত্তর বৎসর হইয়াছিল। তিনি বোধ হয় সাইনসের পিতার সমবয়স্ক। তাঁহাকে উৎপীড়িত করিয়া সাইনস্‌ যদি আনন্দ লাভ করে—তাহা হইলে তাহার প্রকৃতি কিরূপ তাহা তুমি সহজেই বুঝিতে পারিবে। কিন্তু আমার মনে হয়—”

মিঃ ব্লেক সহসা নীরব হইলেন। তাঁহাকে নির্ঝাঁক দেখিয়া ইন্স্পেক্টর কুট্‌স বলিলেন, “তোমার কি মনে হয়?—কথাটা শেষ না করিয়া হঠাৎ চূপ করিলে কেন?”

মিঃ ব্লেক বলিলেন, “আমার মনে হয় এই বৃদ্ধ বিচারপতিকে উৎপীড়িত করিবার জন্তই সাইনসের এসকল যোগাড়-যন্ত্র ও ষড়যন্ত্র হইয়া থাকিলে তাহা তাহার পক্ষে মশা মারিতে কামান পাতা! জাবেজ নোল্যান্ড ও সার হারলি জেমসকে বিপন্ন ও বিধ্বস্ত করিবার জন্ত সে যে বিরাট আয়োজন করিয়াছিল, যেক্ষণ চাতুর্য্যের পরিচয় দিয়াছিল—তাহার সহিত তুলনা করিলে মনে হয় এবার তাহার যথেষ্ট অবনতি হইয়াছে।”

ইন্স্পেক্টর কুটস বলিলেন, “সে ভাবিয়াছে যদি সে বৃদ্ধ বিচারপতিকে হত্যা করিতে পারে—তাহা হইলে তাহার গৌরব-বৃদ্ধি হইবে! লণ্ডনের সংবাদ-পত্র সমূহে প্রকাশিত হইবে—যোল বৎসর পূর্বে বিচারপতি সোয়েন বিনা-অপরাধে তাহার প্রাণদণ্ডের আদেশ প্রদান করায় সে এই দীর্ঘকাল পরে তাঁহার অবিলেচনার প্রতিফল দিয়াছে। বিচারপতি সোয়েন রাজকার্য্য হইতে অবসর গ্রহণ করিয়া জীবন-সায়াছে ও তাহার প্রতিহিংসা হইতে অব্যাহতি লাভ করিতে পারিলেন না।—এই সংবাদ পাঠে সে ও তাহার অনুচরেরা আনন্দিত হইবে, এবং মনে করিবে ব্রিটিশ বিচার-পদ্ধতির উপর প্রচণ্ড দণ্ডাঘাত করিয়াছে।”

ট্যান্সি ব্রিস্টল অতিক্রম করিয়া হার্ণি হিল অভিমুখে ধাবিত হইল। তাহার পর নানা পথ ঘুরিয়া ডল্‌উইচ পল্লীতে প্রবেশ করিল। ক্ষুদ্র পল্লী তখন নিদ্রাবোধে আচ্ছন্ন; সেই গভীর নিশীথে সেই শান্তিময় পল্লীতে উপস্থিত হইয়া পল সাইনস্‌ কোন নিষ্ঠুর কার্য্য করিবে—ইহা মিঃ ব্লেক বিশ্বাস করিতে পারিলেন না।

সেই পল্লীর পথ ঘাট ট্যান্সিওয়ালার সুপরিচিত বলিয়াই তাঁহাদের ধারণা হইল, কারণ সে কাহাকেও কোন কথা জিজ্ঞাসা না করিয়া বিচারপতি সোয়েনের বাসগৃহের সন্মুখবর্ত্তী প্রান্তরে উপস্থিত হইয়া গাড়ী থামাইল। বিচারপতির অট্টালিকার বহির্দ্বারে একখানি তাব্রফলকে খোদিত ছিল—“দি রেড্‌ হাউস” অর্থাৎ লাল কুঠী।

ইন্স্পেক্টর কুটস গাড়ী হইতে নামিয়া ট্যান্সিচালককে সেখানে অপেক্ষা করিতে বলিলেন। তিনি সেই অট্টালিকার দিকে চাহিয়া কোন দলক্ষণ দেখিতে পাইলেন না। তাঁহার মানসিক উদ্বেগ ও আশঙ্কা দূর হইল। অনন্তর তিনি মিঃ ব্লেকের সঙ্গে দেউড়ীর দিকে অগ্রসর হইলেন, এবং দেউড়ী পার হইয়া গৃহদ্বারের সন্মুখীন হইয়া মিঃ ব্লেককে বলিলেন, “আমরা ঠিক সময়ই এখানে আসিয়া পড়িয়াছি বলিয়া মনে হইতেছে ব্লেক! এখানে কোন রকম হুর্ধটনা ঘটিয়াছে বলিয়া বোধ হয় না। ঐ দেখ জানালা দিয়া ঘরের আলো দেখা যাইতেছে।—তুমিই আগে চল ব্লেক! কারণ বিচারপতি সোয়েন তোমাকেই আহ্বান করিয়াছেন। আমার স্বপ্ন আছে—লোকটির প্রকৃতি উজ্জ্বল। আমাকে দেখিয়া

ঠাঁহার মেজাজ গরম হইতে পারে ; আমি পুলিশের লোক, বিনা-আছানে আমাকে ঠাঁহার ঘরে প্রবেশ করিতে দেখিলে তিনি হয় ত ক্ষেপিয়া উঠিয়া আমাকে বাহিরে যাইতে আদেশ করিবেন । আমি আগে যাইব না ?”

মিঃ ব্লেক অগ্রবর্তী হইলে কৃষ্ণ পরিচ্ছদধারী একটি ক্ষীণকায় প্রোট দ্বার খুলিয়া দিল । সে ঠাঁহাদিগকে সুসজ্জিত হল-ঘরে লইয়া চলিল । লোকটির বিনীত ব্যবহারে ইন্স্পেক্টর কুট্‌স আশ্চর্য হইলেন । সেই ব্যক্তি সন্দিক্ত দৃষ্টিতে ইন্স্পেক্টর কুট্‌সের আপাদমস্তক নিরীক্ষণ করিয়া মিঃ ব্লেককে বলিল, “আপনিই ত মিঃ ব্লেক ? জজ সাহেব আপনার জন্তই অপেক্ষা করিতেছেন মহাশয় !— তিনি আপনাকে দেখিয়া অত্যন্ত আনন্দ লাভ করিবেন । আমার সঙ্গে আসুন ।”

মিঃ ব্লেক তাহার সহিত অল্প একটি কক্ষে প্রবেশ করিলেন, ইন্স্পেক্টর কুট্‌সও ঠাঁহার অনুসরণ করিলেন ; কিন্তু সেই কক্ষে ঠাঁহারা কাহাকেও দেখিতে পাইলেন না । সেই কক্ষের বাহিরের বারান্দা দিয়া কিছু দূরে আর একটি কক্ষ ঠাঁহাদের দৃষ্টিগোচর হইল । সেই কক্ষটির দ্বার ঈষৎ উন্মুক্ত, উভয় পার্শ্বস্থ বাতায়ন পর্দা দ্বারা আচ্ছাদিত । অর্দ্ধোন্মুক্ত দ্বার দিয়া ঠাঁহারা সেই কক্ষে একটি বুদ্ধের তুষারশুভ্র কেশরাশি এবং একখানি হাতমাত্র দেখিতে পাইলেন ।

মিঃ ব্লেক ও স্মিথ সেই কক্ষে প্রবেশ করিলেও বুদ্ধ সেই ভাবেই বসিয়া রহিলেন । ঠাঁহার সাড়া শব্দ না পাইয়া ইন্স্পেক্টর কুট্‌স ছই এক পা অগ্রসর হইলেন, এবং কাশিয়া সাড়া দিলেন ।

মিঃ ব্লেক বলিলেন, “আশা করি আপনিই মিঃ জট্টিস্ সোয়েন ?”

বুদ্ধ তথাপি কথা কহিলেন না ; ঠাঁহার কোন অঙ্গ নড়িল না । সেই কক্ষে গভীর নিস্তব্ধতা বিরাজিত ; কেবল ঘড়ির টিক-টিক শব্দ শুনিতে পাওয়া যাইতেছিল ।

মিঃ ব্লেকের মন হঠাৎ গভীর সন্দেহে পূর্ণ হইল । বুদ্ধটি চেয়ারের হাতায় মাথা ঞ্জিয়া বসিয়া ছিলেন ; মিঃ ব্লেক সেই চেয়ারের সম্মুখে উপস্থিত হইয়া চেয়ারে একটি ধাক্কা দিলেন । সেই ধাক্কায় চেয়ার কাত হইল, সঙ্গে সঙ্গে বুদ্ধের মস্তক চেয়ার হইতে মেঝের গালিচার উপর লুটাইয়া পড়িল ।



মিঃ ব্লেক চমকিয়া সরিয়া দাঁড়াইলেন ; ব্যাকুল স্বরে বলিলেন, “বিচারপতি নিহত হইয়াছেন!—আমরা আসিয়াছি বটে, কিন্তু বড়ই বিলম্বে আসিলাম!” ( we're too late. )

সেই মুহূর্তে বজ্রগম্বীর স্বরে উত্তর হইল, “না মিঃ ব্লেক, একটুও বিলম্ব হয় নাই ; ঠিক সময়েই আসিয়াছেন। হাঁ, ঠিক দরকারের সময়টিতেই।”

কি সর্বনাশ! এ স্বর যে মিঃ ব্লেকের পরিচিত! মিঃ ব্লেক সেই কণ্ঠস্বরের অঙ্গুরণ করিয়া পর্দা দ্বারা অর্দ্ধাবৃত একটি বাতায়নের দিকে দৃষ্টিপাত করিলেন ; সেখানে তিনি পল সাইনস্কে ঈষৎ কুজভাবে দণ্ডায়মান দেখিলেন। তাহার দৃষ্টি স্থির, তাহাতে নিষ্ঠুরতা ও দৃঢ়তা পরিস্ফুট। তাহার শুষ্ক ওষ্ঠে কঠোর হাসি ; কিন্তু তাহা পিশাচের হাসির ছায় ভীষণ! তাহার অঙ্গিসার শিরাবহুল শীর্ণ হস্তে একটি পিস্তল, সে সেই পিস্তলটি মিঃ ব্লেক 'ও ইন্স্পেক্টর কুট্‌সের মস্তক লক্ষ্য করিয়া ধীরে ধীরে আন্দোলিত করিতে লাগিল।

মিঃ ব্লেক পল সাইনস্কে সেই স্থানে দণ্ডায়মান দেখিয়া চক্ষুর নিমেষে বুকের পকেটে হাত তুলিলেন ; কিন্তু তিনি পকেট স্পর্শ করিবার পূর্বেই সাইনস্ দৃঢ়স্বরে বলিল, “না, না, ঐ কার্যটি করিও না, পকেটে হাত পুরিয়াছ কি তোমরা দু-জনেই মরিয়াছ। তোমরা উভয়েই শীঘ্র হই হাত মাথার উপর তুলিয়া স্থিরভাবে দাঁড়াইয়া থাক। আমি আশা করিয়াছিলাম—এক টিলে দুই পাখী মারিব ; কিন্তু সৌভাগ্য ক্রমে এক টিলে তিন পাখী (three birds with one stone.) বধ করিবার সুযোগ জুটয়া গিয়াছে! আমার এ পিস্তল নিঃশব্দে গুলীবর্ষণ করে ; আমি তোমাদিগকে এক ইঞ্চি নড়িতে দেখিলেই গুলী করিয়া মারিব। তোমরা বোধ হয় এতদিনে জানিতে পারিয়াছ—পল সাইনসের কথা কখন অগ্রথা হয় না।” (always keeps his word.)

## ষষ্ঠ প্রসঙ্গ

### সাইনসের হাত সাফাই

স্বভা অপরিহার্য দেখিয়া সম্মুখ-মুতাকে সদস্তে আলিঙ্গন করিলেই যে অত্যন্ত সাত্বস ও বীরত্ব প্রদর্শন করা হয় এক্ষণ মনে করা সম্ভব নহে। তরবারি আশ্ফালন করা অপেক্ষা তাহা কোম্বে আবদ্ধ কবিয়া রাখাই অনেক সময়ে বীরত্বের নিদর্শন। যে ব্যক্তি নিশ্চেষ্ট ভাবে বিপদের মুখে জীবন বিসর্জন করে—তাহাকে বীর না বলিয়া মূঢ় বলাই সম্ভব। (is less a hero than a fool) মিঃ ব্লেক পল সাইনসের গুণীতে নিহত হওয়া সম্ভব মনে করিলেন না; তিনি ও ইন্স্পেক্টর কুট্‌স সাইনসের আদেশে তৎক্ষণাৎ উভয় হস্ত মাথার উপর তুলিলেন। কিন্তু তিনি মাথার উপর হাত তুলিয়াও নিশ্চিত রহিলেন না; কি কৌশলে সাইনসের ছবভিসন্ধি ব্যর্থ করিবেন তাহাই চিন্তা করিতে লাগিলেন। তিনি সাইনসের মুখের দিকে তীক্ষ্ণ দৃষ্টিতে চাহিয়া তাহার বিন্দুমাত্র অসতর্কতার সুযোগের প্রতীক্ষা করিতে লাগিলেন। (waiting for the slightest relaxation of caution.) পল সাইন্স এক্ষণ অতর্কিতভাবে তাঁহারের সম্মুখে উপস্থিত হইয়া তাঁহাদিগকে আক্রমণ করিয়াছিল যে, তাঁহারা আশ্চর্যকার জন্ত প্রস্তুত হওয়া দূরের কথা—আকস্মিক বিশ্বাসের ধাক্কাও সামলাইতে পারেন নাই। তথাপি সাইন্সের এইরূপ আক্রমণের সম্ভাবনা যে সম্পূর্ণ অপ্রত্যাশিত-পূর্বক ইহাও মিঃ ব্লেক মনে কবিত্তে পারেন নাই। তিনি যে মুহূর্ত্তে বিচারপতি সোয়েনের নিকট হইতে টেলিফোনে সংবাদ পাইয়াছিলেন, সেই মুহূর্ত্তেই তাঁহার সন্দেহ হইয়াছিল—বিচারপতি সোয়েন তাঁহাকে আহ্বান করিতেছেন—ইহা একটু অস্বাভাবিক, তিতরে কোন রহস্য আছে। তিনি বিপন্ন হইয়া থাকিলে নিকটস্থ থানায় সংবাদ না দিয়া বন্ধদূরবর্ত্তী লণ্ডনে টেলিফোন করিয়া মিঃ ব্লেকের সাহায্য-প্রার্থী হইবেন কেন?—তিনি এই সন্দেহের বশবর্ত্তী হইয়া যথেষ্ট সতর্কতাও

অবলম্বন করিয়াছিলেন, বিচারপতির বাড়ী হইতে টেলিফোন করা হইয়াছিল— ইহাও জানিতে পারিয়াছিলেন ; কিন্তু অবশেষে তাঁহাকে ও ইন্স্পেক্টর কুটসকে পল সাইন্সেরই কবলে পড়িতে হইল। এখন তাঁহাদের অবস্থা—‘ছেড়ে দে না, কেঁদে বাঁচি।’

ইন্স্পেক্টর কুটস সেই কক্ষে মেঝের উপর নিপতিত বিচারপতি সোয়েনের প্রাণহীন দেহের দিকে দৃষ্টিপাত করিয়া সাইন্সকে কঠোর স্বরে বলিলেন, “ওরে ইতর নরহন্তা, এই অপরাধে তোকে ফাঁসীকাঠে ঝুলিতে হইবে। ইহার একমাত্র শাস্তি প্রাণদণ্ড।”—কিন্তু ক্রোধে কাঁপিতে থাকিলেও মাথার উপর হইতে তিনি হাত নামাইতে সাহস করিলেন না।

পল সাইন্স তাঁহার কথা শুনিয়া ঈষৎ হাসিয়া বলিল, “না ইন্স্পেক্টর, বিচারপতি সোয়েনের হত্যাপরাধে আমার ফাঁসি হইবে না। তোমার অল্পমান সত্য নহে। বিচারপতি সোয়েনকে আমি হত্যা করি নাই ; এই হতভাগ্য বৃদ্ধ স্বাভাবিক ভাবেই ইহলোক ত্যাগ করিয়াছে। আমি উহার বিরুদ্ধে একটি অঙ্গুলীও উত্তোলন করি নাই। আমাকে হঠাৎ এখানে উপস্থিত হইতে দেখিয়া উহার মনে যে আতঙ্ক হইয়াছিল, সেই আতঙ্কে হৃদযন্ত্রের ক্রিয়া বন্ধ হওয়াতেই উহার মৃত্যু হইয়াছে। (he died of heart-failure.) উহার শব-ব্যবচ্ছেদ দ্বারা আমার উক্তির যথার্থ্য সপ্রমাণ হইবে।”

ইন্স্পেক্টর কুটস সরোষে গর্জন করিয়া বলিলেন, “চুলোয় যাক্ তোমার এখানে হঠাৎ উপস্থিতি ! উনি জানিতেন, উঁহার জীবন বিপন্ন হইয়াছিল। উনি তোমার নিকট হইতে আতঙ্কজনক সংবাদ পাইয়া যখন মিঃ ব্লেককে টেলিফোনে আহ্বান করিয়াছিলেন, তখন আমি মিঃ ব্লেকের ঘরে উপস্থিত ছিলাম। হাঁ, উনি ব্লেককে জানাইয়াছিলেন—তোমার নিকট হইতে সংবাদ পাইয়াই উনি আতঙ্কে অধীর হইয়াছিলেন।”

পল সাইন্স তাঁহার হাতের পিঙ্কল উভয়ের মস্তক লক্ষ্য করিয়া বাগাইয়া ধরিয়াই মাথা নাড়িয়া বলিল, “না গো ইন্স্পেক্টর সাহেব ! তোমার কথা সত্য নয়। বিচারপতি সোয়েন তোমার বন্ধ মিঃ ব্লেককে টেলিফোনে কোন কথা

বলে নাই, এখানে উহাকে আসিতেও অমুরোধ করে নাই। বেকার স্ট্রীটে টেলিফোন করিয়া যিনি মিস ব্লেককে এখানে আহ্বান করিয়াছিলেন—তিনি মিস পল সাইন্স, অর্থাৎ স্বয়ং আমি,—এই অধম। বিচারপতির ঐ টেলিফোন আমিই ব্যবহার করিয়াছিলাম; নতুবা আমি কি আমার ছই মহাসত্ৰকে এভাবে ফাঁদে ফেলিতে পারিতাম?—তোমরা কোন্ কীটন্ত কীট যে, বিচারপতি সোয়েন তোমাদের সাহায্য প্রার্থনায় লগুনে টেলিফোন করবে?—আমার এই সামাজ্য চালাকি বুঝিতে পার না, অথচ মাদার গাছে দাদ চুলকাইতে তোমাদের সাধ হয়!”

পল সাইন্সের কথা শুনিয়া ইন্স্পেক্টর কুটসের ঝাঁটার মত কণ্টকিত গোফ মনস্তাপে ঝুলিয়া পড়িল। মিস ব্লেক ঈষৎ বেগে মাথা নাড়িয়া বালিলেন, “হাঁ, এ চালাকি আমাদের বুঝিতে পারা উচিত ছিল। আমাদের এহ নিব্বুদ্ধতার মাজ্জনা নাই। বিচারপতি সোয়েন চেষ্টা করিলে পাঁচ মিনিটের মধ্যে স্থানীয় পুলিশের সাহায্য গ্রহণ করিতে পারতেন; এ অবস্থায় লগুনে আমাদের কেন সংবাদ দিবেন—ইহা ভাবিয়া দেখা উচিত ছিল।”

ইন্স্পেক্টর কুটস পল সাইন্সকে বালিলেন, “আমাদের নিব্বুদ্ধতার পরিচয় পাইয়া তোমার মন আশ্চর্যসাধে পূর্ণ হইয়াছে। উত্তম, এখন বল—তুমি কি উদ্দেশ্যে আমাদের কাছে এখানে আহ্বান করিয়াছ।”

পল সাইন্স বালিল, “তোমাদিগকে?—না, আমি তোমাকে এখানে আহ্বান করি নাই। তোমাকে আমি মানুষ বলিয়াই গ্রাহ্য করি না, আমার নিকট তুমি একটা তুচ্ছ পতঙ্গ অপেক্ষাও ক্ষুদ্র। আমি কেবল মিস ব্লেককেই এখানে আহ্বান করিয়াছিলাম। তুমি তাহার লেজ ধরিয়া আসিয়া আমার কৈফিয়ৎ চাহিতেছ কেন? তোমাকে কি আমি ডাকিয়াছি? তোমার নিলজ্জতা ও স্পর্দ্ধার পরিচয় পাইয়া হাসিতেও আমার লজ্জা হইতেছে। হাঁ, আমি মিস ব্লেককেই বিচারপতি সোয়েনের নামে এখানে আহ্বান করিয়াছিলাম; তবে তুমিও যেহায়া আসিয়া জুটিয়াছ—ইহাতে আমি অন্বয়ী হই নাই, বরং আনন্দিতই হইয়াছি। তোমাদিগকে অনেক কথাই

বলিবার ছিল, কিন্তু সে অবসর আমার নাই; প্রভাতের পূর্বেই আমাকে বিছানা কাঁচ শেষ করিতে হইবে, এজন্য আমাকে সন্ধ্যাক্ষে সকল কথা বলিতে হইতেছে। যদি তোমরা ম্যাণ্টলপিসের ঐ ঘড়ির দিকে চাহিয়াই স্নেহ তুহা করিলে দেখিতে পাইবে রাত্রি এখন একটা বাজিয়া নয় মিনিট হইয়াছে। একটা বাজিয়া বার মিনিট হইলে এই কক্ষে একটির পরিবর্তে তিনটি মৃতসেহ প্লাশাপ্লাশি পড়িয়া থাকিবে—এইরূপ ব্যবস্থা করিয়াই আমি কার্যারম্ভ করিয়াছি। আমি মনের কথা ঘুরাইয়া ফিরাইয়া বলিতে অভ্যস্ত নহি; এইজন্য সরলভাবে বলিতেছি—তোমাদের হৃদয়কে আর তিন মিনিটের মধ্যেই ইহলোক হইতে বিদায় গ্রহণ করিতে হইবে, অর্থাৎ তোমরা এখনই মরিবে।”

পল সাইনস্ এভাবে কথাগুলি বলিল, যেন সে তাঁহাদের সঙ্গে তা'মা'সা করিতেছিল! কিন্তু মিঃ ব্লেক বলিলেন—সে সেই মুহূর্তেই তাঁহাদের উভয়কে হত্যা করিতে কৃতসঙ্কল্প। ইং তাঁহাদিগকে মিথ্যা ভয় প্রদর্শন নয়। সে নিঃসন্দেহে নিশ্চিতই তাঁহাদিগকে গুলী করিয়া মারিবে। আর তিন মিনিট মাত্র সময় আছে! এখন বর্তব্য কি?

পল সাইনসের চক্ষুতে প্রতিফলিত হইয়া অনল জলিয়া উঠিল, সে অধর দংশন করিয়া পিস্তলের নল আর একটু উচু করিয়া লক্ষ্য স্থির করিল। তুহা দেখিয়া ইন্স্পেক্টর কুটসের সর্বাঙ্গ ঘামিয়া উঠিল, ট্রোউজারের অবস্থা কি হইল—তা'হা অন্তের অজ্ঞাত) তবে তাঁহার ছই চক্ষু ভয়ে কপালে উঠিল, সুখ চূন হইয়া গেল। তিনি আতঙ্কবিহীন স্বরে বলিলেন, “না, তুমি বলিতেছ কি? তুমি আমাদিগকে গুলী করিয়া মারিবে? স্বেচ্ছায় নরহত্যা করিবে? ইচ্ছা করিয়া ফাঁসির দড়ি গলায় পরিবে? না, না, তুমি তত নিরোধ নহ; আমাদিগকে তুমি ভয় দেখাইয়া কাহিল করিতে চাহিতেছ।”

ইন্স্পেক্টর কুটসের কথা শুনিয়া পল সাইনস্ দ্বিপ্তের ত্রায় হী-হী করিয়া হাসিয়া উঠিল, তাহার পর মাথা নাড়িয়া বলিল, “না, ছই মিনিট কাটিয়া গেল; কিন্তু তোমার কথার উত্তর না দিয়া গুলী করিলে তোমার মনে একটু আক্ষেপ থাকিয়া যাইবে। আমার দয়ার শরীর, তোমার মৃত্যুকালে ঐ আক্ষেপটুকু-

খাঁকিতে দিব না।—আমি তোমাদিগকে বুঝা ভয় দেখাইতেছি না। সত্যই তোমাদিগকে গুলী করিব। আমি জানি এই অপরাধে আমার প্রাণদণ্ড হইবে; কিন্তু প্রাণদণ্ডের মত কাজ অনেক করিয়াছি। একবারের বেশী হইবার ফাঁসী হইবে কি? মিঃ ব্লেক, আমার শত্রুগণের নামের যে তালিকা আছে—সেই তালিকার অনেক নীচে তোমার নাম ছিল; কিন্তু তুমি আমার বিরুদ্ধাচরণে প্রবৃত্ত হইয়া আমার অনেক কাজ নষ্ট করিয়াছ, আমার অনেক সঙ্কল্প ব্যর্থ করিয়াছ। আমার যে অনিষ্ট করিয়াছ তাহার প্রতিকার নাই; সে কিরণ সাংঘাতিক ক্ষতি—জাহা তুমিও জান। এই সকল কারণে তোমার নাম তালিকার অনেক উর্দ্ধে উঠিয়াছে; এইবারই তোমার পালা। তোমাকে হত্যা করিলে আমার অবশিষ্ট অসম্পূর্ণ সঙ্কল্প সিদ্ধ হইবে। তোমাকে আমি অনেকবার সতর্ক করিয়াছি, অনধিকার-চর্চা করিতে নিবেদন করিয়াছি; কিন্তু তুমি তাহা গ্রাহ্য কর নাই। এখন তাহার ফলভোগ কর; আর তোমার সঙ্গে ফুটগ্যাণ্ড ইয়ার্ডের ঐ বেহায়া কুকুরটাও মরুক।”

মিঃ ব্লেক কোন কথা বলিবার পূর্বেই পল সাইনস্ তাহার হাতের পিস্তলটা ঝিক্ ঝিক্ নামাইয়া মিঃ ব্লেকের বক্ষঃস্থল লক্ষ্য করিল; তাহার পর সে ক্রোধে জ্বলিয়া উঠিয়া আবেগ-কম্পিত স্বরে বলিল, “তোমারই অনধিকার-চর্চার ফলে আমার একটি পুত্র আত্মহত্যা করিয়াছে, আর তিনজন আজও জেলে পড়িতেছে! আমি ফুটগ্যাণ্ড ইয়ার্ডের কোন কুকুরকে গ্রাহ্য করি না; কিন্তু তোমার শত্রুতায় আমার যে ক্ষতি হইয়াছে—তাহা পূরণ হইবার নহে। এজন্য আমি নূতন কার্য্যক্ষেত্রে পদা-র্পণ করিবার পূর্বে তোমাকে হত্যা করিতেছি। তোমার শ্বশুর-ফলভোগ কর।”

মিঃ ব্লেক বুঝিলেন—আর রক্ষা নাই, পল সাইনস্ ক্ষেপিয়া উঠিয়াছে; সে মুহূর্ত্তমধ্যে তাহার বক্ষঃস্থলে গুলী করিবে—সঙ্গে সঙ্গে তাহার ইহজীবনের অবসান হইবে। কিন্তু তিনি আশ্চর্য্যকার কোন উপায় স্থির করিতে পারিলেন না। পল সাইনস্ তৎক্ষণাৎ পশ্চাতে একটু হটিয়া গিয়া গুলী করিবে—সেই মুহূর্ত্তে মিঃ ব্লেক শব্দ শুনিয়া চেয়ারখানি উভয় হস্তে উর্দ্ধে তুলিলেন, পিস্তলের শব্দ হইল না, কিন্তু গুলী চেয়ার বিদীর্ণ করিয়া অস্ত্র দিকে চলিয়া গেল।

ইন্স্পেক্টর কুটস চিংকার করিয়া বলিলেন, “ব্লেক উহার গুলী ব্যর্থ হইয়াছে।”  
ইন্স্পেক্টর কুটস সম্মুখে লাফাইয়া পড়িলেন, তাহার পর পল সাইনস্কে-  
আক্রমণ করিতে উদ্ভত হইলেন; কিন্তু বিচারপতি সোয়েনের মৃতদেহ মেঝের উপর  
পড়িয়া ছিল, তাহাতে বাধিয়া তিনি সেই মৃতদেহের উপর আছাড় খাইলেন।  
মিঃ ব্লেক এক লম্ফ সাইনস্কে আক্রমণ করিয়া দুই হাতে তাহার গলা টিপিয়া  
ধরিতে উদ্ভত হইলেন।

কিন্তু মিঃ ব্লেক তাহার কণ্ঠ স্পর্শ করিবার পূর্বেই সে বিভ্রাটের সন্ধান পেল,  
এবং তাহার হাতের পিস্তলটা উদ্ধে তুলিয়া সেই কক্ষের বৈজ্ঞানিক বাতির  
কান্নুষের উপর সবেগে নিক্ষেপ করিল।

বাতিটা কড়ি-কাঠের সঙ্গে ঝুলিতেছিল। পল সাইনসের লক্ষ্য ব্যর্থ হইল না।  
বাতিটা সেই আঘাতে চূর্ণ হইল, এবং কাচগুলা ভাঙ্গিয়া মেঝের উপর ছড়াইয়া  
পড়িল। দীপ নির্বাপিত হওয়ায় সেই কক্ষ গাঢ় অন্ধকারে আচ্ছন্ন হইল।  
উজ্জ্বল বিদ্যুতাসোকে আলোকিত কক্ষ সহসা নিবিড় অন্ধকারে (ebony  
blackness) আচ্ছন্ন হওয়ায় ইন্স্পেক্টর কুটস ও মিঃ ব্লেক কিংকর্তব্যবিমূঢ়  
হইলেন ও পল সাইনস্ তৎক্ষণাৎ কর্তব্য স্থির করিয়া ফেলিল। সে তখন একটি  
জানালায় অদূরে দাঁড়াইয়া ছিল। সে সেই কক্ষের দীপ নির্বাপিত করিয়াই সেই  
জানালা খুলিয়া ফেলিল, এবং সেই দিকের বাগানে প্রবেশ করিল।

পল সাইনসের আশা ছিল—সে সেই বক্ষেই মিঃ ব্লেক ও ইন্স্পেক্টর কুটসকে  
হত্যা করিয়া নিশ্চিন্ত হইতে পারিবে; কিন্তু আশাপূর্ণ না হওয়ায় সে অত্যন্ত  
ক্ষুব্ধ হইল। সেই অট্টালিকায় আর মুহূর্তকাল বিলম্ব করা সে নিরাপদ মনে না  
করিয়া ডলউইচ পল্লী ত্যাগের উদ্দেশ্যে তাড়াতাড়ি বিচারপতি সোয়েনের বাগানের  
বাহরে আসিল।

পল সাইনস্ পথে আসিয়া, পকেট হইতে ফেন্টের টুপি বাহির করিয়া মাথায়  
আঁটিয়া দিল, এবং একটি সিগারেট মুখে গুঁজিয়া পথপ্রান্তবর্তী একখানি মোটর-  
কাবের সম্মুখে উপস্থিত হইল। মিঃ ব্লেক ও ইন্স্পেক্টর কুটস এই গাড়ীতেই  
বিচারপতি সোয়েনের সহিত দেখা করিতে আসিয়াছিলেন।

এই গাড়ীখানি সুইফ্টসিওর কোম্পানীর আড্ডার গাড়ী—ইহা পাঠক পাঠিকাগণের স্মরণ থাকিতে পারে। পল সাইনসের আদেশেই এই গাড়ীর ড্রাইভার যথাসময়ে বেকার স্ট্রীটে মিঃ ব্লেক ও ইন্স্পেক্টর কুটসের সম্মুখে উপস্থিত হইয়া তাঁহাদিগকে এখানে লইয়া আসিয়াছিল।

মোটর-চালক পল সাইনসকে দেখিয়া তৎক্ষণাৎ তাহার পার্শ্বস্থ দ্বার খুলিয়া দিল। পল সাইনস গাড়ীতে উঠিয়া তাহার পাশেই বসিয়া পড়িল। মোটর-চালক সেই মুহূর্ত্তে গাড়ী চালাইয়া তাহাকে বলিল, “কস্তা, আপনি খুব সাফাই-চাতে কাজ শেষ করিয়াছেন। পিস্তলের আওয়াজ হয় নাই; কাজেই গোয়েন্দা দুটো বুড়ো জঞ্জের ঘরে অন্ধা লাভ করিয়াছে—ইহা কেহই জানিতে পারিবে না। কি চমৎকার পিস্তল, হাজার টাকা পাইলেও আমি কখন উহা ছাড়ছাড়া করিব না।”

পল সাইনস যে পিস্তলটি লইয়া গিয়াছিল, তাহা এই মোটর-চালকেরই পিস্তল। মোটর-চালকটি যে-সে .লোক নহে; ইহারই নাম ‘চটপটে’ হারিস।—চিকাগো হইতে সে লণ্ডনে আসিয়া পল সাইনসের দলে যোগদান করিয়াছিল। পিস্তলটি তাহার বড় সখের জিনিস ছিল। পল সাইনস সেই পিস্তল-নিক্ষেপে বৈজ্ঞানিক দীপ নিৰ্দ্ধাপিত করিতে গিয়া পিস্তলটি ভাবাইয়া আসিয়াছে; তাহা মিঃ ব্লেক বা ইন্স্পেক্টর কুটসের হস্তগত হইয়াছে—ইহা সে ‘চটপটে’ হারিসের নিকট প্রকাশ করিল না। সে বুঝিল—তাহা উদ্ধার করিতে হইলে স্কটল্যান্ড ইয়াডে’ বাইতে হইবে।

পল সাইনস যে সময় পিস্তল নিক্ষেপ করিয়া বিজলি-বাতির ফ্লামসটি চূর্ণ করিয়াছিল—সে সময় মিঃ ব্লেক সেই আলোকাধারের ট্রিক নীচেই দাঁড়াইয়া ছিলেন। আলোকাধারের কাচগুলি তাঁহার মাথার উপর ভাঙ্গিয়া পড়ায় তাঁহার গাল কাটিয়া রক্তপাত হইল। অন্ধকারে তিনি কিছুই দেখিতে পাইলেন না, কোন দিকে বাইবেন—তাহাও বুঝিতে পারিলেন না; যাহা হউক, অবশেষে অগ্নিকুণ্ডের মুহূ আলোকে তিনি দিক্ নির্ণয়ে সমর্থ হইলেন। কিন্তু তিনি ইন্স্পেক্টর কুটসকে দেখিতে না পাইয়া বলিলেন, “কুটস কোথায় তুমি! তোমার সাড়া পাইতেছি না কেন?”



ইন্স্পেক্টর কুটস অরুণকারে চতুর্দিক হাতড়াইতে হাতড়াইতে বলিলেন,—“এই যে আমি, আছাড় খাইয়াছি। সাইনস্ কোথায়?—সে কোন্ দিক দিয়া পলায়ন করিল? তোমার কাছে বিজলি-বাতি নাই?”

খোলা জানালা দিয়া বাতাসের একটা নমুনা আসিয়া মিঃ ব্লেকের চোখে সূখে লাগিল; তিনি বুঝিলেন সাইনস্ সেই পথে অন্তর্দান করিয়াছে। তিনি পকেট হইতে বিজলি-বাতি বাহির করিয়া তাহার আলোকে চতুর্দিকে দৃষ্টিপাত করিলেন; কিন্তু বিচারপতি সোয়েনের মৃতদেহ ভিন্ন সেই কক্ষে আর কাহাকেও দেখিতে পাইলেন না। সেই কক্ষের প্রান্তবর্তী সেই খোলা জানালা দিয়া পার্শ্বস্থ বাগানের দিকে চাহিয়া, সাইনসের পলায়ন সম্বন্ধে তাহার কোন সন্দেহ রছিল না।

ইন্স্পেক্টর কুটস সরোবে গর্জন করিয়া বলিলেন, “সে আবার আমাদের চোখে ধূলা দিয়া পলাইয়াছে?—কিন্তু সে আর অধিক দূর পলায়ন করিতে পারিবে না ব্লেক! তুমি বাগান দিয়া তাহার অনুসরণ কর, আমি সম্মুখের পথে বাইতেছি। আজ তাহাকে গ্রেপ্তার করাই চাই।”

মিঃ ব্লেক তৎক্ষণাৎ সেই খোলা জানালা দিয়া বাগানে প্রবেশ করিলেন; ইন্স্পেক্টর কুটস সেই কক্ষ হইতে সম্মুখস্থ হল-ঘরে প্রবেশ করিয়া দেখিলেন—ঘর বাহির হইতে রুদ্ধ! (the hall was locked on the outer side.)

ঘর রুদ্ধ দেখিয়াই ইন্স্পেক্টর কুটস বুঝিতে পারিলেন, যে শোকটি তাঁহাদিগকে অভ্যর্থনা করিয়া ঘরের ভিতর লইয়া গিয়াছিল সে বিচারপতি সোয়েনের পরিচারক নহে, সে পল সাইনসেরই কোন অনুচর। ইন্স্পেক্টর কুটস অসহিষ্ণু ভাবে রুদ্ধ ঘরে ছন্দাম্ শব্দে পদাঘাত করিতে লাগিলেন। কয়েক বার পদাঘাতের পর ঘরের অর্গল দ্বিখণ্ডিত হইয়া ভাঙ্গিয়া পড়িল। ইন্স্পেক্টর কুটস মুক্তঘর দিয়া হল-ঘরে প্রবেশ করিলেন, কিন্তু সেখানে কাহাকেও দেখিতে পাইলেন না। তিনি বহির্দ্বারে উপস্থিত হইয়া চকুর নিম্নেযে পথে নামিয়া আসিলেন।

ইন্স্পেক্টর কুটস পথে আসিয়াই দেউড়ীর অদূরে মিঃ ব্লেককে দণ্ডায়মান

দেখিলেন। মিঃ ব্লেক কোন কথা না বলিয়া পথের দিকে অঙ্গুলী প্রসারিত করিলেন। ইন্স্পেক্টর কুটস একখানি ধাববান মোটর-গাড়ীর পশ্চাত্তর লোহিতালোক দেখিয়া বৃষ্টিতে পারিলেন—পল সাইনস্ সেই গাড়ীতে উঠিয়া চম্পটদান করিয়াছে! মোটর-কারের ইঞ্জিনের অক্ষুট শব্দ দূর হইতে বায়ুতরঙ্গে ভাসিয়া আসিতে লাগিল।

মিঃ ব্লেক হতাশভাবে বলিলেন, “পল সাইনস্ আমাদেরই গাড়ী লইয়া পলায়ন করিল! সে এই গাড়ীতে উঠিয়া-বসিয়া সোফেয়ারকে নিশ্চয়ই ভয় দেখাইয়াছিল; সে প্রাণভয়ে সাইনসের আদেশ পালন করিয়াছে।”—সোফেয়ার যে সাইনসেরই অল্পচর—ইহা মিঃ ব্লেক তখনও বৃষ্টিতে পারেন নাই।

ইন্স্পেক্টর কুটস বলিল, “সাইনস্ এখানে একাকী আসিয়াছিল বলিয়া মনে হয় না।”

মিঃ ব্লেক বলিলেন, “না, যে লোকটা আমাদেরই বিচারপতি সোয়েনের সঙ্গে দেখা করাইতে লইয়া গিয়াছিল—সে সাইনসের দলভুক্ত দস্যু।”

ইন্স্পেক্টর কুটস পকেট হইতে একটি ছইল্ল বাহির করিয়া তাহাতে ফুৎকার দিলেন; তিনি ক্রমাগত পাঁচ মিনিট বোঁ-বোঁ শব্দে বংশীধ্বনি করিয়াও কাহারও সাড়া পাইলেন না। কোন পাহারাওয়ালার তাঁহার সহিত দেখা করিতে আসিল না। সেই রাত্রে সে অঞ্চলে কোন পাহারাওয়ালার রোঁদে বাহির হইয়াছিল—ইহারও কোন প্রমাণ মিলিল না।

বাহা হটক, সেই ছইল্ল শুনিয়া সেই পল্লীর অনেক লোকের নিদ্রাভঙ্গ হইল; তাহারা ঘরের জানালা খুলিয়া মাথা বাহির করিয়া পথের দিকে চাহিতে লাগিল। গৃহবাসীরা ব্যাপার কি বৃষ্টিতে না পারিয়া পরস্পরকে ডাকিয়া বংশীধ্বনির কারণ জিজ্ঞাসা করিল; কিন্তু কেহ কাহারও নিকট সহস্তর পাইল না। অবশেষে একটি বৃদ্ধ চটি পায়ে দিয়া পায়জামার উপর একটা ভারী ওভার-কোট চাপাইয়া ফটাক্ শব্দে পথে আসিয়া ঠাড়াইলেন।

ইন্স্পেক্টর কুটসকে পুলিশ-ছইল্ল সুখে শুঁজিয়া নিস্তক রাজপথে দণ্ডায়মান দেখিয়া বৃদ্ধ বিস্মিত হইলেন, কুটসকে বলিলেন, “কোন বিল্ডাট ঘটয়াছে কি?”

আমি চিকিৎসক ; যদি প্রয়োজন হয়—তাহা হইলে আপনাদিগকে সাগায্য করিতে প্রস্তুত আছি। আপনারা বিচারপতি সোয়েনের বাড়ীর সম্মুখে দাঁড়াইয়া আছেন যে!—হাঁ, উভা মিঃ সোয়েনেরই বাড়ী। বড় জঙ্গ পেন্সন লইয়া বহুদিন হইতে এই বাড়ীতেই বাস করিতেছেন। আমি অনেকবার তাঁহার চিকিৎসা করিয়াছি ; তিনি অসুস্থ হইলে মধ্যে মধ্যে আমাকে ডাকাইতেন। বড় মানুষ, ইদানী প্রায়ই অসুখে ভুগিতেছেন।”

ইন্স্পেক্টর কুটস বলিলেন, “আপনারই রোগী ? ছুখের বিষয় আপনাকে আর তিনি ডাকিবেন না ; আর তাঁহার চিকিৎসাও আপনাকে করিতে হইবে না।”

ডাক্তার বিস্ফারিত নেত্রে ইন্স্পেক্টর কুটসের মুখের দিকে চাহিয়া বলিলেন, “অর্থাৎ ?”

ইন্স্পেক্টর কুটস নিস্কিঙ্কিত ভাবে বলিলেন, “অর্থাৎ তিনি শিক্সা ফুঁকিয়াছেন ; কিন্তু আমি যে ভাবে শিক্সা ফুঁকিতেছি—এ ভাবে নয়। তিনি এখন আরও বড় বিচারপতির আদালতের আসামী। আপনি ত তাঁহার চিকিৎসক ছিলেন, তাঁহার চিকিৎসা করিতেন বলিলেন ; তাঁহার হৃদযন্ত্র কি দুর্বল ছিল ?”

ডাক্তার বলিলেন, “হাঁ মহাশয়, তাঁহার হৃদযন্ত্র অত্যন্ত দুর্বল হইয়াছিল। বয়স খুব বেশী হইয়াছিল কি না। তঠাৎ মারা পড়িবেন—আশ্চর্য্য কি ?”

ইন্স্পেক্টর কুটস মিঃ ব্লেকের মুখের দিকে চাহিয়া অশ্রুট স্বরে বলিলেন, “সাইনস্-বোধ হয় সত্য কথাই বলিয়াছিল। কিন্তু বিচারপতি সোয়েন হৃদযন্ত্রের ক্রিয়া বন্ধ হওয়ায় প্রাণত্যাগ করিয়া থাকিলেও তাঁহার মৃত্যুর জন্ত নরপিশাচ-সাইনস্‌ই দায়ী ; হত্যার অপরাধ তাহারই ঘাড়ে চাপিয়াছে। সাইনস্ তাঁহাকে হাতে না মারিলেও তাহার হৃদযন্ত্রেই তাঁহার প্রাণ বাহির হইয়াছে। কিন্তু এ অঞ্চলের পুলিশের সন্ধান নাই কেন ? সব-বেটা পাহারাওয়ালাই মরিয়াছে না কি ? না, সকলেই নিশ্চিন্ত মনে নিদ্রাসুখ উপভোগ করিতেছে ?—বিচারপতির বাড়ীর টেলিফোনটা কোথায় আছে বলিতে পার ?”

মিঃ ব্লেক বলিলেন, “তাঁহার হল-ঘরে আছে—দেখিয়া আসিয়াছি।”—তিনি

সেই ডাক্তারটিকে সঙ্গে লইয়া পুনর্বার বিচারপতির বাস-ভবনে প্রবেশ করিলেন ; ইন্স্পেক্টর কুট্‌স নিঃশব্দে তাঁহাদের অনুসরণ করিলেন । ইন্স্পেক্টর কুট্‌স টেলিফোনের রিসিভার লইয়া ডাকাডাকি আরম্ভ করিলেন । মিঃ ব্লেক বৈজ্ঞানিক দীপের একটা ফাটল (bulb) সংগ্রহ করিয়া তাহার সাহায্যে পূর্বোক্ত অন্ধকারাচ্ছন্ন কক্ষ আলোকিত করিলেন ।

অতঃপর ডাক্তার বিচারপতি সোয়েনের মৃতদেহ পরীক্ষা করিয়া বলিলেন, “দেহে আঘাতের কোন চিহ্ন নাই, আমার মত বিচারপতি সোয়েন হৃদরোগেই ইহলোক ত্যাগ করিয়াছেন । সম্ভবতঃ তিনি হঠাৎ মনে ভয়ঙ্কর আঘাত পাইয়াছিলেন ।”

মিঃ ব্লেক অক্ষুট স্বরে বলিলেন, “সম্ভব বটে ; পল সাইনস্কে হঠাৎ সম্মুখে দেখিলে ভয়েই প্রাণ ত্যাগ করে—এরূপ লোকের সংখ্যা অল্প নহে ।”

কুট্‌স সবিস্ময়ে দুই চক্ষু কপালে তুলিয়া সেই কক্ষে প্রবেশ করিয়া বলিলেন, “বীটে একজনও কন্টেবল উপস্থিত নাই ; কারণ এদিকে যত পাহারাওয়ালা ছিল—সকলকেই কোন জরুরী কার্যে স্থানান্তরে প্রেরণ করা হইয়াছে । সেই জরুরী কাজটা কি বুঝিয়াছ ব্লেক ? স্থানীয় পুলিশ সংবাদ পাইয়াছিল—পল সাইনস্ আজ বাত্রে এই অঞ্চলে আসিয়া লুকাইয়াছিল, কিন্তু তাহার ঠিক বাড়ী সনাক্ত করিতে না পারিয়া সিডেনহাম হিলের এক বাড়ী খানাতল্লাস করিয়াছিল ; সুতরাং তাহার পল সাইনসের সন্ধান পায় নাই । সেই বাড়ীতে জনসামবের সমাগম ছিল না, একদম খালি বাড়ী !”

মিঃ ব্লেক বলিলেন, “পল সাইনস্কে সেই বাড়ীতে পাওয়া যাইবে—এ সংবাদ পুলিশ কোথায় পাইয়াছিল ?”

ইন্স্পেক্টর কুট্‌স বলিলেন, “স্ট্রল্যাণ্ড ইয়ার্ড হইতেই না কি এই সংবাদ প্রেরিত হইয়াছিল—অথচ আমি পূর্বে তাহা জানিতে পারি নাই ! আমি রাত্রি এগারটার সময় ইয়ার্ড হইতে তোমার বাড়ী গিয়াছিলাম, তখন পর্য্যন্ত পল সাইনস্-সম্বন্ধে কোন সংবাদ ইয়ার্ডে প্রেরিত হয় নাই । সে সময় ইয়ার্ডে একজন ডিটেক্টিভ সার্জেন্ট ভিন্ন অন্য কেহ ছিল না, তাহারই উপর স্ট্রল্যাণ্ড ইয়ার্ডের

ভয় ছিল; সুতরাং এই সংবাদ লে ভিন্ন অল্প কেহ পাঠাইয়াছিল বলিয়া মনে হয় না।”

মুহূর্ত্ত পরে একখানি মোটর-গাড়ীর ইঞ্জিনের বস-বস শব্দ শুনিয়া মিঃ ব্লেঙ্ক ইন্স্পেক্টর কুটসকে বলিলেন, “এই পথে মোটরে কে আসিতেছে সন্ধান নহিতে পার ?”

কিন্তু ইন্স্পেক্টর কুটসকে পথ পর্য্যন্ত বাইতে হইল না ; মোটরখানি বিচারপতি সোয়েনের গৃহঘারে আসিয়া দাঁড়াইলে একজন পুলিশ ইন্স্পেক্টর একজন সার্জেণ্ট ও দুইজন কন্স্টেবল সহ সেই মোটর হইতে নামিয়া বিচারপতির অট্টালিকায় প্রবেশ করিলেন। তাঁহাদিগকে দেখিয়া ইন্স্পেক্টর কুটস নবাগত ইন্স্পেক্টরকে বিচারপতি সোয়েনের আকস্মিক মৃত্যুসংক্রান্ত সকল কথা বলিলেন ; তাঁহার কি উপলক্ষে সেখানে উপস্থিত হইয়াছিলেন, এবং পল সাইনস্ কি উপায়ে পলায়ন করিয়াছিল—তাহা শুনিয়া স্থানীয় ইন্স্পেক্টর মিঃ কুটসকে বলিলেন, “আমরা পল সাইনসেরই সন্ধানে আসিয়া অনর্থক হয়রান হইয়াছি—ইহা আমাদের দুর্ভাগ্য। সে যে এই লাল কুম্ভীতে আসিয়া এক্সপ ভাষণ কাণ্ড করিয়া গিয়াছে—ইহা কি একবারও কল্পনা করিতে পারিয়াছিলাম ?—পল সাইনসের পলায়নের পূর্বে যদি আমি সন্দেহ এখানে আসিতে পারিতাম, তাহা হইলে আজ নিশ্চয়ই তাহাকে ধরা পড়িতে হইত। কিন্তু স্কটল্যান্ড ইয়ার্ড হইতে উপদেশ পাইলাম—”

ইন্স্পেক্টর কুটস বাধা দিয়া বলিলেন, “আপনি কোন্ সময় স্কটল্যান্ড ইয়ার্ড হইতে কি উপদেশ পাইয়াছিলেন ?”

স্থানীয় ইন্স্পেক্টর বলিলেন, “রাত্রি ষারটা বাজিবার আট মিনিট পূর্বে স্কটল্যান্ড ইয়ার্ডের নৈশভার-প্রাপ্ত কর্মচারী (the officer on night-duty.) টেলিফোনে আমাকে জ্ঞাপন করেন আজ রাত্রে সিডেনহাম হিল পল্লীর একখানি বাড়ীতে পল সাইনস্ লুকাইয়া থাকিবে—এক্সপ সংবাদ পাওয়া গিয়াছে। এই সংবাদে নির্ভর করিয়া তিনি আমাকে উপদেশ দিলেন—আমি যেন আমার খানার সমস্ত পাহারা ওয়ালাগুলিকে সঙ্গে লইয়া সেই স্থানে উপস্থিত হই, এবং সেই বাড়ী ঘেঁষাও করিয়া খানাতলাস আরম্ভ করি। কিন্তু আমার সকল প্রমই বিফল

হইল; কারণ সেই বাড়ী খালি পড়িয়া ছিল। গত দুইমাসের মধ্যে সেই বাড়ীতে কোন লোক প্রবেশ করিয়াছে—ইহা বিশ্বাস করিতে পারিলাম না।”

ইন্স্পেক্টর কুটস বলিলেন, “আপনাকে ভুল সংবাদ দিয়া অনর্থক হয়রান করা হইয়াছে—এ কথা আপনি স্কটল্যান্ড ইয়ার্ডে ‘রিপোর্ট’ করিয়াছেন?”

স্থানীয় ইন্স্পেক্টর বলিলেন, “না, তাহার অবসর পাই নাই। আমি মিথ্যা সংবাদে প্রভাবিত হইয়া স্কটল্যান্ড ইয়ার্ডে সে কথা জানাইতে উদ্বৃত্ত হইয়াছি, ঠিক সেই সময় আপনি টেলিফোনে আমাকে আহ্বান করিলেন। আমি তৎক্ষণাৎ টেলিফোনের রিসিভার নামাইয়া রাখিমা আপনার সহিত দেখা করিতে আসিতেছি। এখানে আসিবার সময় আমার থানার সার্জেন্টকে বিনিয়া আসিয়াছি—সে স্কটল্যান্ড ইয়ার্ডের নৈশ কর্মচারীকে আমাদের খানাতল্লাসীর সংবাদ জ্ঞাপন করিবে।”

ইন্স্পেক্টর কুটস বলিলেন, “আমিই স্বয়ং স্কটল্যান্ড ইয়ার্ডে টেলিফোন করিয়া যাহা বলিতে হয় বলিব। পল সাইনসের আবির্ভাব সন্ধকে স্কটল্যান্ড ইয়ার্ড হইতে আপনি যে সংবাদ পাইয়াছিলেন, তাহা যে সম্পূর্ণ অমূলক ইহা ত বলা যায় না—কেবল বাড়ী ভুল হইয়াছিল। যাচা হউক, স্কটল্যান্ড ইয়ার্ড এ সংবাদ কোথায় পাইয়াছিল—তাংই আমি সর্বাগ্রে জানিতে চাই।”

ইন্স্পেক্টর কুটস হল-ঘরে প্রবেশ করিয়া টেলিফোনের রিসিভার তুলিয়া লইলেন; কিন্তু দুই এক মিনিট তাহা লইয়া নাড়া-চাড়া করিয়া তিনি বিরক্তি ভরে রিসিভারটা নামাইয়া রাখিলেন, এবং ব্যাকুল ভাবে গৌক টানিতে টানিতে (*tugging uneasily at his moustache*) স্থানীয় ইন্স্পেক্টরের নিকট ফিদিয়া আসিয়া বলিলেন, “স্কটল্যান্ড ইয়ার্ডে কোন কথা বলিতে পারিলাম না। বোধ হয় ‘লাইন’ খারাপ হইয়াছে; কিন্তু ‘অপারেটর’ তাহা স্বীকার করিল না। আমরা আপনাদের সঙ্গে থানায় যাইব—ইন্স্পেক্টর! আপনি একজন সার্জেন্টের উপর এই বাড়ীর ভার দিয়া যাইতে পারেন। আজ রাত্রে এখানে আমাদের আর কিছুই করিবার নাই; পল সাইনস্ প্রত্যক্ষ বহুদূরে সরিয়া পড়িয়াছে। ডাক্তার বেনসন বিচারপতি সোয়েনের মৃত্যু সন্ধকে যে অভিমত প্রকাশ করিয়াছেন

তাহা হইতে জানিতে পারিয়াছি—হৃৎস্বরের ক্রিয়া হঠাৎ বন্ধ হওয়াতেই তাঁহার মৃত্যু হইয়াছে ।”

পল সাইনস্ সেই রাত্রির মত কাজ শেষ করিয়া চলিয়া গিয়াছে, সেই রাত্রে সে আর কোন স্থানে কোনরূপ অত্যাচার উৎপীড়ন করিবে—ইহা তান বিশ্বাস করিলেন না ; কিন্তু তাঁহার সন্দেহ হইল—সে আরও নানা প্রকার ফন্দী লইয়াই যুদ্ধক্ষেত্রে অবতরণ করিয়াছে, এবং নতন করিয়া যখন পুলিশের বিরুদ্ধে যুদ্ধ ঘোষণা করিয়াছে—তখন বিচারপতি সোয়েনের অপমৃত্যুতেই তাহার সকল চেষ্টার নিবৃত্ত হইবে না । সে সংবাদ-পত্রের সাহায্যে যে দস্ত প্রকাশ করিয়াছিল—বিচারপতি সোয়েনের মৃত্যুতেই যে তাহার অবসান হইয়াছে—তাহা বিশ্বাস করা কঠিন ।

বিচারপতি সোয়েনের মৃত্যু হইয়াছিল সত্য, কিন্তু যদি হৃৎস্বরেই তাঁহার মৃত্যু হইয়া থাকে—তাহা হইলে পল সাইনসের শত্রুধ্বংসজনিত এই বিজয় তাহার পৌরুষ বা শক্তির পরিচায়ক নহে ; তাহার একজন প্রধান শত্রুর আকস্মিক মৃত্যুতে তাহার যে বিজয় লাভ হইল, তাহা শোণিতপাত-রহিত রণজয় (bloodless victory.)—ইহা বুঝিয়া সে সন্তোষ লাভ করিতে পারিবে না । ডল্‌উইচ পল্লীর লাল কুঠী নামক ভবনে উপস্থিত হইয়া সে যে সাহস প্রদর্শন করিয়াছিল, ইন্স্পেক্টর কুটসের ও মিঃ ব্লেকের জীবন যে ভাবে বিপন্ন করিয়াছিল, তাহাতে বাধা দেওয়ার জন্য পুলিশ কোন চেষ্টা করিতে পারে নাই ; কিন্তু সেজন্য স্কটল্যাণ্ড ইয়ার্ডকে অপরাধী করা সম্ভব নহে । পরদিন সকালে সংবাদ-পত্রের প্রতিনিধিবার্গ স্কটল্যাণ্ড ইয়ার্ডে উপস্থিত হইয়া যে সকল কথা জানিবার জন্য আগ্রহ প্রকাশ করিবে—এবং স্কটল্যাণ্ড ইয়ার্ড পুলিশের অক্ষমতা ও কলঙ্ক প্রচার-ভয়ে যে সকল কথা তাহাদের নিকট গোপন করিতে বাধ্য হইবে—তাহা বিচারপতি সোয়েনের আকস্মিক মৃত্যু-সংবাদ অপেক্ষা অনেক অধিক লোমহর্ষণ ও ভীষণতর ঘটনায় পূর্ণ—এইরূপই মিঃ ব্লেকের ধারণা হইল !

মিঃ ব্লেক এই সকল কথা চিন্তা করিয়া ইন্স্পেক্টর কুটসকে বলিলেন, “পল সাইনস্ যদি আমাকে ও তোমাকে বিচারপতি সোয়েনের অহুসরণে পাঠাইতে

পারিত তাহা হইলে সেই সংবাদ সংবাদ-পত্রে প্রকাশের যোগ্য হইত বটে, কিন্তু স্কটল্যাণ্ড ইয়ার্ডের কর্তৃপক্ষ সে সংবাদ সংবাদ-পত্রসমূহের প্রতিনিধিগণের নিকট গোপন করা নিষ্প্রয়োজন মনে করিতেন। এ অবস্থায় পল সাইনস্ কি উদ্দেশ্যে সংবাদ-পত্রে ঐরূপ স্পষ্টাঙ্গ বর্ণনা প্রচারিত করিয়াছিল—তাহা আমি বুঝিতে পারিলাম না! তবে একথা সত্য যে, এখন হইতে আগামী কল্যাণ বেলা নখটা পর্যন্ত ঐরূপ কোন কার্য ঘটতেও পারে—যাহার বিবরণ স্কটল্যাণ্ড ইয়ার্ড জনসাধারণের নিকট গোপন করাই সম্ভব মনে করিবে।”

অতঃপর মিঃ ব্লেক ইন্স্পেক্টর কুটসের সাহিত স্থানীয় ইন্স্পেক্টর রোসির মোটরে আশ্রয় গ্রহণ করিলেন। মোটরখানি তাঁহাদিগকে লইয়া নিতরুণ রাজপথ দিয়া সবেগে ধাবিত হইল। ইন্স্পেক্টর কুটস মানসিক উত্তেজনা দমন করিতে না পারিয়া গৌফ ধারণা টানাটানি করিতে লাগিলেন! তান তাড়াতাড়ি স্কটল্যাণ্ড ইয়ার্ডে উপস্থিত হইবার জন্ত ব্যাকুল হইয়া উঠিয়াছিলেন। সেহ রাত্রে পল সাইনসের সাহিত তাঁহাদের সত্বর্ষণ-কাহিনী কর্তৃপক্ষের গোচর করিবার জন্তই তাঁহাদের আগ্রহ হইয়াছিল ঐরূপ নহে, স্কটল্যাণ্ড ইয়ার্ডের ভার-প্রাপ্ত কন্সটারী পল সাইনসের গতিবিধির সংবাদ কিরূপে জানিতে পারিল—তাহা জানিবার জন্তও তাঁহাদের কৌতুহল অত্যন্ত প্রবল হইয়াছিল।

কিন্তু পথিমধ্যে তাঁহাদের গতিরোধ হইল, এবং তাঁহাদের গন্তব্য স্থানে উপস্থিত হইতে যে বিলম্ব হইল তাহা যেমন আকস্মিক, সেটরূপে বিস্ময়াবহ। সহসা পুলিশ-হইল্লের তীব্র স্বরে নিতরুণ নৈশ প্রকৃতি ব্যঙ্গারিত হইয়া উঠিল। সঙ্গে সঙ্গে একটি কক্ষের স্তম্ভ পথের এক পাশ হইতে পথের মধ্যস্থলে লাফাইয়া পড়িল! সেই লোকটি পথের মধ্যস্থলে দাঁড়াইয়া হুঁ হাত উঃঙ্ক ভুলিয়া ট্যান্ডি থামাইবার জন্ত ইঙ্গিত করিতে লাগিল।

ট্যান্ডির মাথার সম্মুখে যে দুইটি উজ্জ্বল আলো ছিল (head lights) তাহা সম্মুখস্থ পথের বহুদূর পর্যন্ত আলোকিত করিতেছিল; মিঃ ব্লেক ও তাঁহার সঙ্গীগণ সেই আলোকে পথিমধ্যবর্তী আগন্তুককে দেখিয়া বুঝিতে পারিলেন—সে পুলিশ কন্সটেবল। তাহার মুখ অভ্যস্ত স্নান ও বিবর্ণ। তাঁহারা তাহার



মস্তকে শিরজ্ঞাণ দেখিতে পাইলেন না : তাহার পরিচ্ছন্ন ধূলি-ধূসর ও স্থানে স্থানে কর্ম্মমাক্ত ! তাহার অবস্থা দেখিয়াই তাঁহারা বৃত্তিতে পারিলেন—সে কোন কারণে অত্যন্ত বিপন্ন হইয়া তাঁহাদের সাহায্য প্রার্থনায় গাড়ী থামাইতে ইঙ্গিত করিতেছিল।

ট্যাক্সি পূর্ণ বেগে চলিতেছিল, ট্যাক্সিচালক তাহাকে দেখিয়া গাড়ী থামাইবার চেষ্টা করিবার পূর্বেই সে সবেগে হাত নাড়িয়া উঠে:স্বরে বলিল, “থামাও, গাড়ী থামাও ; রাজার দোহাই দাঁড়াও !”

ইন্স্পেক্টর রোসি গাড়ীর ভিতর হইতে মুখ বাড়াইয়া সেই কন্টেইবলের মুখের দিকে চাহিলেন, তাহার পর বিস্ময়-বিহ্বল স্বরে বলিলেন, “কি সর্ব্বনাশ ! 'ও যে আমারই থানার কন্টেইবল কাইলী !—ব্যাপার কি ?”

ট্যাক্সি অচল হইলে ইন্স্পেক্টর রোসি কন্টেইবলটিকে বলিলেন, “খবর কি কাইলী ? তোমার এরূপ দুর্গতির কারণ কি ?”

কাইলী স্বলিত পদে ঘুরিয়া পড়িতে পড়িতে ট্যাক্সির দরজার হাতল ছই হাতে চাপিয়া ধরিয়া, গাড়ীতে ভর দিয়া দাঁড়াইয়া কোন রকমে সামলাইয়া লইল : সে তাহাব উপরওয়াল ইন্স্পেক্টরকে সেই গাড়ীতে দেখিয়া কতকটা আশ্চর্য হইল, এবং আবেগ-কম্পিত স্বরে বলিল, “ডাকাতি, কর্ত্তা ! ভয়ঙ্কর ডাকাতি হইয়া গিয়াছে ! ডাকাতির মেট্রপলিটান ব্যাঙ্ক হইতে অনেক টাকা লুট করিয়া চম্পট দিয়াছে। তাহাবা ব্যাঙ্কের লোহার সিঙ্কু ভাঙ্গিয়া ফেলিয়াছে। তাহার ট্যাক্সিতে 'চড়িয়া ডাকাতি করিতে আসিয়াছিল। ট্যাক্সিতে দুইজন ডাকাত—”

ইন্স্পেক্টর কুট্‌স্ কন্টেইবলের কথায় বাধা দিয়া বলিলেন, “কি বলিলে ? দুইজন ডাকাত ট্যাক্সিতে চাপিয়া ডাকাতি করিতে গিয়াছিল ?”—পল সাইনন্স ও তাহাব অমুচরের কথা স্মরণ হওয়ায় তিনি এই প্রশ্ন করিলেন।

কন্টেইবল বলিল, “হাঁ হুজুর ! দুইজন ডাকাত ট্যাক্সিতে ছিল ; আর একজন ট্যাক্সি চালাইতেছিল,—সে-ও ডাকাত কি না বলিতে পারি না।”

ইন্স্পেক্টর কুট্‌স্ বলিলেন, “ডাকাত দু'টোর চেহারা কিরূপ—লক্ষ্য করিয়া ছিলে কি ?”

কনট্রোল বলিল, “হাঁ, তাহাদের চেহারা দেখিয়াছিলাম।—হু’জনেরই ছোকরাটে চেহারা। আমি রৌদে বাত্মির হইয়া ব্যাকের কোণে আসিয়া তাহাদের ট্যান্সি দেখিতে পাইয়াছিলাম ; তাহা তখন ব্যাকের বাহিরে দাঁড়াইয়া ছিল। তত রাজে ব্যাকের সম্মুখে ট্যান্সি দেখিয়াই আমার সন্দেহ হইল,—ট্যান্সির আরোহীরা হাওয়া বাইতে আসিয়া ওখানে ট্যান্সি দাঁড় করায় নাই, উহাদের মতলব ধারণ। আমি দৌড়াইয়া ট্যান্সির কাছে চলিলাম ; কিন্তু ট্যান্সির কাছে আসিতে না আসিতে উইজন লোক ব্যাক হইতে বাহির হইয়া ট্যান্সির দিকে দৌড়াইয়া গেল। তাহার ঈ’জনে চামড়ার একটা ব্যাগ বহিয়া লইয়া বাইতেছিল। তাহার ট্যান্সিতে উঠিয়া ব্যাগটা ভিতরে ফেলিবামাত্র ট্যান্সিচালক আমাকে দেখিয়াই ট্যান্সি চালাইয়া দিল।

“আমি ট্যান্সি পামাইবার জন্ত তাহাদিগকে আদেশ করিলাম, ট্যান্সির গতিবোধ করিবার জন্ত পথের মধ্যস্থলে দাঁড়াইয়া দুইহাত উর্দ্ধে তুলিলাম ; কিন্তু তাহার লুঠ করিয়া পলাইতেছিল—আমার কথা শুনিবে কেন ? আমার ঘাড়ের উপর গাড়ী তুলিয়া দেওয়ার উপক্রম করিল ! আমি গাড়ী-চাপা পড়ি দেখিয়া এক লাফে ট্যান্সির ‘ফুটবোর্ডে’ উঠিয়া দুই হাতে দরজা চাপিয়া ধরিলাম ; ট্যান্সির আরোহী হু’জনের মুখের দিকে চাহিয়া দেখিলাম—দুই বেটারই ছোকরাটে চেহারা। (youngish looking fellows.) আমাকে ফুটবোর্ডে দাঁড়াইয়া থাকিতে দেখিয়া একটা ডাকাত পকেট হইতে লোহার দাণ্ডা কি হাতুড়ী কি ঐ রকম আর কিছু—বাত্মির করিয়া আমার মাথায় খুব জ্বোরে এক ঘা মারিল। উঃ, মনে হইল মাথায় আমার বজ্রাঘাত হইল ! তাহার পর কি হইল—আমার স্মরণ নাই। যখন আমার জ্ঞান হইল—তখন আন্তে আন্তে ঘাড়ে হাত দিয়া বুঝিতে পারিলাম ঘাড় ভাঙ্গে নাই বটে, কিন্তু পড়িয়া কপাল ফুলিয়া উঠিয়াছে। পথের ধূলায় ও কাদায় পোষাকের এই অবস্থা হইয়াছে। চকু মেলিয়া পথের দিকে চাহিলাম—কিন্তু ট্যান্সিখানা তখন নিরুদ্দেশ !

ইন্স্পেক্টর রোলি বলিলেন, “ব্যাকের ম্যানেজার কোথায় ? তিনি কি ব্যাকের বাড়ীতে রাজিবাস করেন না ?”

কন্ঠেবল বলিল; “হাঁ, তিনি ব্যাকের বাড়ীতেই বাস করেন বটে, কিন্তু যে সময় দস্যুরা ব্যাক লুঠ করিয়াছিল—সেই সময় তিনি ঘুমাইতেছিলেন। ডাকাত ছটো ব্যাকের সিন্দুক ভাঙ্গিলেও তাঁহার ঘুম ভাঙ্গাইতে পারে নাই! অবশেষে আমার হইলো তাঁহার ঘুম ভাঙ্গিয়াছে; তিনি ব্যাকে আসিয়া এখন টেলিফোনে থানায় সংবাদ পাঠাইতেছেন।”

ইন্স্পেক্টর কুট্‌স অক্ষুট্‌স্বরে বলিলেন, “ট্যান্ডিতে দু’জন লোক ছিল, তবে কি পল সাইনস্ ও তাহার সঙ্গী এই কৰ্ম করিয়া গিয়াছে! কিন্তু ডাকাত-ছটো যে দেখিতে অন্ন-বয়স্ক; কিছুই ত বুঝিতে পারিতেছি না!”—তিনি ইন্স্পেক্টর রোসি ও মিঃ ব্লেকের সহিত ব্যাকের অট্টালিকায় প্রবেশ করিলেন। অট্টালিকার দ্বার খোলা ছিল; তাঁহার ঘরের ভিতর প্রবেশ করিতেই একটা উগ্র গন্ধ পাইলেন। ব্যাকের সিন্দুক ভাঙ্গিবার জ্ঞ যে বিস্ফোরক ব্যবহৃত হইয়াছিল, তাহার তীব্রগন্ধী বাষ্প তখনও সেই কক্ষের বায়ু-মণ্ডলে ভাসিয়া বেড়াইতেছিল।

ইন্স্পেক্টর কুট্‌স চতুর্দিকে দৃষ্টিপাত করিয়া বলিলেন, “ব্লেক, ইহা ত পল সাইনসের কাজ বলিয়া মনে হয় না। সে যখন লাল কুঠী হইতে পলায়ন করে, তখন সিন্দুক ভাঙ্গিবার কোন উপকরণ তাহার সঙ্গে ছিল কি?”

মিঃ ব্লেক বলিলেন, “তাহার অথবা তাহার অনুচরের সঙ্গে উহা ছিল কি না তাহা আমাদের অজ্ঞাত; কিন্তু ইহাই প্রধান কথা নহে। যদি কন্ঠেবলটার কথা সত্য বলিয়া বিশ্বাস করিতে হয় তাহা হইলে সাইনস্ বা তাহার অনুচর এই ব্যাক লুঠ করিয়াছে বলিয়া মনে হয় না। কারণ সাইনসের যে অনুচর লাল কুঠীতে আমাদের অভ্যর্থনা করিয়াছিল, তাহার চেহারা ছোকরার মত নহে; আর সাইনসের বয়স ত ষাট বৎসর অতীত হইয়াছে, তাহার মাথার একটু চুলও কালো নাই।”

ব্যাকের ভিতর ডাকাতের বহু চিহ্ন বর্তমান। চতুর্দিকে বিশৃঙ্খলা বিরাজিত। বিভিন্ন আলমারি ও কাবোর্ড চূর্ণ বিচূর্ণ। ব্যাকের ম্যানেজার সেই কক্ষের মধ্যস্থলে দাঁড়াইয়া চতুর্দিক অন্ধকার দেখিতেছিলেন; তাঁহার পরিধানে নৈশ

পরিচ্ছেদ, পায়ে চটি জুতা। বিশৃঙ্খল কেশগুলি তাঁহার লম্বাট আচ্ছাদিত করিয়াছিল; তাঁহার মুখ বিবর্ণ, চক্ষু আতঙ্ক-বিক্ষারিত।

ম্যানেজার ইন্স্পেক্টর রোসি ও তাঁহার সঙ্গীদ্বয়কে দেখিয়া বলিলেন, মহাশয়, এ অতি ভীষণ ব্যাপার! কোষাগারের দ্বার উড়াইয়া দিয়া ডাকাতেরা সিন্দুক ভাঙ্গিয়া সিন্দুকের সমস্ত টাকাই লুট করিয়াছে। কাল যখন সিন্দুক বন্ধ করিয়াছিলাম—তখন ত্রিশ হাজার পাউণ্ডের অধিক অর্থ সিন্দুকে গচ্ছিত ছিল। দস্যুরা বোধ হয় শেষ পেণীটি পর্য্যন্ত লুট করিয়াছে।”

ইন্স্পেক্টর রোসি বলিলেন, “তবে কি আপনি এখনও সিন্দুকটি পরীক্ষা করেন নাই?”

ম্যানেজার বলিলেন, “না, পুলিশের অনুপস্থিতিতে সিন্দুকে হাত দেওয়া সম্ভব মনে করি নাই। আপনাদের প্রতীক্ষায় বিলম্ব করিতেছিলাম : এখন তাহা পরীক্ষা করা যাইতে পারে।”

মিঃ ব্লেক কোষাগারের অবস্থা দেখিয়াই বুঝিতে পারিলেন—কোন বহুদশা দস্যু ভিন্ন অন্য কেহ তাহা সে ভাবে ভাঙিতে পারিত না। কোষাগারের ইম্পাউনিয়িত দ্বার খুলিয়া একখানি কজায় বুলিতেছিল, এবং তাহার একপাশ ভাঙ্গিয়া হেলিয়া বাহির হইয়াছিল। দস্যু কোষাগারের ভিতর প্রবেশ করিয়া সিন্দুকটি সাধারণ টিনের ক্যানেক্সার মত ভাঙ্গিয়া ফেলিয়াছিল। ভাঙ্গা সিন্দুকের ভিতর দৃষ্টিপাত করিয়া ব্যাকের ম্যানেজার সভয়ে আর্জিনাদ করিলেন। সিন্দুকের ভিতর হইতে গিনি নোট প্রভৃতি সদস্তই অন্তর্গত হইয়াছিল। গোলা সিন্দুক খালি পড়িয়া ছিল।

ম্যানেজার হতাশভাবে মাথা নাড়িয়া বলিলেন, “স্বপ্ননাশ হইয়াছে, শেষ পেণীটি পর্য্যন্ত লুটীয়া লইয়া গিয়াছে! দস্যুরা নোটে ও নগদে একত্রিশ হাজার চারিশত পাউণ্ড আত্মসাৎ করিয়া অদৃশ্য হইয়াছে।”

মিঃ ব্লেক বলিলেন, “একত্রিশ হাজার চারিশত পাউণ্ড লুটীয়া হইতেছেন কেন? বলুন, একত্রিশ হাজার চারিশত আটাশ পাউণ্ড দশ শিলিং।—কেমন, আবার কথ্য কি সত্য নহে? এ মন্দ দাঁও নয়; কিন্তু পল সাইনসের জায় দস্যুর পক্ষে

ইহা 'সমুদ্রে পাত্তার্থ' !" ( a mere drop in the bucket to a man-like Paul Cynos ! )

মিঃ ব্লেকের কথা শুনিয়া সকলেই সবিস্ময়ে তাঁহার মুখের দিকে চাহিলেন ।  
সিন্দুক হইতে কত টাকা লুণ্ঠিত হইয়াছিল তাহার ঠিক পরিমাণ তিনি কিম্বা  
জানিলেন ? এই বিপুল অর্থরাশি যে পল সাইনস্ কর্তৃক লুণ্ঠিত হইয়াছে—  
ইহাই বা তিনি কিম্বা কে জানিলেন ?

ইন্স্পেক্টর রোসি বলিলেন, "পল সাইনস্ !—এই ব্যাপারের সহিত আপনি  
পল সাইনস্কে জড়াইতেছেন কেন ? সে ব্যাক লুঠ করিয়াছে—আপনি কি  
ইহার কোন প্রমাণ পাইয়াছেন ?"

ব্যাকের ম্যানেজার সন্দীপ দৃষ্টিতে মিঃ ব্লেকের মুখের দিকে চাহিয়া বলিলেন,  
"আপনি কিম্বা জানিলেন—আমাদের সিন্দুক হইতে ঠিক একত্রিশ হাজার চারি  
শত আটাশ পাউণ্ড দশ শিলিং লুঠ হইয়াছে ? দস্য ও তাহার সহচর ভিন্ন  
বাহিরের অন্ত কোন লোকের ত এ সংবাদ জানিবার উপায় নাই !"

মিঃ ব্লেক ম্যানেজারের কথা শুনিয়া জীবৎ হাসিলেন, কিন্তু কোন কথা না  
বলিয়া ভাঙ্গা সিন্দুকের উর্দ্ধস্থিত দেওয়ালে অঙ্গুলি-নির্দেশ করিলেন ।

ব্যাকের ম্যানেজার, ইন্স্পেক্টর কুট্‌স, ইন্স্পেক্টর রোসি প্রভৃতি সকলেই  
এক সঙ্গে সেই দেওয়ালের সেই অংশে দৃষ্টিপাত করিলেন ; তাঁহারা সেই স্থানে  
দেখিলেন—নীলবর্ণ চা-খড়ি দিয়া মোটা মোটা অক্ষরে লিখিত ছিল,—

"একত্রিশ হাজার চারি শত আটাশ পাউণ্ড, দশ শিলিং  
পল সাইনসের অনুকূলে ধন্যবাদ সহকারে গৃহীত হইল ।"

# সপ্তম প্রলাপ

## স্কটল্যান্ড ইয়ার্ডের স্কট

ইন্স্পেক্টর কুটস দেওয়ালের গায়ে চা-খড়ির সেই লেখাটি পাঠ করিয়া একবার সশব্দে নাক বাড়িলেন, তাহার পর মাথা নাড়িয়া মিং ব্লেকে বলিলেন, “এই লুন্ডন-ব্যাপারের সহিত সাইনসের কি সম্বন্ধ তাহা এখনও বুঝিতে পারিতেছি না ! আমরা যে ট্যাক্সিতে বিচারপতি সোয়েনের বাসভবন লাগ কুঠীতে আসিয়াছিলাম—পল সাইনস্ সেই ট্যাক্সি লইয়া পলায়ন করিয়াছে, ইহা আমাদের জানা আছে ; কিন্তু সে দস্যবৃত্তির এই সকল সরঞ্জাম সঙ্গে লইয়া অদৃশ হইয়াছিল—ইহা আমাদের অজ্ঞাত ; বিশেষতঃ, সিন্দুক ভাঙ্গিবার জন্ত যে গ্যাসের চোঙ (gas cylinder) ব্যবহৃত হইয়াছিল, তাহা একজন লোকের পক্ষে দুর্ব্বহ ।”

মিং ব্লেক বলিলেন, “দেওয়ালে চা-খড়ি দিয়া যাহা লেখা আছে, তাহা পাঠ করিলেই বুঝিতে পারা যায়—পল সাইনস্ স্বয়ং এখানে লুঠ করিতে আসে নাই ; দেখুন লেখা আছে—‘একত্রিশ হাজার চারিশত আটাশ পাউণ্ড, দশ শিলিং পল সাইনসের অস্থকূলে ধন্যবাদ সহকারে গৃহীত হইল ।’—সুতরাং ইহা হইতে বুঝিতে পারা যাইতেছে—পল সাইনসের অভিশ্রায় অস্থসারে লুঠ হইলেও, তাহার দুইজন অস্থচর ডাকাতি করিতে আসিয়াছিল, সে স্বয়ং এই ব্যাপারে গিল্প ছিল না ।”

বীটের কন্টেবল ঊঁহার কথা শুনিয়া বলিল, “আমি আমার বীটে উপস্থিত থাকিলে সেই দুইজন দস্য ডাকাতি করিতে পারিত না । আজ রাত্রে সিউন-হাম হিলের একটা বাড়ী খানাতল্লাস করিবার জন্ত আমাদের থানার সকল কন্টেবলকে সেখানে উপস্থিত থাকিতে হইবে, এবং লোকাভাবে আমাকে একাকী ছুই বীটের কাজ চালাইতে হইবে—এ সংবাদ ঐ দুইজন ডাকাত বোধ হই পূর্বেই জানিতে পারিয়াছিল ।”

মিঃ ব্লেক বলিলেন, “কিন্তু সেই খানাতল্লাসী নিতান্তই নিরর্থক হইয়াছিল। পল সাইনস্ এই অঞ্চলে থাকিলেও সে সিডেনহাম হিলের এক মাইলের ভিতর কোন বাড়ীতে ছিল না। আজ রাত্রে এই অঞ্চলের পুলিশ কোন জরুরি কার্যে ব্যস্ত থাকিবে—এবং প্রত্যেক বীটে পাহারাওয়ালার অভাব হইবে, এ সংবাদ পল সাইনস্ পূর্বেই জানিতে পারিয়াছিল—এরূপ অনুমান অসঙ্গত নহে।”

ইন্স্পেক্টর কুটস বলিলেন, “সাইনস্ এ সংবাদ পূর্বেই জানিতে পারিয়াছিল—ইহা কি কবিতা বিশ্বাস করি? ইন্স্পেক্টর রোসি রাত্রি বারটা বাজিবার আট মিনিট মাত্র পূর্বে স্কটল্যাণ্ড ইয়ার্ড হইতে এই সংবাদ পাইয়াছিলেন; কিন্তু তাহার বক্ত পূর্বেই এই ডাকাতির যড়যন্ত্র শেষ হইয়াছিল।”

মিঃ ব্লেক ইন্স্পেক্টর রোসিকে বলিলেন, “আপনি স্কটল্যাণ্ড ইয়ার্ড হইতে যে সংবাদ পাইয়াছিলেন তাহা সম্পূর্ণ সত্য ত?”

ইন্স্পেক্টর রোসি বলিলেন, “হাঁ, সম্পূর্ণ সত্য। স্কটল্যাণ্ড ইয়ার্ড হইতে আমাদের থানা পর্যন্ত টেলিফোনের যে স্বতন্ত্র তার (direct line from the Yard) আছে, সেই তারের সাহায্যেই ঐ সংবাদ স্কটল্যাণ্ড ইয়ার্ড হইতে প্রেরিত হইয়াছিল। এমন কি, স্কটল্যাণ্ড ইয়ার্ডের যে কর্মচারী টেলিফোনে ঐ সংবাদ আমাদের জানাইয়াছিল—তাহাকেও আমি চিনি। তাহার নাম ডিটেক্টিভ সার্জেন্ট সিবর্ণ।”

ইন্স্পেক্টর কুটস বলিলেন, “হাঁ, আপনার এ কথা সত্যই বটে; গত রাত্রে এগারটা পূর্বে আমি স্কটল্যাণ্ড ইয়ার্ড হইতে বাতীরে যাই নাই। তাহার পর আমি স্কটল্যাণ্ড ইয়ার্ড পরিভাগ কবিবাব সময় জানিতে পারি—ডিটেক্টিভ সার্জেন্ট সিবর্ণ অবশিষ্ট রাত্রির জন্ম আফিসের ভার পাইয়াছিল; অগামী কল্য বেলা আটটা পর্যন্ত আফিসের সকল ভার তাহারই উপর ন্যস্ত থাকিবে।”

মিঃ ব্লেক বলিলেন, “তাহা হইলে তুমি প্রথমে যাহা স্থির করিয়াছিলে—তাহাই কব। পল সাইনস্ আজ রাত্রে সিডেনহাম হিলের কোন বাড়ীতে লুকাইয়া থাকিবে—এ সংবাদ সার্জেন্ট সিবর্ণ কিরূপে জানিতে পারিয়াছিল তাহাই তাহাকে সর্কাগ্রে জিজ্ঞাসা করিতে হইবে। সে ইন্স্পেক্টর রোসিকে সিডেন-

হাম ছিলের সেই বাড়ী বেণাও করিয়া খানাতল্লাসের অস্ত্র টেলিকোনে উপদেশ পাঠাইয়াছিল; কাহার প্রদত্ত সংবাদে নির্ভর করিয়া সে এই দায়িত্ব-ভার গ্রহণ করিয়াছিল—তাহা জানিতে না পারিলে কোন ফল হইবে না।”

ইন্স্পেক্টর কুট্‌স ও মিঃ ব্লেক ইন্স্পেক্টর রোসির সহিত তাঁহার গাড়ীতে খানায় উপস্থিত হইলেন; ইন্স্পেক্টর রোসি তাঁহাদিগকে লইয়া আফিস-ঘরে প্রবেশ করিলেন। সেখানে তখন খানায় সার্জেন্ট একজন কন্‌ষ্টেবলের সহিত বাগ্‌ভাবে কি কথা কহিতেছিল।

সার্জেন্ট ইন্স্পেক্টর রোসিকে দেখিয়া আগ্রহ ভবে বলিল, “আজ রাত্রে আমাদের এই বিভাগে যেন ভীষণ অরাজকতা আরম্ভ হইয়াছে। মেট্রপলিটান ব্যাঙ্কের স্থানীয় শাখা-ব্যাঙ্কে আজ রাত্রে ডাকাতি হইয়া গিয়াছে! সগুর্স এবং আর হুইজন কন্‌ষ্টেবল সেখানে তদন্তে গিয়াছে।”

ইন্স্পেক্টর রোসি অবজ্ঞা ভরে হাসিয়া বলিলেন, “চোর পলাইয়াছে দেখিয়া তাহাদের বুদ্ধি বাড়িয়া যাইবে। আমরা সেই ব্যাঙ্ক হইতেই ফিরিয়া আসিতেছি। সিডেনহাম ছিলের যে বাড়ীতে খানাতল্লাসী করিবার কথা ছিল—সেই বাড়ীর খানাতল্লাসী সম্বন্ধে তুমি কি স্কট্‌ল্যাণ্ড ইয়ার্ডে কোন কথা জিজ্ঞাসা করিয়াছিলে?”

সার্জেন্ট বলিল, “হাঁ, আমি চেষ্টা করিয়াছিলাম বটে, কিন্তু স্কট্‌ল্যাণ্ড ইয়ার্ড হইতে কোন উত্তর পাইলাম না! আমি পাঁচ সাত বার সাড়া লইবার চেষ্টা করিয়াছি, কিন্তু কেহই সাড়া দিল না।”

ইন্স্পেক্টর কুট্‌স বলিলেন, “কেহই সাড়া দিল না? এ যে বড়ই অদ্ভুত কথা! বাত্রে যাহার উপর আফিসের ভার আছে, সে তোমার প্রশ্নের উত্তর দিতে বাধ্য; হাঁ, যে চটুক একজন উত্তর দিবেই। স্কট্‌ল্যাণ্ড ইয়ার্ডের টেলিকোনের ‘লাইন’ কোথায়?”

ইন্স্পেক্টর কুট্‌স দেওয়ালের নিকট উপস্থিত হইয়া টেলিকোনের ‘বিসিভার’ তুলিয়া লইলেন। তিনি কয়েক মিনিট ধরিয়া হাঁকহাঁকি করিলেন, কিন্তু স্কট্‌ল্যাণ্ড ইয়ার্ড হইতে কাহারও সাড়া পাঠিলেন না। তিনি অধীর হইয়া



উঠিলেন; তাঁহার চক্ষুতে ছল্‌ছলতা ফুটিয়া উঠিল। অবশেষে তিনি মিঃ ব্লেকের মুখের দিকে চাহিয়া বলিলেন, “বড়ই অল্পত ব্যাপার! কাহারও সাড়া পাইতেছি না, কেহ উত্তর দিতেছে না! ইহার কারণ কি? টেলিফোনের লাইন খারাপ হইয়াছে বলিয়াও ত মনে হয় না।”

মিঃ ব্লেক বলিলেন, “অল্প লাইনে চেষ্টা করিয়া দেখ। সাধারণ লাইন দিয়া সাড়া লও। স্কটল্যান্ড ইয়ার্ড হইতে এই থানা পর্যন্ত টেলিফোনের যে পৃথক লাইন আছে—তাহার কোথাও কোন দোষ হইয়া থাকিতে পারে।”

ইন্স্পেক্টর কুটস সাধারণ লাইনের সাহায্যে টেলিফোনে ডাকাডাকি আরম্ভ করিলেন, কিন্তু ফল সেই ‘যথাপূর্ব্ব: তথাপর:!’ কেহই কোন কথা বলিল না। অবশেষে তিনি হতাশভাবে ‘রিলিভার’ ত্যাগ করিলেন; তিনি অত্যন্ত ব্যাকুলভাবে তাঁহার সঙ্গীদের মুখের দিকে চাহিয়া মাথা নাড়িয়া বলিলেন, “না, বুধা চেষ্টা! আমি কাহারও সাড়া পাইলাম না; স্কটল্যান্ড ইয়ার্ডে জনপ্রাণীও নাই, এইরূপ ভাব! অথচ লাইনের কোন খুঁত নাই। ‘অপারেটর’ আমাকে বলিল, সে স্কটল্যান্ড ইয়ার্ডের টেলিফোনের বান্-বানি স্পষ্ট শুনিতে পাইয়াছে, অথচ সকলেই নির্ঝাক! এ যে কি রহস্য—তাঁহা বুঝিতে পারিলাম না; কিন্তু রকম-সকম ভাল বলিয়া আমার মনে হইতেছে না! ডিটেক্টিভ সার্জেন্ট সিবর্ণ নিশ্চয়ই আফিসে আছে; কিন্তু সে আমার প্রশ্নের উত্তর দেওয়া দূরের কথা সাড়া পর্যন্ত দিতেছে না—ইহার কারণ কি ব্লেক! তোমার কি অনুমান?”

মিঃ ব্লেক বলিলেন, “আমি কিছুই অনুমান করিতে পারিলাম না। স্কটল্যান্ড ইয়ার্ডে টেলিফোন করিয়া সাড়া পাওয়া যায় না, সকলে মৃতবৎ অসাড়া, ইহা খুব তাৎক্ষণিক কথ্য বটে।”

ইন্স্পেক্টর রোসি বলিলেন, “সার্জেন্ট সিবর্ণ নিশ্চয়ই ওখানে আছে; কিন্তু সে সাড়া না দেওয়ায় মনে হইতেছে—সে হয় ত হঠাৎ অনুস্থ হইয়াছে, উত্তানশক্তি-রহিত। কিন্তু ইহাও ত আমার অনুমান মাত্র। এই অনুমান সত্য হউক, মিথ্যা হউক, ব্যাপার সহজ নহে। সদর হইতে যদি সংবাদ

পাওয়া না যায়—তাহা হইলে কাজ চলিবে কিরূপে ? বড়ট বিদ্রাটের কথা ! আজ রাতে পল সাইনসের ভাগ্য প্রসঙ্গ, ঘটনাচক্র সকল দিকেই তাহার ঝুকুল !”

‘পল সাইনসের ভাগ্য প্রসঙ্গ’—রোসির এই কথা শুনিয়া মিঃ ব্লেক হঠাৎ চমকিয়া উঠিলেন ; সত্যই কি ইহা তাহার সৌভাগ্যের ফল ? স্থানীয় পুলিশ সাইনসের সন্ধানে সিডেনহাম হিলে খানাতল্লাস করিতে চলিল, সেই সন্ধ্যোগে সাইনস্ ডল্‌উইচ গ্রামে বিচারপতি সোয়েনের গৃহে উপস্থিত হইল ; তাহার দলের অস্ত্র দস্যুরা ঠিক সময় খানার প্রায় পাঁচ শত পক্ষ দূরবর্তী ব্যাক লুঠন করিল, অথচ সে সময় খানায় একজনও কন্টেইবল রহিল না !—ইহা কি পল সাইনসের কোন ষড়যন্ত্রের ফল ? না তাহার সৌভাগ্যবশতঃই এতগুলি সন্ধ্যোগ একসঙ্গে ছুটিয়া গেল—ইহাই মিঃ ব্লেক চিন্তা করিতে লাগিলেন । ইন্স্পেক্টর রোসি সেই রাতে স্বটল্যাণ্ড ইয়ার্ড হইতে যে ভুল সংবাদ পাইয়া সদলে সিডেনহাম হিল পল্লীতে পল সাইনস্কে গ্রেপ্তার করিতে গিয়াছিলেন, সেই সংবাদ পাঠাইয়া তাঁহাকে প্রতারণিত করিবার কারণ কি—তালা জানিবার জন্য স্বটল্যাণ্ড ইয়ার্ডের ভারপ্রাপ্ত কর্মচারীকে পুনঃ পুনঃ ডাকিয়াও সাড়া পাইলেন না ! এজন্য তাঁহারা সকলেই অত্যন্ত উৎকণ্ঠিত হইলেন ; কিন্তু অতঃপর কি করা উচিত তাহা কেহহ স্থির করিতে পারিলেন না ।

রবট ব্লেক অর্ধদণ্ড সিগারেটটা দূরে নিক্ষেপ করিয়া ইন্স্পেক্টর রোসিকে বলিলেন, “আপনি অস্ত্র কোন খানায় সন্ধান লইয়া দেখুন । ট্রেখামের খানার ভারপ্রাপ্ত কর্মচারীকে জিজ্ঞাসা করুন—স্বটল্যাণ্ড ইয়ার্ডকে ডাকিয়া তিনি কোন কথা জানিতে পারিয়াছেন, কি না ।”

ইন্স্পেক্টর রোসি ট্রেখাম খানার ভারপ্রাপ্ত কর্মচারীকে আহ্বান করিবার জন্য ‘ফোনে’র উপর বুকিয়া পড়িলেন ; তিনি মুহূর্ত্তপরেই ট্রেখামের খানা হইতে সাড়া পাইলেন বটে, কিন্তু যে উত্তর পাইলেন—তাহা যে তাঁহার স্মৃতিকর হয় নাই, ইহা মিঃ ব্লেক তাঁহার মুখ দেখিয়াই বুঝিতে পারিলেন ।

কয়েক মিনিট পরে ইন্স্পেক্টর রোসি মিঃ ব্লেককে উত্তেজিত স্বরে বলিলেন, “এ যে বড়ই বিষম ব্যাপার মিঃ ব্লেক! ষ্ট্রেথামের ইন্স্পেক্টর বলিলেন—স্কটল্যাণ্ড ইয়ার্ডে টেলিফোন করিয়া তিনিও কোন সাড়া পান নাই; আধ ঘণ্টা ধরিয়া বুধা হাঁকাহাঁকি করিয়াছেন! আরও এক অদ্ভুত সংবাদ পাইলাম; আমাদের মত উদ্ভাসিককেও অনর্থক বুনো হাঁসের পিছনে ঘুরিয়া বেড়াইতে হইয়াছে।”

ইন্স্পেক্টর কুটস বলিলেন, “বুনো হাঁসের পিছনে ঘুরিয়া বেড়াইতে হইয়াছে—এ কথাই অর্থ কি ইন্স্পেক্টর!”

ইন্স্পেক্টর রোসি বলিলেন, “ষ্ট্রেথামের ইন্স্পেক্টর আজ রাত্রি বারটা বাজিবার দশ মিনিট পূর্বে স্কটল্যাণ্ড ইয়ার্ড হইতে টেলিফোনে সংবাদ পাইয়াছিলেন—পল সাইনস্ আজ রাত্রে ‘ষ্ট্রেথাম কমন্সের’ উত্তরাংশে অবস্থিত একটি বাড়ীতে লুকাইয়া ছিল।—তাহাকে গ্রেপ্তার করিবার জন্ত ইন্স্পেক্টর তাঁহার থানার সমস্ত কন্স্টেবল লইয়া সেই বাড়ী ঘিরিয়া বাড়ী থানাতল্লাস করিয়াছিলেন; কিন্তু তিনি পল সাইনসের সন্ধান পান নাই। তাঁহাকে হতশভাবে থানায় ফিরিয়া আনিতে হইয়াছে! কিন্তু ইহাই শেষ সংবাদ নহে; ইন্স্পেক্টর যখন ষ্ট্রেথামের সেই বাড়ীতে পল সাইনসের সন্ধান করিতেছিলেন, সেই সময় তিনজন দস্যু ষ্ট্রেথাম হিলের একটি ব্যাঙ্ক হইতে পনের হাজার পাউণ্ড লুঠ করিয়া লইয়া গিয়াছে! সেই তিনজন দস্যু একখানি ট্যাক্সি লইয়া লুঠ করিতে আসিয়াছিল, তাহারা চলিয়া বাইবার সময় পল সাইনসের নামের একখানি কার্ড ব্যাঙ্ক ফেলিয়া গিয়াছিল।”

ইন্স্পেক্টর কুটস ইন্স্পেক্টর রোসির কথা শুনিয়া আবেগভরে বলিলেন, “কি সর্বনাশ!—এ যে অতি ভয়ানক কথা! কিন্তু স্কটল্যাণ্ড ইয়ার্ডের ভারপ্রাপ্ত কর্মচারী নিশ্চয়ই ত্রৈকুপ সংবাদ ষ্ট্রেথামের থানায় পাঠাইতে পারে না। সে আপনাকে জানাইল—আজ রাত্রে পল সাইনস্ সিডেনহাম হিলের এক বাড়ীতে লুকাইয়া আছে;—সেই বাড়ী থানাতল্লাস করিয়া তাহাকে গ্রেপ্তার করিবার জন্ত আপনি উপদেশ পাইলেন, আবার সেই সময় ষ্ট্রেথাম-

খানার ইন্স্পেক্টরও তাহার নিকট হইতে ঐরূপ সংবাদ জানিতে পারিলেন; তাঁহাকেও সমলে ষ্ট্রেণামের সেই বাড়ীতে উপস্থিত হইয়া পল সাইনস্কে গ্রেপ্তার করিবার জন্ত আদেশ করা হইল। আপনারা উভয়েই এই আদেশ পালন করিতে গিয়া বিফল-মনোরথ হইয়া ফিরিয়া আসিলেন; ওদিকে আপনারা সকল পাহারাওয়ালাদের জুটাইয়া লইয়া পল সাইনস্কে ধরিতে বাইবার পর উভয় স্থানেরই ব্যাঙ্ক লুঠ হইল!—ইহা নিশ্চয়ই পল সাইনস্কে বড়যন্ত্রের ফল! আমার বিশ্বাস, পল সাইনস্ কোন কৌশলে স্কটল্যান্ড ইয়ার্ডের টেলিফোনের তার হস্তগত করিয়া আপনাদের নিকট সেই মিথ্যা সংবাদ পাঠাইয়াছিল; সেই সংবাদে নির্ভর করিয়া আপনারা স্ব-স্ব খানার সমস্ত পাহারাওয়ালাদের জুটাইয়া লইয়া সাইনস্কে গ্রেপ্তার করিতে গিয়াছিলেন। সেই সুযোগে তাহার দলস্থ দস্যুরা উক্ত উভয় ব্যাঙ্ক লুঠ করিয়া পলায়ন করিয়াছে।”

ইন্স্পেক্টর কুটসের কথা শুনিয়া মিঃ ব্লেকের চক্ষু উজ্জ্বল হইল; তিনি অধীর ভাবে বলিলেন, “কেবল কি ছুটি ব্যাঙ্ক? পল সাইনস্ যদি এইরূপ বড়যন্ত্র করিয়া তাহার অসুচরবর্গ দ্বারা দুইটি ব্যাঙ্ক লুঠন করাইতে পারে, তাহা হইলে লণ্ডনের বিভিন্ন অংশের কুড়িটা ব্যাঙ্কও কি সে ঐ ভাবে লুঠন করাইতে পারে না? যদি দুইটি খানায় ঐ মিথ্যা সংবাদ প্রেরণ করা তাহার পক্ষে সুসম্ভব হইয়া থাকে— তাহা হইলে সে কি লণ্ডনের বিভিন্ন অংশের কুড়িটা খানায় ঐরূপ মিথ্যা সংবাদ পাঠাইয়া তাহার শৈশাচিক বড়যন্ত্র সফল করিতে পারে নাই?”

ইন্স্পেক্টর কুটস মিঃ ব্লেকের কথা শুনিয়া যেন আকাশ হইতে পড়িলেন, তিনি মাথায় হাত দিয়া হতাশ ভাবে একখানি চেয়ারে বসিয়া বলিলেন, “কি সর্বনাশ! ব্লেক তুমি বলিতেছ কি? না, না, তোমার এই অনুমান নিশ্চয়ই সত্য নহে। ইন্স্পেক্টর রোসি বলিয়াছেন—সার্জেন্ট সিবর্ণ স্কটল্যান্ড ইয়ার্ড হইতে টেলিফোনে তাঁহাকে সংবাদ দিয়াছিল। সার্জেন্ট সিবর্ণের উপদেশ উনি অবশ্য-পালনীয় বলিয়াই মনে করিয়াছিলেন।”

ইন্স্পেক্টর রোসি বলিলেন, “হাঁ, স্কটল্যান্ড ইয়ার্ডের ভারপ্রাপ্ত কর্মচারী সার্জেন্ট সিবর্ণের নিকট হইতে টেলিফোনে ঐরূপ উপদেশই পাইয়াছিলাম,

এ কথা আমি হলপ করিয়া বলিতে পারি। আমি নানা উপলক্ষে অসংখ্যবার টেলিফোনে তাহার সহিত আলাপ করিয়াছি। পল সাইনস্ আমাকে কৌশলে প্রভাৱিত করিয়াছে—এ কথা বিশ্বাসের অযোগ্য; কারণ সার্জেন্ট সিধৰ্ণ আমাকে সাক্ষাতিক ভাষায় উপদেশ প্রেরণ করিয়াছিল, সেই ভাষা পল সাইনসের বা বাহিরের কোন লোকের জানিবার সম্ভাবনা নাই।”

মিঃ ব্লেক বলিলেন, “সে কথা সত্য; কিন্তু আপনি যথাসাধ্য চেষ্টা করিয়াও টেলিফোনে স্কট্‌ল্যাণ্ড ইয়ার্ডের সাড়া পাইতেছেন না, ইহা কি সন্দেহজনক নহে? যাহা হউক, এখানে আর বিলম্ব করিয়া কোন ফল নাই। ইন্স্পেক্টর রোলি, আমি আপনাদি ট্যান্ড্রি লইয়া এখান হইতে সোজা স্কট্‌ল্যাণ্ড ইয়ার্ডে যাইতে চাহি; সেখানে না যাইলে এই রহস্যভেদের আশা নাই। কুটস্, ডুমিও আমার সঙ্গে চল; আমরা অনেক সময় নষ্ট করিয়াছি, অথচ কিছুই জানিতে পারিলাম না!”

ইন্স্পেক্টর কুটস্ ইন্স্পেক্টর রোসির ট্যান্ড্রিতে উঠিয়া বসিলে মিঃ ব্লেক স্বয়ং সেই গাড়ী চালাইতে লাগিলেন। ট্যান্ড্রি বন্দুকের গুলীর মত সবগে স্কট্‌ল্যাণ্ড ইয়ার্ড অভিমুখে ধাবিত হইল।

তখন রাত্রি অবসান-প্রায়; পল্লীপথ নিস্তর ও নিৰ্জন। সম্মুখে কোন বাধা না পাওয়ায় ট্যান্ড্রি বিভিন্ন পথ অতিক্রম করিয়া পূৰ্ণ বেগে চলিতে লাগিল। মিঃ ব্লেক অবাধে ব্রিক্সটনে উপস্থিত হইয়া ব্রিক্সটনের থানার অদূরে হঠাৎ ট্যান্ড্রি থামাইতে বাধ্য হইলেন, কারণ একদল পুলিশ-কন্‌ষ্টেবল তাঁহাদের পথ রোধ করিয়া দাঁড়াইয়া ছিল।

মিঃ ব্লেক সম্মুখের পথ বন্ধ দেখিয়া ট্যান্ড্রির ব্রেক করিয়া গাড়ী থামাইলেন; সঙ্গে সঙ্গে একজন সার্জেন্ট গাড়ীর পা দানে উঠিয়া দাঁড়াইল, এবং তাঁহাদের পরিচয় জিজ্ঞাসা করিল। তাঁহারা কি উদ্দেশ্যে কোথা হইতে কোন্ স্থানে যাইতেছেন—তাহাও জানিতে চাহিল।

মিঃ ব্লেক ও ইন্স্পেক্টর কুটস্ সেই সার্জেন্টের নিকট জানিতে পারিলেন—রাত্রি বারটা বাজিবার কয়েক মিনিট পূর্বে স্কট্‌ল্যাণ্ড ইয়ার্ড হইতে ব্রিক্সটনের

ধানার ইন্স্পেক্টরকে টেলিফোনে জ্ঞাপন করা হইয়াছিল—ব্রিস্টলটনের একাধিক লেনের একটি বাড়ীতে পল সাইনস্ লুকাইয়া আছে—একপা সংবাদ পাওয়া গিয়াছে ; অতএব ব্রিস্টলটন থানার ভারপ্রাপ্ত ইন্স্পেক্টরকে তাঁহার এলাকার সমুদয় পুলিশ কন্স্টেবল সহ একাধিক লেনে গমন করিয়া সেই অট্টালিকা ঘিরিয়া ফেলিতে হইবে, এবং সেই বাড়ী খানাতল্লাস করিয়া পল সাইনস্কে গ্রেপ্তার করিতে হইবে।—ব্রিস্টলটন থানার ইন্স্পেক্টর স্কটল্যান্ড ইয়ার্ড হইতে এই সংবাদ পাইয়া তাঁহার এলাকার সমস্ত কন্স্টেবল ও পুলিশ কর্মচারীদের সঙ্গে লইয়া একাধিক লেনের সেই বাড়ী খানাতল্লাস করিতে গিয়াছিলেন; সেই সুযোগে কয়েকজন দস্যু ব্রিস্টলটনের প্রধান রাজপথে অবস্থিত ব্যাঙ্ক প্রবেশ করিয়াছিল। তাহারা সিদ্ধক ভান্সিয়া নগদ কুড়ি হাজার পাউণ্ড লুট করিয়াছে।—এই সকল দস্যু পল সাইনসের অন্তর তাহারও প্রমাণ পাওয়া গিয়াছে।”

ইন্স্পেক্টর কুটস ব্রিস্টলটন থানার সার্জেন্টের নিকট এই সকল কথা শুনিয়া বিচলিত স্বরে বলিলেন, “সাইনস্ ‘ইভ্‌নিং নিউজে’ যে স্পর্ধাপূর্ণ পত্র প্রকাশিত করিয়াছে—সেই পত্রের উদ্দেশ্য এখন বুঝিতে পারা যাইতেছে! কাল সকালে বেলা নয়টার সময় সংবাদ-পত্রের প্রতিনিধিরা স্কটল্যান্ড ইয়ার্ডে আসিয়া আজ রাত্রির সকল সংবাদ জানিবার জন্য মহা কোলাহল আৰম্ভ করিবে। আমরা কিভাবে প্রতারণিত ও অপদস্ত হইয়াছি—ইহা তাহারা জানিতে পারিলে আমাদের লাঞ্ছনার সীমা থাকিবে না; জনসমাজে আমরা মুখ দেখাইতে পারিব না।—এ সকল কথা তাহাদের নিকট প্রকাশ করা কি সম্ভব হইবে?”

মিঃ ব্লেক কোন মতামত প্রকাশ না করিয়া পুনর্বার চলিতে আরম্ভ করিলেন; কিন্তু তাঁহার মন নানা চিন্তায় ব্যাকুল হইয়া উঠিল। তিনি চক্ৰ-চিত্তে অদূরবর্তী আলোকিত ট্রায়-লাইনের দিকে দৃষ্টিপাত করিলেন। তাঁহার ধারণা হইল—তাঁহার তখন পর্য্যন্ত চরম দুঃসংবাদ জানিতে পারেন নাই। (they had not as yet learned the worst.) পল সাইনস্ টেলিফোনে লণ্ডনের সহরতলীর কয়েকটি থানায় মিথ্যা সংবাদ পাঠাইয়া কয়েকটি ব্যাঙ্ক লুট করাইয়াছিল বটে, কিন্তু তাহার পক্ষে এই কার্য কঠিন হয় নাই। সে স্কটল্যান্ড ইয়ার্ডের শক্তি ও

সঙ্কমে কঠোর দণ্ডাঘাত করিবার জন্ত যে ভয় প্রদর্শন করিয়াছিল (the colossal blow that Cynos had threatened to strike at the prestige and power of Scotland Yard.) তাহার পরিণাম যে কয়েকটি ব্যাক লুঠ—তাহার অতিরিক্ত আর কিছুই নহে, ইহা মিঃ ব্লেক বিশ্বাস করিতে পারিলেন না।

ট্যাক্সি দ্রুত বেগে ওয়েষ্টমিনস্টার সাঁকোর সম্মুখীন হইল। নদীর অত্র তীরে স্তুবিখ্যাত ‘বিগ বেন’ নামক ঘড়ির সমুন্নত সৌধ-চূড়া তাঁহাদের নয়ন সমক্ষে সমুদ্ভাসিত হইল। সেই সৌধ-শিখর হইতে উজ্জ্বল বিদ্যুতালোক বিকীর্ণ হইতেছিল দেখিয়া তাঁহারা বুঝিতে পারিলেন—পালিয়ামেন্ট মহাসভায় তখনও কাজ চলিতেছিল।

ইন্স্পেক্টর কুট্‌স কথঞ্চিৎ আস্থিত হইয়া বলিলেন, “আর কয়েক মিনিটের মধ্যেই আমরা স্কটল্যান্ড ইয়ার্ডে উপস্থিত হইতে পারিব।”—তাঁহারা কথা শেষ হইবার সঙ্গে সঙ্গে একটা বোমা মহাশব্দে বিদীর্ণ হইয়া চতুর্দিক প্রাতিধ্বনিত করিল। সেই স্তব্ধ রাত্রে সেই শব্দ যেন শত কামান-নির্ঘোষবৎ প্রতীয়মান হইল। সেই ট্যাক্সির চাকার নীচের পথ সেই মহাশব্দে কাঁপিয়া উঠিয়া যেন বিদীর্ণ হইবার উপক্রম হইল, এবং সঙ্গে সঙ্গে অতুজ্জ্বল লোহিতানলের লেলিহান জিহ্বা আকাশের এক প্রান্ত লেহন করিতে করিতে সবেগে নৃত্য করিতে লাগিল।

ইন্স্পেক্টর কুট্‌স সেই উজ্জ্বল আলোকরাশির দিকে দৃষ্টিপাত করিয়া সভয়ে ভগ্নস্বরে বলিলেন, “ও কি ব্যাপার ব্লেক!—কি ভীষণ অগ্নিকাণ্ড!—চল, শীঘ্র চল, ওদিকে আগুন লাগিল কোথায়?”

মিঃ ব্লেক কোন কথা না বলিয়া দস্ত দস্তে নিষ্পেষিত করিয়া সবেগে ওয়েষ্টমিনস্টার ব্রীজ পার হইলেন। ট্যাক্সি ক্রমশঃ স্কটল্যান্ড ইয়ার্ডের সমীপবর্তী হইল। ইন্স্পেক্টর কুট্‌স সেইদিকে চাহিয়া বিহ্বল স্বরে বলিলেন, “সর্বনাশ হইয়াছে ব্লেক! ঐ দেখ স্কটল্যান্ড ইয়ার্ডে আগুন লাগিয়াছে। উঃ, কি ভীষণ কাণ্ড! স্কটল্যান্ড ইয়ার্ডেই বোমা ফাটিয়াছে, বোমার আগুনে চতুর্দিক ধুধু করিয়া জ্বলিতেছে! উঃ, কি ভীষণ হৃদয়-বিদারক দৃশ্যটনা!”

মিঃ ব্লেক নদী পার হইয়া স্কটল্যাণ্ড ইয়ার্ডের দিকে দৃষ্টিপাত করিলেন ; সেই বিরাট বিশাল হ্রদ্ব্যশ্রেণীর দিকে চাহিয়া তাঁহার বক্ষের শোণিত-স্রোত যেন শুষ্ক হইল ।

ইন্স্পেক্টর কুট্‌সের অনুমান সত্য । তাঁহারা স্কটল্যাণ্ড ইয়ার্ডের নিকট অগ্রসর হইয়া যে ভীষণ দৃশ্য দেখিলেন—তাহা হইতে দৃষ্টি ফিরাইতে পারিলেন না । শোণিতের স্থায়ী স্নলোহিত অগ্নি-স্ফুলিঙ্গ স্কটল্যাণ্ড ইয়ার্ডের সৌধ-শিখরে সশব্দে উৎক্ষিপ্ত হইতেছিল, এবং সেই আলোকে আকাশের বহুদূর পর্য্যন্ত উজ্জ্বল পীতবর্ণে রঞ্জিত হইয়াছিল, (dyeing the sky a lurid orange.)

মিঃ ব্লেকের মনে যে আশঙ্কা প্রবল হইয়া উঠিল তাহা তিনি ইন্স্পেক্টর কুট্‌সের নিকট প্রকাশ করিবার পূর্বেই তাঁহার ট্যান্সিব ইঞ্জিন হঠাৎ ভস্ম-ভস্ম শব্দ করিয়াই নিঃশব্দ হইল ; পর-মুহূর্ত্তেই ট্যান্সিব অচল হইল, আর এক হাঁকণ্ড তাহার নড়িবার সামর্থ্য রহিল না ।

মিঃ ব্লেক বিরক্তিশূন্য হওয়ার করিয়া ‘পেট্রল ট্যাঙ্ক’ দৃষ্টিপাত করিলেন ; তাহার পর ইন্স্পেক্টর কুট্‌সকে বলিলেন, “না, ‘জুন্-ট্যাঙ্ক’ শুকাইয়া খটখটে হইয়াছে । নামিয়া চল কুট্‌স ! এহ অচল গাড়ীতে পুতুলের মত বাসয়া থাকিয়া কোন ফল নাই ।”

ইন্স্পেক্টর কুট্‌স তৎক্ষণাৎ মিঃ ব্লেকের সঙ্গে গাড়ী হইতে নামিয়া পড়িলেন, তাহার পর সেতুর উপর দিয়া দৌড়াইতে লাগিলেন । তাঁহারা বাঁধের উপর উঠিবার পূর্বেই কান্নার ত্রিগেডের গাড়ীর ঘন্টার চন্-চন্ শব্দ ও পুলিশ-হইস্লেব তীব্র ধ্বনি শুনিতে পাইলেন ।

তখনও পূর্বাকাশ উয়ালোকে রঞ্জিত হয় নাই ; কিন্তু রাত্রি প্রায় শেষ হইয়াছিল । সেই অসময়েও নিউ স্কটল্যাণ্ড ইয়ার্ডের অন্দরে বাঁধের উপর বহু লোকের সমাগম দেখিয়া তাঁহারা বিস্মিত হইলেন । ক্যানন-রোর ফাঁড়ি (section-house) হইতে কন্ঠেবলেরা দলে দলে বাহির হইয়া স্কটল্যাণ্ড ইয়ার্ডের অগ্নিকাণ্ড দেখিতে লাগিল । কয়েক নিমিটের মধ্যেই সেই বাঁধ অসংখ্য নর নারীতে পূর্ণ হইল, এবং বাঁধের উপর যেন নরমুণ্ডের স্রোত চলিতে লাগিল ।



তখন চতুর্দিক হইতে সমুদ্র-কল্লোলের স্রাব কোলাহল উৰ্ধিত হইল। সমাগত নগরবাসীরা সকল শৃঙ্খলা ভঙ্গ করিয়া অত্যন্ত উত্তেজিত ভাবে চারি দিকে দৌড়াদৌড়ি করিতে লাগিল; পুলিশ কোন দিকে শৃঙ্খলা রক্ষা করিতে পারিল না। অগ্নিকাণ্ডের ভীষণতা দর্শনে সকলেই উদ্ভ্রান্তবৎ চঞ্চল হইয়া উঠিয়াছিল। কেহ বলিতেছিল, “স্কটল্যান্ড ইয়ার্ড আর রক্ষা পায় না; উঃ, কি ভীষণ অগ্নিকাণ্ড!”

আর একজন উত্তেজিত স্বরে বলিল, “গামকা রক্ষা পাইবে? স্কটল্যান্ড ইয়ার্ডের ছাদে আগুন! (the roof's on fire.) ঐ প্রকাণ্ড বাড়ীটা হুড়-হুড় করিয়া ভাঙ্গিয়া পড়িবে; আর উগার চিহ্ন মাত্র থাকিবে না।”

আর একজন বলিল, “চোর ডাকাতি খুনী বাটপাড়দেরই মজা! এত দিনে তাহাদের পুলিশের ভয় দূর হইল। পথে ঘাটে যখন তখন লুঠ চলিবে। দেখ দেখ, কি জোরে আগুন জ্বলিতেছে!—যেন কেহ হাজার হাউই এক সঙ্গে আকাশে ছাড়িয়া দিয়াছে!” হাঁ, আগুন বটে!”

এইরূপ মন্তব্য সর্বত্রই শুনিতে পাওয়া গেল।

ইন্স্পেক্টর কুটস এই সকল মন্তব্য শুনিতে শুনিতে ক্রোধে ক্ষিপ্তবৎ হইয়া দুই হাতে ভিড় ঠেলিয়া অগ্রসর হইলেন। তিনি বহুকষ্টে স্কটল্যান্ড ইয়ার্ডের দেউড়ীর সম্মুখে উপস্থিত হইয়া দেখিলেন, বহু সংখ্যক উর্দ্ধাধারী পুলিশ কর্মচারী সেই স্থানে দলবদ্ধ হইয়া দেউড়ীর ভিতর প্রবেশ করিবার জন্য ঠেলাঠেলি আরম্ভ করিয়াছে! তাহাদের সর্বাগ্রে একজন ইন্স্পেক্টর; তিনি রুদ্ধ ধারে সজোরে ধাক্কা দিতেছিলেন।—দেউড়ী ভিতর হইতে বন্ধ!

ইন্স্পেক্টর কুটস জনতা ভেদ করিয়া সেই ইন্স্পেক্টরের পাশে উপস্থিত হইলেন। তাহার মুখের দিকে চাহিয়া ইন্স্পেক্টর ব্যাকুল স্বরে বলিলেন, “ঐ যে মি: কুটস! কি ভয়ঙ্কর ব্যাপার—দেখিতেছেন ত? কিছু কাল পূর্বে স্কটল্যান্ড ইয়ার্ডে বোমা ফাটিয়াছে, (there's been an explosion.) তাহার পরেই এই অগ্নিকাণ্ড! ইয়ার্ডের ভার-প্রাপ্ত কর্মচারীকে ডাকাডাকি করিয়া তাহার কোন সাফা পাইতেছি না। দেউড়ী বন্ধ, ভিতরে প্রবেশ করিবার উপায় নাই!”

ইন্স্পেক্টর কুট্‌স বলিলেন, “বড় সাহেবকে সংবাদ দেওয়া হইয়াছে ?”

অল্প ইন্স্পেক্টর বলিলেন, হাঁ, তাঁহাকে ও সুপারিণ্টেন্ডেন্ট ট্যানারকে অবিলম্বে এখানে আসিতে অনুরোধ করিয়াছি। দেউড়ীর চাবি সুপারিণ্টেন্ডেন্ট ট্যানারের কাছেই আছে বোধ হয়।”

ইন্স্পেক্টর কুট্‌স ভয়স্বরে বলিলেন, “ডিটেক্টিভ সার্জেন্ট সিবর্ণের উপর আফিসের ভার আছে; তাহার সাড়া পাওয়া যাইতেছে না! সে বেচারী আঙুনে পুড়িয়া মরিল না কি? ব্লেক, তোমার কিরূপ অনুমান? তাহার সাড়া নাই; এ যে বড়ই ভয়ানক কথা!”

সিঃ ব্লেক ইন্স্পেক্টর কুট্‌সের পাশেই দাঁড়াইয়া ছিলেন; তিনি ভারী গলায় বলিলেন, “সর্ব্বনাশের আর বাকি কি?”

মুহূর্ত্ত পরে একখানি ষ্টীমার চং চং শব্দ করিতে করিতে বাঁধের নীচে আসিয়া খামিল। তাঙ্গ দেখিয়া বাঁধের জনতা দুই পাশে সবিনয় গিয়া ফায়ার-ইঞ্জিনের কর্মচারীদের পথ ছাড়িয়া দিল। ফায়ার-ইঞ্জিনের দল ষ্টীমার হইতে নীচে নামিয়া তাহাদের হাতিয়ার সহ স্কটল্যান্ড ইয়ার্ডের সদর দরজার দিকে অগ্রসর হইল।

পিস্তল-নির্ম্মিত শিরস্কাগমণ্ডিত (brass-helmeted) এই সকল কন্ঠ “ফায়ার-ব্রিগেড”-কর্মচারী যখন দলবদ্ধ হইয়া কোন স্থানে আঙুন নিবাইতে যায়—তখন সেই সকল বাড়ী ঘরের প্রান্ত তাহাদের নামা মনসা থাকে না; দরিত্রের কুটার হইতে রাজ-স্বাসাদ সকলই তাহারা সমান তুচ্ছ মনে করে। স্কটল্যান্ড ইয়ার্ডের সেই সুবিশাল প্রাসাদতুল্য কন্ঠ তাহারা সহরতলীর একটা সাধারণ বাগান-বাড়ী (an ordinary suburban villa) অপেক্ষা বিন্দুমাত্র অধিক মূল্যবান পদার্থ বলিয়া মনে করিল না। তাহারা প্রকাণ্ড প্রকাণ্ড স্তম্ভ কুঠার মাথার উপর তুলিয়া দরজার কপাট-চৌকাটে প্রচণ্ড বেগে আঘাত করিতে লাগিল। সেই আঘাতে ছাব খণ্ড খণ্ড হইয়া মাটিতে পড়িল। দুই মিনিটের মধ্যে অর্গলরুদ্ধ স্তম্ভৎ ও স্তম্ভ ছারের চিত্রমাত্র রহিল না! তীক্ষ্ণ ধার কুঠারের আঘাতে স্তম্ভৎমধ্যে “চিচিং-ফাঁক!”

অনন্তর ফায়ার-ব্রিগেডের দল অগ্নি-নির্ক্শাণোপযোগী রাসায়নিক উপাদানসমূহ

সঙ্গে লইয়া (armed with chemical extinguishers) জোয়ারেরঃ জলোচ্ছ্বাসের ভ্রায় সবেগে সেহ বিশাল সোখে প্রবেশ করিল। তাহার নীচের তলায় ধূম অথবা অগ্নি-জিহ্বা দেখিতে না পাইয়া বুকিতে পারিল—স্কটল্যাণ্ড ইয়ার্ডের 'মটকার' আগুন লাগিয়াছে।

ইন্স্পেক্টর কুটস অনেক বাজে লোককে ফায়ার-ব্রিগেডের দলে মিশিয়া ভিতরে প্রবেশ করিতে দেখিয়া হকার ছাড়িয়া বলিলেন, “তফাৎ! বাজে লোক সব তফাৎ যাও; কেবল আগুন নিবাইবার কৰ্মচারী ছাড়া অল্প কাহারও ভিতরে যাওয়া নিষেধ।—বড় সাহেব যতক্ষণ না আসেন—ততক্ষণ অল্প লোক সব বাহিরে থাক।”

মিঃ ব্লেক সেই ভাঙ্গা দরজার এক পাশে স্তব্ধভাবে দাঁড়াইয়া ছিলেন; তাঁহার মুখ মলিন, চক্ষুতে নিরাশার চিহ্ন পরিস্ফুট। এই আকস্মিক আঘাত এতই ভীষণ, এক্ষণ স্মৃতী যে, তাঁহার সৰ্ব্বাঙ্গ যেন আড়ষ্ট হইয়া উঠিয়াছিল; ইহা মত বলিয়া বিশ্বাস করিতে যেন তাঁহার প্রবৃত্তি হইল না। বহুকাল পূর্বে ফিনিয়ানদের দাঙ্গার সময় স্কটল্যাণ্ড ইয়ার্ড বিধ্বস্ত হইবার সম্ভাবনা ঘটয়াছিল বটে, কিন্তু তাহার পর এ পর্য্যন্ত আর কখন এক্ষণ ভীষণ কাণ্ড সংঘটিত হয় নাই। ইহার পরিণাম কিরূপ শোচনীয় হইতে পারে—তাহা চিন্তা করিয়া তাঁহার হৃদয় অবসাদে আচ্ছন্ন হইল। তিনি বুকিতে পারিলেন স্কটল্যাণ্ড ইয়ার্ড বিধ্বস্ত হইলে কুণ্ডনের পুলিশ কোজ নিরাশ্রয় হইবে। যেখানে যত থানা আছে পুলিশের সদর আড্ডার সহিত তাহাদের সম্বন্ধ বিচ্ছিন্ন হইবে। স্কটল্যাণ্ড ইয়ার্ডের সকল টেলিগ্রাফ ও টেলিফোনের তারগুলি বিধ্বস্ত হওয়ার বহির্জগতের সহিত তাহার সংবাদ আদান-প্রদান রহিত হইবে। বে-তারের যন্ত্রাদি চূর্ণ হওয়ার তাহার কার্যকারিতা নষ্ট হইবে। কোজদারীর আসানীদের অপরাধ-সংক্রান্ত নথিপত্রগুলি, (all the criminal records) এবং অসুলি-চিহ্নের খাতাপত্রগুলি বিলুপ্ত হইলে পুনর্বার তাহা সংগ্রহ করিবারও উপায় থাকিবে না; সুতরাং বহু বৎসরের বহু পরিশ্রম সংগৃহীত দলিলপত্র সম্পূর্ণরূপে বিলুপ্ত হইবে। দেশের প্রত্যেক অপরাধী আনন্দে নৃত্য করিবে। আইনের শক্তি অনির্দিষ্ট কালের

জন্তু পক্ষু হইয়া যাইবে; এবং পুণাতন অপরাধীর দল আপনাদিগকে নিরাপদ মনে করিয়া মহা-উৎসাহে দলবদ্ধ হইবে। তাহার দেশের শান্তি শৃঙ্খলা কল্যাণ সমস্তই অচিরে পদদলিত করিয়া সমগ্র দেশে ভীষণ অরাজকতার সৃষ্টি করিবে। দেশের সেই ভয়ানক অবস্থার কথা চিন্তা করিতেও মিঃ ব্লেকের লোমহর্ষণ হইল।

ইন্স্পেক্টর কুটস হঠাৎ তাঁহার হাত ধরিয়া হতাশভাবে জড়িতস্থরে বলিলেন, “ব্লেক, তুমি কি বলিবে এই ভীষণ সর্বনাশের জন্তু নরপিণ্ডাচ সাইনস্‌ই দায়ী? সে ভয় প্রদর্শন করিয়া যে পত্র লিখিয়াছিল—তাহার মন্য ত তোমার স্বরণ আছে। সে হট্টল্যাণ্ড ইয়ার্ড ধ্বংস করিতে চাতিয়াছিল; এখন দেখিতেছি তাহার—”

ইন্স্পেক্টরের কথা শুনিয়া মিঃ ব্লেক প্রচণ্ডবেগে মাথা নাড়িয়া এভাবে তাহার মুখের দিকে চাহিলেন যে, ইন্স্পেক্টর কুটসের মুখের কথা মুখেই রহিয়া গেল, কথাগুলি আর শেষ পর্য্যন্ত বলা হইল না। মিঃ ব্লেক কোন কথা বলিতে পারিলেন না; তাঁহার মুখে কথা ফুটল না। তিনি বুঝিয়াছিলেন—এই ভীষণ ঐশাচিক কাণ্ডের জন্তু পল সাইনস্‌ই দায়ী, তাহার দস্ত বার্থ হয় নাই; কিন্তু তিনি তাঁহার মনের কথা প্রকাশ করিতে সাহস করিলেন না। সে অজ্ঞ যে সকল অপকর্ম করিয়াছিল, তাহা তাহার অসাধ্য নহে—ইহা তিনি জানিতেন; কিন্তু হট্টল্যাণ্ড ইয়ার্ড সে কি কৌশলে বিধ্বস্ত করিবার বাবস্থা করিল—ইহা তিনি বুঝিতে পারিলেন না; একপ ভীষণ কাণ্ড তাঁহার কল্পনারও অতীত!

ফায়ার-ব্রিগেডের কাণ্ডেনে দ্রুতবেগে চল-যরে প্রবেশ করিলেন; ধূমে তাঁহার স্মৃতি কাল হইয়াছিল, আগুনের উত্তাপে তাঁহার চোপ মুখ ঝলসাইয়া গিয়াছিল। তিনি ব্যগ্রভাবে বলিলেন, “অগ্নিনির্ব্বাণের উপকরণগুলি ফুাইয়া গিয়াছে; এখন আরও চাই। উপরের তালার বোমা ফাটিয়াছিল; তাহার পর অগ্নিকাণ্ড আরম্ভ হইয়াছিল। একপ ভীষণ অগ্নিকাণ্ড জীবনে আর কখন দেখি নাই! আনন্দের যথাসাধ্য চেষ্টায় আগুন নিবারিতে পারি বটে, কিন্তু আপনাদের বে-তারের যন্ত্রাদি রক্ষা পাইবে না। নানা রকম কল ও যন্ত্রাদি বিভিন্ন কক্ষে খাটাইয়া রাখা হইয়াছে—সেগুলি সমস্তই নষ্ট হইবে।”

ইন্স্পেক্টর কুটস বিহ্বল স্বরে বলিলেন, “এই অগ্নিকাণ্ডের কারণ কি, বলিতে পারেন ? আকস্মিক হুর্ঘটনা ?”

ক্যাপ্টেন বলিলেন, “আকস্মিক হুর্ঘটনা ? অসম্ভব ! কেহ স্কটল্যান্ড ইয়ার্ড বিধ্বস্ত করিবার দুঃখভিসন্ধিতেই এই কাজ করিয়াছে—এ বিষয়ে আমার বিন্দুমাত্র সন্দেহ নাই। ভয়ঙ্কর বিস্ফোরক পদার্থে নির্মিত বোমা দ্বারা, বা কোন প্রচণ্ড শক্তিসম্পন্ন কলের সাহায্যে অর্ধেক ছাদ ভাঙ্গিয়া উড়াইয়া দেওয়া হইয়াছে। আপনারা আমার সঙ্গে আসিতে পারেন, কিন্তু অন্য কাহাকেও এখন ভিতরে আসিতে দিবেন না।” (don't let anyone else in yet.)

একখানি স্লুহং মোটর-কার দেউড়ীর ভিতর প্রবেশ করিয়া দাঁড়াইবামাত্র লণ্ডন-পুলিশের চীফ কমিশনার সার হেনরী কেমারফল্ড ও স্কটল্যান্ড ইয়ার্ডের সুপারিন্টেন্ডেন্ট ট্যানার সেই গাড়ী হঠাৎ নামিয়া পড়িলেন ; তাহার পর ইন্স্পেক্টর কুটসের সহিত তাঁহাদের আলাপ চলিতে লাগিল। সার হেনরী যেন ক্ষেপিয়া উঠিয়াছিলেন ; তাহার উত্তেজিত কণ্ঠস্বর শুনিয়া মিঃ ব্রেকের মনে হইল কেহ ভুবর্ডীতে আঙুন দিয়াছে ! কিন্তু ফায়ার-ব্রিগেডের চেষ্টায় অগ্নিরাশি নিব্বাপিত হইল ; কেবল ছাদ হইতে কৃষ্ণবর্ণ ধূমকুণ্ডলী উৎক্ষেপিত হইয়া বায়ু-তরঙ্গে ভাসিয়া যাইতে লাগিল।

ফায়ার-ব্রিগেডের যথাসাধা চেষ্টায় স্কটল্যান্ড ইয়ার্ড ধ্বংসমুখ হইতে রক্ষা পাহল বটে, কিন্তু এই অগ্নিকাণ্ডে যে ক্ষতি হইল—শীঘ্র তাহার পরিপূরণের সম্ভাবনা রহিল না। বহু সুদক্ষ ও দায়িত্ব-জ্ঞানসম্পন্ন প্রাতভাবান কর্মচারীর দীর্ঘকালের চেষ্টা যত্ন ও পরিশ্রমে যে শুল্কলা, যে আনন্দনীয় কার্য্যপদ্ধতি ধীরে গঠিত হইয়া উঠিয়াছিল, তাহা যেন পিঁচালের এক কুৎকারে শূন্যে বিলীন হইল।

সুপারিন্টেন্ডেন্ট ট্যানার মাথা নাড়িয়া বিজের মত গম্ভীরভাবে বলিলেন, দৈব-হুর্ঘটনা, আলবৎ ইহা দৈব-হুর্ঘটনা ; নতুবা এত স্থান থাকিতে স্কটল্যান্ড ইয়ার্ডের চূড়ায় আঙুন লাগিবে কেন ? সার্জেন্ট সিবর্প কোথায় ? আজ রাত্রে তাহার উপর আফিসের ভার ছিল যে ! এই হুর্ঘটনা সম্বন্ধে সে বাহা জানে, তাহাই সর্ব্বাগ্রে শুনিতে হইবে।”

সার হেনরী বলিলেন, “ঠিক ; সিবর্ণ কোথায় ? তাহাকে এখানে দেখিতেছি না কেন ?”

তখন বহুকণ্ঠে প্রতিধ্বনি হইল, “সিবর্ণ কোথায় ? সার্জেন্ট সিবর্ণ কোথায় গিয়াছে ?”

কেহই সার্জেন্ট সিবর্ণের সন্ধান করিতে পারিল না। অবশেষে ক্যানন-রো থানার পুলিশ ইন্স্পেক্টর সার হেনরীর সম্মুখে আসিয়া তাঁহাকে অভিবাদন করিয়া বলিলেন, “রাত্রি আপনার সঙ্গেই ত সকলের শেষে ত্তাহার দেখা হইয়াছিল মহাশয় ! গত রাত্রি সাড়ে এগারটার সময় আপনি এখানে আসিয়াছিলেন; তখন সার্জেন্ট সিবর্ণের উপরেই আফিসের ভার ছিল।”

সার হেনরী বিস্মিতভাবে বলিলেন, “তোমার এ কথা মন্দ বুঝিতে পারিলাম না ইন্স্পেক্টর ! কাল রাত্রি সাড়ে এগারটার সময় আমি এখানে আসি নাই ; অথচ সে সময় তুমি আমাকে এখানে দেখিয়াছিলে ! নেশা করিয়াছিলে না কি ?”

ইন্স্পেক্টর সার হেনরীর তাড়া খাইয়া একটু অপ্ৰতিভ হইলেন, কিন্তু গোঁ ছাড়িলেন না ; তিনি বলিলেন, “কন্স্টেবল হেনিস্ কোথায় ? হেনিস্ এ দিকে এস।”

একজন কন্স্টেবল সার হেনরীর সম্মুখে আসিয়া যথানিয়মে তাঁহাকে সমস্ত অভিবাদন করিল; তাহার পর বিনীত স্বরে বলিল, “হুজুরকে কাল রাত্রি সাড়ে এগারটার সময় এখানে আসিতে দেখিয়াছিলাম। হুজুর এখন যে গাড়ীতে আসিয়াছেন—ঐ গাড়ীতেই আসিয়াছিলেন। গাড়ী যখন দেউড়ীর ভিত্তর প্রবেশ করে তখন আমি গাড়ীর নম্বর দেখিয়াছিলাম ; তাহা ঐ নম্বরেরই গাড়ী। ডিটেক্টভ সার্জেন্ট সিবর্ণ দেউড়ী খুলিয়া দিলে হুজুর ভিতবে প্রবেশ করিয়াছিলেন।—নিজের চক্ষুকে কি করিয়া অবিশ্বাস করি হুজুর !”

সার হেনরী উত্তেজিত স্বরে বলিলেন, “এই কন্স্টেবলের মাথা পাৰাপ হইয়াছে। কাল রাত্রি নয়টার সময় আমি এখান হইতে বাড়ী গিয়াছিলাম ; সমস্ত রাত্রি বাড়ীতেই ছিলাম। এখান হইতে টেলিফোনে আমাকে সংবাদ দেওয়ার পূর্বে আমি বাড়ীর বাহিরে আসি নাই ; অথচ তুমি বলিতেছ আমাকে আমার

গাড়ীতে এখানে আসিতে দেখিয়াছিলে। অসম্ভব! তুমি পাগলের মত কথা বলিতেছ কনষ্টেবল !”

কনষ্টেবল হেন্স্‌ দৃঢ়তার সহিত বলিল, “হজুর আমাকে যাহা ইচ্ছা বলিয়া গালি দিতে পারেন, নিজের চক্ষুকে ত অবিশ্বাস করিতে পারি না। আপনি আপনার গাড়ীতে ঠিক আসিয়াছিলেন; হাঁ, আপনাকেই দেখিয়াছিলাম। হজুর ভিন্ন আর কে ঐ সময় আফিসে আসিবে? বিশেষতঃ ঐ গাড়ী—”

সার হেনরী বিরক্তি ভরে বলিলেন, “খামো তুমি! আমার গাড়ী সারারাত্রি গ্যারেজে ছিল। তোমার কোনও কথা শুনিতে চাহি না; তুমি ঠিক ফ্লেপিয়া গিয়াছ। তোমাকে আমি বরখাস্ত করিব কনষ্টেবল!—সিবর্ণ কোথায়? তাহাকে শীঘ্র খুঁজিয়া বাহির করিতে হইবে। আমার বিশ্বাস, কি একটা গণ্ডগোল হইয়া গিয়াছে। আমি সৰ্ব্বাগ্রে সার্জেন্ট সিবর্ণের কৈফিয়ৎ চাই। কোথায় সে? এই মুহূর্তে তাহাকে আমার সম্মুখে হাজির কর সুপারিণ্টেন্ডেন্ট ট্যানার!”

সুপারিণ্টেন্ডেন্ট ট্যানার বলিলেন, “সে বোধ হয় এখনও টেলিফোনের কামরায় আছে।”

ভাঁহার কথা শুনিয়া সকলে সিঁড়ি দিয়া দোতলায় উঠিলেন; ধূমের গন্ধ তখনও দ্বিতলের বায়ুস্তরে পরিব্যাপ্ত ছিল। সেই গন্ধের সহিত নানা প্রকার রাসায়নিক দ্রব্যের উগ্রগন্ধ মিশিয়া ভাঁহাদের নাসারন্ধ্রে প্রবেশ করিতে লাগিল।

সুপারিণ্টেন্ডেন্ট ট্যানার টেলিফোনের কামরার সম্মুখে উপস্থিত হইয়া কন্ধ দ্বারে ধাক্কা দিলেন; কিন্তু দ্বার খুলিল না। তিনি অধীর ভাবে বলিলেন, “এ কি! দরজা যে ভিতর হইতে বন্ধ?”—তিনি দ্বারে কাঁধ বাধাইয়া প্রচণ্ড বেগে ধাক্কা দিতেই কপাটের মাথার ছিটকিনিটা ঘুরিয়া নামিয়া পড়িল, সঙ্গে সঙ্গে দ্বার খুলিয়া গেল।

সেই কক্ষে তখনও আলো জলিতেছিল; সার্জেন্ট সিবর্ণ টেলিফোন-একস্‌চেঞ্জের সম্মুখে একখানি চেয়ারে ঠেস দিয়া বসিয়া ছিল; কিন্তু ভাঁহার মাথা এক পাশে ঝুঁকিয়া পড়িয়াছিল। তাহার স্বচ্ছ স্নান চক্ষুর দৃষ্টিতে জীবনের লক্ষণ ছিল না।

সার্জেন্ট সিবর্ণের মুখের দিকে চাহিয়া সুপারিণ্টেন্ডেন্ট ট্যানার বিচলিত স্বরে বলিলেন, “দেহে প্রাণ নাই! হাঁ, সিবর্ণের মৃত্যু হইয়াছে। এ কি শোচনীয় হৃৎটনা!”

চেয়ারের পাশে একটি ক্ষুদ্র শিশি পড়িয়া ছিল। সুপারিণ্টেন্ডেন্ট ট্যানার শিশিটা তুলিয়া লইয়া নাকের কাছে ধরিলেন; শিশিতে কিছুই ছিল না, কিন্তু তখনও গন্ধ ছিল। তিনি তাহার ঘ্রাণ লইয়া গম্ভীর স্বরে বলিলেন, “পটাসিয়াম সাইয়ানাইড! (Potassium of cyanide.) আত্মহত্যা বলিয়াই সন্দেহ হইতেছে! কিন্তু সিবর্ণ কি হুখে আত্মহত্যা করিল? এ কি রহস্য?”

মিঃ ব্লেকের মুখ ভয়ঙ্কর গম্ভীর, চক্ষুতে হৃৎস্তম্ভা ঘনীভূত। সিবর্ণ কিজন্য সাড়া দেয় নাই, তাহা সকলেই বুঝিতে পারিলেন; কিন্তু তাহার আত্মহত্যার কারণ তখন পর্যন্ত কেহ জানিতে পারিলেন না।

সার্জেন্ট সিবর্ণের সম্মুখে ‘রিপোর্ট-বর্তি’ খোলা ছিল। সুপারিণ্টেন্ডেন্ট ট্যানার তাহা তুলিয়া লইলে, তাহাতে কি লেখা ছিল—তাঁহা দেখিবার জন্য অন্ধ সকলেই সেই খাতার উপর ঝুঁকিয়া পড়িলেন।

তাঁহার নিম্নলিখিত কয়েক দফা মন্তব্য সন্নিবিষ্ট দেখিলেন :—

“সংবাদ-পত্রে সংবাদ পাঠাইতে হইবে—

“ডল্‌উইচ্ গ্রামস্থিত লাল কুঠাতে মিঃ জর্জিস্ সোয়েনের আকস্মিক শোচনীয় মৃত্যু।

“রাত্রি বারটা হইতে দুইটার মধ্যে লণ্ডনের সহগমনী কয়েকটি ব্যান লুঠ, এবং সেই সকল ব্যান হইতে দুই লক্ষাধিক পাউণ্ড অপহৃত।

“রাত্রি দুইটার সময় বোমা দ্বারা স্কটল্যাণ্ড ইয়ার্ড বিধ্বস্ত প্রায়।

“এই সকল বিভিন্ন কাণ্ডের সম্পূর্ণ দায়িত্ব-ভার পল সাইনস্ স্বয়ং গ্রহণ করিতেছেন; কিন্তু স্কটল্যাণ্ড ইয়ার্ডের কর্তৃপক্ষ তাহাদের এই শোচনীয় পরাজয় ও হীনতার নিদর্শনস্বচক এই সকল সংবাদ সংবাদ-পত্রে প্রকাশ করিতে কখন সাহস করিবে না। স্কটল্যাণ্ড ইয়ার্ডের এই সকল সংবাদ চাপিয়া রাখিবার চেষ্টা ব্যর্থ করিবার উদ্দেশ্যে, পল সাইনস্ প্রত্যেক সংবাদের বিস্তারিত বিবরণ



জন সাধারণের অবগতির জন্য আগামী কল্য বেলা নয়টার সময় সংবাদ-পত্র সমূহ পাঠাইবেন।”

পল সাইনস্ এই মন্তব্যগুলি রিপোর্ট-বহিতে স্বহস্তে লিখিয়া তাহার নীচে নাম স্বাক্ষর করিয়াছিল।

এই মন্তব্যগুলি পাঠ করিয়া সকলেই প্রকৃত ব্যাপার বুঝিতে পারিলেন। তাঁহারা জানিতে পারিলেন—পল সাইনস্ সার হেনরীর চন্দ্রবেশে রাত্রিকালে বটল্যাণ্ড ইয়ার্ডে আসিয়া ইহা বিধ্বস্ত করিবারও ব্যবস্থা করিয়াছিল।

সার হেনরী ফেয়ারফক্স মুখ চূন করিয়া বিদ্যভরে বলিলেন, “কিন্তু সার্জেন্ট সিবর্ণ কি কারণে পল সাইনস্কে এই সকল কুকার্যে সাহায্য করিতেছিল? অবশেষে সে আত্মহত্যাটোঁকা করিল কেন?”

মিঃ ব্লেক সার্জেন্ট সিবর্ণের মৃত দেহের উপর ঝুঁকিয়া-পড়িয়া তাহার বাঁ হাতের আঙ্গিন বাহুল পর্য্যন্ত ঠেলিয়া তুলিলেন। তাহার বাহুর ঠিক নীচেই উকী ঘারা নেকড়ের মণ্ড অঙ্কিত ছিল—তাহা সকলেই দেখিতে পাইলেন।

ড্রটেক্টিভ-সার্জেন্ট সিবর্ণ সাইনসের সাত পুত্রের অন্ততম। সে তাহার পিতার আদেশ পালন করিয়া, বিশ্বাসঘাতকতার প্রায়শ্চিত্তস্বরূপ আত্মহত্যা করিয়াছিল।

এইরূপে পল সাইনস্ জয়লাভ করিল। সে স্কটল্যাণ্ড ইয়ার্ড বিধ্বস্ত করিয়া দেশের জন সাধারণকে আতঙ্কে অভিভূত করিবে বলিয়া যে প্রতিজ্ঞা করিয়াছিল, তাহা আংশিক ভাবে পূর্ণ হইল। আইনের শক্তি এই ভাবে সে স্তম্ভিত করিল। সে যে পুলিশের সহিত যুদ্ধে জয়লাভ করিয়াছে—ইহা কেহই ‘স্ব স্বীকার করিতে পারিলেন না।

রাত্রি তিনটার সময় স্কটল্যাণ্ড ইয়ার্ডের দীপালোকগুলি পুনঃ-প্রজ্বালিত হইল। সার হেনরী ফেয়ারফক্স তাঁহার খাসা-কামরায় মন্ত্রণা-সভা আহুত করিলেন। অতঃপর কি কর্তব্য, তাহাই নির্ধারণের জন্য এই পরামর্শ-সভার আধিবেশন। পুলিশ ফৌজ মোটরে চাপিয়া নগরের ও সহরতলীর বিভিন্ন পথে সবেগে ঘুরিয়া বেড়াইতে লাগিল। পুনর্বার কোন ব্যাক লুণ্ঠিত না হয়—সে

দিকে তাহাদের দৃষ্টি রছিল। সহরতলীর বিভিন্ন অংশ হইতে প্রায় পাঁচ ঘিনিট অন্তর বিভিন্ন ব্যাক-লুঠের সংবাদ আসিতে লাগিল।

সার হেনরী ফেয়ারফক্স গম্ভীর স্বরে বলিলেন, “পল সাইনস্ আজ যে ভাবে জয়লাভ করিয়াছে, অপরাধের ইতিহাসে ইহা অতুলনীয়! তাহার আশ্রিত দস্যুদল আজ লণ্ডনের এক প্রান্ত হইতে অত্র প্রান্ত পর্য্যন্ত যে ভীষণ অরাজকতাব সৃষ্টি করিয়াছে—তাহা আমাদের পরাজয়েবই চূড়ান্ত নিদর্শন। আমাদের স্কট-লাণ্ড ইয়ার্ডের এই আফিসে বসিয়াই সে এই সকল অপকর্ম সংসাধনের ব্যবস্থা করিয়াছিল। এই স্থানে আসিয়াই সে বিভিন্ন থানায় মিথ্যা সংবাদ প্রচারিত করিয়াছিল। পল সাইনস্ কোন পল্লীর নিদ্রিষ্টে অট্টালিকায় লুকাইয়া আছে—এই মিথ্যা সংবাদ পাঠাইয়া সে প্রত্যেক থানার কর্মচারীদের ঐ সকল বাড়ী খানাতল্লাস করিতে আদেশ করিয়াছিল। থানার কর্মচারী ও পাহারাওয়ালারা এই ভাবে এক একস্থানে সন্দের আবদ্ধ থাকায়—সার হেনরীর অনুচরেরা অরক্ষিত নগরের ব্যাকগুলি নির্বিঘ্নে লুঠ করিয়াছিল; তাহাদের লুণ্ঠনে কোথাও কেহ বাধা দিতে পারে নাই।—জনসাধারণ যখন এই সকল সংবাদ জানিতে পারিবে—তখন আমাদের অবস্থা কিরূপ শোচনীয় হইবে, ইহা চিন্তা করিয়া আমার প্রাণ ব্যাকুল হইয়া উঠিয়াছে। এই সকল সংবাদ—আমাদের এই পরাজয়-স্বাক্ষরী গোপন রাখিবার উপায় নাই। কী, কোন উপায় নাই। আমি এই সকল সংবাদ চাপিয়া রাখিতে সাহস করি না। একজন লোক কি ভাবে আমাদের গকে অপদস্থ ও লাঞ্ছিত করিল, আমাদের বিপুল শক্তি বিফল করিল—এ সংবাদ প্রকাশিত হইলে সমগ্র জগৎ কি মান করিবে? কি করিয়া আমরা জন সমাজে মুগ দেখাইব? দেশের লোক আপ কি আমাদের বিশ্বাস করিবে? বিপদে আমাদের শক্তিতে নির্ভর করিতে পারিবে?—কিন্তু উপায় নাই, এ সকল সংবাদ প্রকাশিত করিতেই হইবে।”

মিঃ ব্লেক মুখ তুলিয়া বলিলেন, “আপনি ব্যাকুল হইবেন না সার হেনরী। এই পরাজয়ের পরও আমরা জয় লাভ করিতে পারিব—এ আশা আপনি ত্যাগ করিবেন না।”

সার হেনরী দীর্ঘনিশ্বাস ত্যাগ করিয়া হতাশ ভাবে বলিলেন, “আপনি

জয় লাভ ! এই শোচনীয় পরাজয়ের পর জয় লাভের স্বপ্ন দেখিয়া আশ্বস্ত হইতে পারি—তত উৎসাহ আমার নাই মিঃ ব্লেক !”

সকলেই ব্যাকুল ভাবে মিঃ ব্লেকের মুখের দিকে চাহিলেন ।

মিঃ ব্লেক সেই কক্ষের ঘড়ির দিকে অঙ্গুলি প্রসারিত করিয়া বলিলেন, “এখন রাত্রি তিনটা । আর পাঁচ ঘণ্টার পূর্বে সংবাদ-পত্রে এই সকল অশ্রীতিকর সংবাদ প্রেরণের প্রয়োজন হইবে না ; অর্থাৎ বেলা আটটা পর্য্যন্ত পাঁচ ঘণ্টা সময় এখনও আপনার হাতে আছে । এই পাঁচ ঘণ্টার মধ্যে অনেক কসম্ভব কার্য্য সংঘটিত হইতে পারে ।”

সার হেনরী বলিলেন, “অর্থাৎ ?—কি রূপ অসম্ভব কার্য্য সংঘটিত হইতে পারে বলিতেছেন মিঃ ব্লেক ?”

মিঃ ব্লেক বলিলেন, “পল সাইনস্কে গ্রেপ্তার করা ।”

অনন্তর তিনি উঠিয়া টুপি লইয়া দ্বারের দিকে অগ্রসর হইয়া বলিলেন, “আমার আর এখানে বসিয়া থাকিয়া বৃথা সময় নষ্ট করিলে চলিবে না ; আমি চলিলাম । কিন্তু আপনার নিকট পাঁচ ঘণ্টা সময় চাহিতেছি ; এই পাঁচ ঘণ্টার পর—বেলা আটটার সময় পল সাইনস্কে বঁধিয়া আনিয়া আপনার হস্তে সমর্পণ করিব ।”

মিঃ ব্লেক প্রস্থান করিলেন । সকলেই স্তম্ভভাবে সেই কক্ষে বসিয়া রহিলেন । কয়েক মিনিট পরে ইন্স্পেক্টর কুটস মাথা তুলিয়া সশব্দে নাক ঝাড়িলেন । তাহার পর ক্ষুদ্র স্বরে বলিলেন, “ব্লেকের মাথা খারাপ হইয়াছে ! আচ্ছা, তাবিয়া তাবিয়াই বেচারী ক্ষেপিয়া গেল !”

নিদারুণ পরাজয়ে সকলেই ‘লজ্জা নস্ত্র নস্ত শির ।’ কেবল মিঃ ব্লেক এই দুঃসময়ে একাকী পল সাইনসের বিরুদ্ধে যুদ্ধ ঘোষণা করিলেন ।

মিঃ ব্লেকের এই অঙ্গীকারের কোন মূল্য আছে কি না দেখিবার জন্য আমরা সাগ্রহে প্রতীক্ষা করিতেছি । আশা করি আমাদের পাঠক পাঠিকা-গণের আগ্রহ ও কৌতুহলও অল্প নহে । জানি না কতদিন পরে লণ্ডন হইতে এই সংবাদ পাওয়া যাইবে ।

বাহির হইল !

‘ব্রহ্মসু মহরী’র ১৩৭ নং উপন্যাস

জলে জঙ্গলে মুদ্র

কলির ভীম অদ্ভুতরুম্মা রূপাট ওয়াল্ডোর অত্যদ্ভুত নৃতন

কাহিনী এই সঙ্গেই প্রকাশিত হইল : ‘পেত্নী-দেহের

হীরা’র কৌতুকাবহ, লোমহর্ষণ, ঘটনাবৈচিত্রাপূর্ণ

উপসংহার-প্রত্যেক পাঠকের

অবশ্য পাঠা

ডাঃ নরেশ সেন গুপ্তের

সতী ... ২৫০

ও

রূপের অভিষাপ ... ২১

প্রেমেন্দ্র মিত্রের

পঞ্চশত ... ১১০

প্রবোধ সান্যালের

স্বাধীন ... ১১০

শ্রীগদাগল গুপ্তের

অসাপ্ত সিন্ধু ... ১১০

ও

রূপের বাহিরে ... ১১০

দীনেন্দ্র কুমার রায়ের

ঐতিহাসিক উপন্যাস

নাম্মা সাহেব ... ২৫০

কেবলমাত্র 'রহস্য-কুহরী'র গ্রাহকগণের নিকট হইতে এই সমস্ত  
পুস্তকের ভিত্তি: পি খরচ লওয়া হয় না। নিম্নলিখিত ঠিকানায় কেবলমাত্র  
দাওয়া যায়।

ব্রাহ্মহরি শ্রীমানী এণ্ড সন্স

বুক সেলার এণ্ড পারিসার।

২০৪ নং বর্গওয়ালিশ ষ্ট্রিট, কলিকাতা।